

說

部

叢

初二集第

編二十

集二

編

神怪小說

(卷下)

鬼山狼俠傳

上海商務印書館發行

鬼山狼俠傳卷下

英國哈葛德原著

閩縣林紓
長樂曾宗翬 同譯

第十九章 麥西羅至達沽沙

是日巴利格臨死之言。查革亦心動。夜不能睡。乃呼余至。與余同行於野次。至幽靜處。查革先行。余隨侍。忽見查革行向達底耶納死人之窟。其地卽余舉族叢冢也。吾父吾妹均死於是中。余二人邇迤至山谷之次。即日中。查革所見百姓顛越如激流。衝石入谷者。其中似有哭聲。已復寂然。以夜深。故多怪響。明月正滿。射及戶積。去余僅咫尺。余厯厯見之。且見吾妹之面。當時伍伯寘戶於羣戶之中。余見之。貌尙豔麗如生。余注視久。毛髮竦然。遠遠見戶際有黑影。查革曰。摩波吾奴。汝尙欲勝吾博耶。爾不觀爾族悉淪於此。須知不用一矛之力。俄頃皆滿。余未答。查革語時。野狗噬戶。聞人聲。皆逃已而查革復言。且大笑曰。吾母。吾爲母復仇。今夕母當安寢矣。吾驅遣。

多人撫慰吾母令寢嗟夫此即藍靖尼人想母已忘之矣而吾則猶躍躍憶之復指戶曰藍靖尼人爾尙憶當日有一婦人攜一兒至爾村行乞乎爾乃斬不之與至於一壺之乳酪亦吝不授嗟夫藍靖尼人吾邇日之言汝當聞之吾蓋言瓶中一滴之水即爾村中一命吾則盡吸之矣吾今不踐吾言乎爾須知爾尸伏此較當日水點爲多計是間男婦老稚疊如秋葉真奇觀也嗟夫藍靖尼人汝斬吾牛乳吾今日長矣爲母復仇及於汝輩今環顧天下孰有富貴高大如我者凡余所踐地地且爲震余與人言人皆股弁余眉一蹙萬衆立死今死者幾百千萬矣余巍然永與天齊地中爲人跡所至者均屬余即居此地上者命亦屬余余後此將日加長矣語已復駭曰巴利格汝奈何以死目視余余殺人多乃獨汝耶視我何爲汝乃云吾後此將不得良睡巴利格汝聽之吾不畏汝爲厲汝果厲者可立與吾言謂吾何畏者查革語時驕氣頓歟余此時欲出矛刺之心中已類中癟復仇之念渴不可止已徐進於查革之後將刺其腦忽見異狀而止戶積中有一臂高舉在山影中動搖似巴利格臂

也。吾又自念是必萬戶中有一人未殊者。然此臂所動良近。巴利格戶次腕上尙帶銅鉶。是巴利格生時所常御者。手動時面尙如生。手凡三動五指伸縮之數如之。似在影中召集羣鬼。如是復止時。萬籟都寂。中聞銅鉶相觸聲。已有人影起立作歌。歌聲野而靡爲余生平所未聞者。然當日一一識之。至今已越吾耳去矣。但憶此聲。似告我以黑種之人轉轉而微。白種之人駸駸而盛。後此黑種人遂沒然而亡。曲中之意。蓋言男女善惡及強弱國爭鬪之終始。且告蘇嚕人以將來必有小手。將復其仇。又言何地爲黑種人消磨於白人之影中。令黑人消亡都盡。然人亡而事蹟則永不滅。無論善惡興亡。皆令人警切。至死生哀樂。亦一一指示無遺。謂人生於世。猶小葉之飄巨溪。安有涯岸可尋。曲中歷指人名。余皆忘之。而余名亦在其內。即巴利格查革與洛巴革之名。亦咸在歌。雖非長而已。包括萬事。然其中尙有譏緯之言。機未明。闢余固不之省也。歌聲出諸山影之中。似死人亦傾耳而聽。查革聞之毛戴。此時查革罪惡已滿。靈府昏沈如黑獄。余尙明晰。故能歷歷紀其所見。時歌聲漸近。山影中

忽現紅光似人死之第六夕所聚者。光流轉至余前。狀似一婦人。旣至。則爲華妙一
天人。狀類神姥。徐步於戶海之上。余見神姥行時。羣戶咸起立隨之。憧憧無數。幾以
萬計。神姥髮如金鑄。眼光澄徹。如午日左右臂及胸。咸作異光。猶日之映雪。妙相尊
嚴。令人怖匿而又足。令人依戀。余甚欲長生。以侍此天姥。親其光彩之衣裳。方神姥
至時。查革立蹶。以手自掩其面。嗟夫。天下惟首惡之人。始畏鬼耳。余則殊不之懼。此
時仰瞻天表。注視良久。仙姥右手執小矛。似查革矛影入此天人之手中者。天人若
示余以查革殺母。即用此矛者。然彼人之收局。亦正用此矛。此時仙姥立余及查革
之前。神光直射余面。舉矛直點查革之額。而查革亦覺矛鋒之及。然仙姥所言。查革
殊不之聞。但余傾耳聽仙姥言矣。仙姥曰。摩波爾手之矛可少住。查革之惡未貫盈。
也迨至第三次見我。時即風颶中。爾始可以矛刺此賊之胸已。而黑雲忽起蔽月。仙
姥遂隱。不見。獨余與查革立月光戶海之上。查革忽舉首。面作死灰色。汗被其頰。柂
聲問余曰。摩波此何人耶。余曰。天神保守吾種人耳。神不時降觀。凡大禍將至之前。

神輒降之。查革曰。吾似聞女王作聲。今安往。彼所作歌。究何所指。彼何事以矛點吾額。余曰。王聽之。此次神來。即巴利格以手招之。亦爲王所目矚者。彼歌詞所示。理甚高深。或以矛點額。當爲王加冕。令後此大權逾重。人莫與京耳。查革曰。噫。彼殆令我操生死權乎。余曰。王固操之矣。余言已。靜視死人中。巴利格此時尙作何狀。再觀查革。則寒慄不可止。呼余曰。行矣。吾今日始知世間果有可畏者矣。余曰。凡畏怖之來。有同生客。必以物饗之。令饜飽而去。即王爲至尊。亦不能止畏怖之事。勿集王躬。余語已。與之同歸。

自是夜起。查革自宣言於衆。言村中爲妖術所蠱。匪特王村然。蘇嚕全部皆然。查革於是通夜不得甯睡。夜中數起。恆呼巴利格。因議遷都於遠地。避鬼眚。立巨鎮於達沽沙。亦曰那達勒。在亞斐利加之東南鄉去那達勒少遠。有平原。爲白種人所居。白種之人。能以杖擊人者。號曰杖族。即前此達沽沙村也。村之興築時。立砦設關。關下有廬門者。居之。白種人特留此故蹟以示人。謂前此爲查革村者。門徑久不毀。即查革之故居。

亦留而不撤。蓋白種人惡查革兇暴，故留此故宅以授人唾罵。不代請於上帝，以赦其罪戾。當日在此廬之前，幾千萬萬人向王乞命，竟無一人生者。則暴虐誠至於極點矣。然查革所言語語皆實，又似有前知者。余今一一述之，以告夫讀吾書者。後此地爲白種人所得，經營擣搘，爲平和之舉。時王方遣人四出殺人，幸此白種人數言而止殺。今白種人之子熙熙然在籬落中採擷叢花，詎知此栽花之地當時曾經千萬萬人喋血者？今白種人之子方沐浴於清池，詎知此清池中當時育無數鱸魚，出瞰人戶者？今白種人之少年，方與西方美人調謔於花底林邊，詎知此花底林邊當時曾經千萬萬之女郎以口吻親矛鋒者？事過境遷，皆成遺迹。查革所遺者，斷墳三尺耳，諸無所有，而惡名兇燄尚存人口，可嗟也。

此時查革已遷達姑沙，久不殺人。忽一日復渴而思飲血，乃發戰士至邦都斯族殲其人，驅其牲歸。戰士累勝利殺人，查革悅，復大出兵數萬伐藍坡堡族，衆長歌出。查革臨視，誓之曰：「出必以勝歸，不則無令一人歸也。」此行兵數絕多。自遲明起至

日高。衆陸續出不已。多逾牛羣。其勢甚盛。良無敵於天下。然彼衆殊未知自此行後。常勝之勢不更屬此軍矣。全軍竟以餒死。且涉淺水時。中疫發寒熱死。餘衆歸時。蒙盾之皮。皆煮而噉之。藏之腹中。此輩所爭何事。至此乃如空花也。彼方征藍坡堡時。有一軍號曰塵土。謂此軍一至。但見塵飛。觸之蔑有不敗。迨其收局。果終委之塵土矣。塵土一軍之亡。直查革口鼻中之呼吸。令其全軍皆墨。於是查革之軍始寥寥。居達沽沙之壯士。皆從軍。餘者惟老人及婦孺。查革之兄弟曰鄧革。曰安黎根那。亦留守。時查革不許此二王外出。防握重兵。將反戈內嚮。又時時防其爲變。輒怒目與言。此二王乃懊惱。朝不保暮。然亦不示王。以怨望之色。防日晚臨。命此狀竟爲余所覺。余此時復仇之心。如蛇之攢穴。乃直叩其機密之地。陰與聯絡。爲策大事。今茲事且勿言。言麥西羅事矣。此時麥西羅垂至王村。求王助之。得西尼娣。此人爲洛巴革所驅。出斧頭族。卽於戰士出征之第二日。麥西羅入面鄧革。求引之謁王。王居宮中。二王侍坐。余亦與焉。尙有王親信大臣。及諸謀士。查革自言。此次治大喪。痛哭備極酸

楚。今將免喪。仍戚不已。此時忽有人進言。有亡人麥西羅將通謁。王亦不怒。令入。少頃。頌詞忽大作。余愕然。見一胖子。似行道罷茶者。匍匐入見。頌王不已。查革止勿頌。問曰。汝來何爲。麥西羅始坐。告以一少年虎踞斧頭族事。因狀此少年之魁碩。威刦斧頭族。滅齊格沙。立爲是中百姓首領。及強取牲口。逐麥西羅至此。一一爲查革言之。然查革領土甚廣。初不知有斧頭族者。且小部落無數。離查革所統地亦至遼遠。威稜所未徧及。至不能舉其族名。乃問麥西羅。曰。是中人能戰者何若。牲畜幾許。此少年果作何狀。彼中人究以何物供此少年。麥西羅曰。壯士可得半營。而牲畜則絕富碩。家給人足。惟無貢獻之禮。聞此少年。自稱曰博拉柳。獨霸此方。並不計外。此之有大國也。王聞言大怒。曰。汝起趣往告彼族曰屠伯者。附耳告之。曰。此間有達沽沙者。尤屠伯中之屠伯。此我之號令詔彼者。趣往告彼司神斧之人。汝率彼種族及神斧。同蒞達沽沙面我。我坐而俟彼也。汝今趣往傳吾號令。汝敢逗遛久坐者。則汝將永坐於此矣。

蘇魯生墮活人均坐埋

麥西羅聞言曰。事宜如是。惟路遠奈何。且臣亦憚見屠伯。

屠伯所居地。距此二十日始至。倉卒何能遽達。且居鬼山影下。路至隱僻。王曰。我不知也。汝三十日中必報我。且同此少年及大斧至吾許。設爾後期不至。必有人尋爾。及司斧之人。麥西羅聞言。立出宣王之號令。而查革是後亦不復言此矣。然余自念此持斧少年果何人者。乃旣殺齊格沙。復殺其十子。何其勇甚。類吾洛巴革耶。意洛巴革別。余數年今已偉然成丈夫。或能爲此者。而余亦不敢言。而此日中忽有奇聞入吾耳。謂吾妻麻姑華。及吾女尼達蓮花娘在蘇合西中。與其種人同爲哈拉葛西所滅。狼籍死諸矛下。余聞言噤不敢哭。以余歷經憂患悲極。得凶耗咸如當時。故亦不之慟也。

第二十章 摩波與二王決策圖王

於是逾二十八日矣。至第二十九日。查革禍作矣。二十八之夜。查革得噩夢。輾轉不能寐。日中召村中羣女百餘人至。女中有呼姊妹者。有待年者。然皆少年美麗。余不審查革此時所夢如何。亦不余告。以此時查革夢多記不勝記。然夢之結果則殺人。

而已。此時查革至宮外，雙蹙其眉。余亦侍坐王之左，則羣雌羅列，二膝均顫而着地。每人以侍者領至王前，然皆俯首至臆。每人至前，王皆贊賞其人，言甚溫美。其後乃言曰：汝輩居室中，有狸狌否？中有人曰：有之。或言否者，或癡立不能答者，爲狀雖殊，至結局則一而已。王最後歎息曰：吾後宮人今與汝決矣。不幸汝家何由有狸狌？其對言無者，則曰：傷哉！汝家何無狸狌？其對不言者，則曰：汝奈何不告我以有無？語已，磨武士一一刺殺之。此一日中，大半皆殺人也。死至六十二人。後有一婦人至王前。此婦人忽發奇智，王亦問之曰：汝家有狸狌也？無此婦對曰：不之審。惟吾身有半狸焉。乃指示腰間狸革。王鼓掌大笑曰：吾夢應矣。遂止殺。是日余心絕痛，自念更須何日。吾心始能宅者，乃散步出達沽沙，距巖石坐，觸目洞矚四方，時已嚮晚，空氣清靜，餘熱尚熾，似有大颶將起者。余此時忽念仙姥之言，覺大權將屬我矣。而斜日在山絕，赤似海上血潮湧出，大地者今日之兆。大類查革平日殺人之血，乃萃而奔入查革村中矣。夜胎已湧，見雲氣立於落日之前，落日得此彩雲，爲冠狀，更美麗在日旁。

電氣閃閃。又類血潮湧出其身。餘暉左右射如展巨翼。翼此大山及平原之上。光景幽靜。因而漸漸沈沒。雲容亦愈聚如戰士。齧集聞大將號令。電光時見時隱。則戰士之矛鋒也。余覩此狀。心乃大震。已而晚電亦滅。景始沈黑。余從萬靜中至欲覓一落葉之聲。與一夜鳥之鳴。亦不可得。地球若就死。余若獨立於此死世界之中矣。此時忽有明星落於亂雲之中。如號令動此巨颶者。時灰色空氣中立動哀聲。發於巖上。少頃復寂。忽有冰冷之氣。發自大風脣吻之上。捲地而起。此氣直逼落星。此落星如飛向余而來。方大風哮吼時。星忽結爲異狀。狀如婦人。余大悟。仙姥來矣。仙姥余凡二見。第二次面仙姥時。曾言颶發時。仙姥立至今茲。殆應其言。然仙姥馭風絕疾。余震懾不可狀。仙姥披電衣。電發仙姥之目。卽髮際亦閃閃作電光。手執短矛。森森作烈燄。直至山谷之中。狀似騎雲。雲受策如馬。雷聲闡闡。隨仙姥後。雨點紛集。作蛇鳴。行經余前方。仙姥過時。以怒目視余。余顏色幾爲之槁。忽隱忽現。默不一言。矛鋒火燄猶熾。以余觀之。仙姥似張颶風而語。時大颶撲石穴作巨聲。雨爲送響似語。余曰。

矛下矣。摩波余恍惚中疑爲心聞之耶。抑耳聞之耶。乃自大廳隙中煙雲罅處見仙姥已擁濃雲而去。至達沽沙村上。全村之窪處仙姥足下矣。遙見仙姥擲此火矛於村中。村火亦覺如答仙姥。仙姥遂渺。此余第三次日中見仙姥。自念爲時無多。亦立見仙姥。特恐吾所見時都不在此世耳。此時余猶臨巖坐。久之始起。犯颶風歸達沽沙村。方余近村時。有奇聲出諸風雨之中。余入村問故。村人曰。時有天火下墜。墜王宮中。當王所居。屋頂爲赭。幸雨集。火立熄。余遂徐行近王宮。時雨中漏溼月。余借月光。望宮外見查革蠶立仰盼屋脊。雨點紛集其身。余前與王爲禮。問王何爲。王視余。直引余臂。如患屠伯見屠。嬰兒力引其父弗釋者。遂同余至小屋中。余曰。王何爲恐懼至此。且此火從何來。是何災祥者。查革曰。余震恐乃不知所爲。至今猶怖不可止。巴利格爲厲。召集異徵。見靈於戶海之上。余曰。王何畏。王爲地球之主人翁。王何畏。時許亦乘未晚之時。晚後余即夢覽。直爾妹巴利格奪余睡寢之羣戶之中。余夜來查革以身就余曰。摩波爾聽之。吾昨得一怪夢。自余殺羣嫗之後。恆少睡。即少睡一

終不得睡。此時少睡中忽入夢而噩夢已集。見有人冠巨冠坐吾前。蓋大象非人。余矚之似巨墉已圮。即圮墉外望。則一空曠之地。余尸在焉。徧體皆矛穴。余尸之旁爲余兄弟鄧革及安黎根那。高視闊步於余前。狀類巨獅。安黎根那肩上負余鐵戰裙。裙上均帶血。鄧革則握余常御之矛。矛上亦帶猩色。此時余在夢中。見爾至前。舉爾手。與余兄弟行面王禮。卽以爾之足蹴爾王之戶。如是噩夢。睂眼立逝。余立醒。而火卽發於屋脊。此夢主何祥。吾奴試言之。吾不當殺爾耶。爾異心乃欲事他王。以事我之禮。事之在律。當死否。王語時。張目視余。余從容曰。視王意所出。此夢至異且凶。而天火示懲。於兆尤不吉。惟是語至此不言。查革曰。汝何以不言。余曰。嗟夫。以王奴愚忠。卜之擊蛇。須擊首。勿擊其尾。蓋無尾而首尚生去首而尾且安。屬王曰摩波。汝試復我。此二王果死。汝安知不更事異姓。加之以王號。我言如何者。余曰。臣何人。安忍以二王之血。代臣死者。王聰明。當能自斷。由是查革沈思久之。乃曰。此事汝能於今夕畢之否。余曰。王聽臣。今茲大出兵。二王所部勁旅尙多。犯之且立相抵。未易當也。

王曰。摩波何術能爲我了之。余曰。臣不敢與聞。雖然隔河之中。尙有王軍。號曰殺手。趣召之。日中可至。至時復不言而止。王曰。吾子摩波智哉。言也。明日趣召此殺手。大事屬汝。幸勿中輟。余曰。嗟夫。王也。臣若不盡心者。是自畢其命。臣命繫此舉矣。王曰。設汝前此所言果皆僞者。惟此汝當勿僞。譬此事宣漏如婦人之落其胎。則汝死烈矣。今趣行吾事。余曰。敬如王旨。乃出。余此時知查革必欲死。余矣。彼先命余殺二王。余亦無怖。余亦預知查革之命亦近。遂遷迤至家。量度久之。時家人盡臥。余獨起如蛇行。歷村落無數。至鄧革宮。鄧革方坐以待余。余循牆陰至其門。微叩門立啓。余伏行入門。乃復合。旣入見火光燦然。自光中觀之。二王並坐。以毡裹其身。鄧革僞曰。入者何人。余乃自脫其毡。出吾面。鄧革見余亦自去其毡。余乃與二王道萬福。曰。彼人明日化爲塵土。王明日登極矣。因出燒枯之掌指鄧革。鄧革聞言戰慄曰。狗所言何謂也。余豈許爾作如是妖言惑我者。安黎根那曰。爾爲神巫。何爲以汝鬼手指我。余曰。二王去死近矣。王豈弗知。今且聽臣所言。查革又有噩夢矣。彼夢汝殺王。設王此。

時屠人在其側。二王將無倖。鄧革出矛指余曰。吾至欲聞王作何夢。余曰。親王少止勿怒。待臣言畢而死。亦未爲晚。查革睡時。夢身已死。二王中取其鐵裙。鄧革急問曰。吾二人中誰得此裙者。二人咸目余。余曰。查革夢此裙屬安黎根那。而鄧革親王則襲取王矛。余言時以手引鼻煙狀。甚閒暇。目視二王。見鄧革怫然視安黎根那。而安黎根那則展笑如春霽。余復言曰。查革復夢二王中。尚有一人執王矛。安黎根那趣問余曰。得王矛者何人。余曰。以查革夢中所述。則鄧革耳。且此兆絕凶。王雖襲位。而後此尚有流血之苗。安黎根那變色作昏晦狀。而鄧革則轉露霽容。余曰。查革復夢摩波爲二王之狗。竟以謁王之禮謁二王。二王同聲問曰。摩波汝身所嚮以誰爲至尊。顧耳聽余言。余曰。聞王言。摩波所禮者二王。如曉來二明星。實爲蘇嚙之嗣王。查革所言。蓋向二王並行臣禮。無所軒輊。二王聞言相視不知所答。以二王方自相猜。沮不復相下。雖災害立。并此一事之中。而二王之心無恤也。余即曰。吾主今茲何暇。更論雄長。二王皆俎上物矣。鷺鳥夜飢。明晨將碎食王之肌體。王知之乎。查革者。

挽回噩夢之神醫也。將以威力挽凶兆。猶人以瀉藥瀉腸胃之宿癥。於是二王咸焦悚知大命之近。卽在查革之夢中。余曰。王謂二王爲老牛。領此牛隊。將悉加之刀俎。並臣亦與戮。及於親黨。今去吾村咫尺。有衛士之營在彼。王已發令召之矣。余語已。與二王道晚安。佯爲起狀。復告二王曰。王今且死。尙有何語遺囑生人否。

或王行後。微臣尙獲須臾之生。敬奉王言。告王知心之人。鄧革即曰。我輩能舉事覆查革否。余曰。不能。以王宿衛多。何能得安。黎根那呻曰。摩波汝乃無術救我。以我卜之。汝必有策。余曰。二王設臣有智計者。王將何物見賚。然非大賚不可不爾。臣安能以性命爲王博神器。且臣尤不願以臣之策易取小物。二王聞聲。爭許余以重賚。互市其恩。大似兩少年鬭於父前。爭娶一女者。余靜聽之。佯不允。迨二王爭以首級立誓不負。若余獲當以報者。卽出其父骨。亦所不惜。此野蠻語原書所言如此並允殊錫無算。且允於得位後。不屬王所轄。尤能以權力統其戰士。彼但求余以策圖查革。尊彼二人爲王。二王旣署諾。乃同立誓。余此時嚴肅沈靜。爲二王畫策。乃曰。嗟夫。二王對村河上。

衛兵。凡二營。其一名爲屠人附王者也。出力爲王。王賜以子女牲畜。無算。其一曰蠭。除飢而無食。思子女及牲畜。欲狂。此營屬安黎根那王。愛王如所親。今臣之策。即用此軍王速出令。以安黎根那王令召蠭營。不以查革令召屠伯營。已復附二王耳。語久之。二王點首見答。如一人。余乃起出茅屋外。令機密之郵者。以符信馳赴河上。

第二十一章 紂查革見弑

明日未及午。查革自宮中出。蓋通夕未睡也。邇迤入一小村中。村四週皆籬落。去宮可五十步。每日余咸檢一機密之地坐。王坐此。即決生死人事。余今日乃簡此地。設王座。查革一身自其宮出。至所度處。余隨其後。查革行時。迴首視余曰。摩波。百事。擗擋就否。余曰。畢矣。屠人之營。中午必至。王曰。摩波。二王安在。余曰。二王方處邸中。枕羣婦人之臂。飲啤酒。醉臥。婦人襟下。王獰笑曰。摩波。此彼第末次娛樂矣。余曰。如王言。於是相隨入籬落中。查革坐於籬西影下。席牛革。革已受百錐而溫軟。其側侍婦人。提啤酒以侍。尙有老將曰英格蘇卡。爲安鶯。天母之弟。尙有安沙麥。嗎大酋。

年事亦多。此時同侍王側。查革頗契重其人。忽見數人奉鶴羽入。此數人蓋王飭其人行經月之路。求索鶴羽者。此時捧羽人至王前。其人出久。王怒極。顧此數人之魁帥。爲王老將弁。累從王獲勝於外者。諸有所遺。均稱旨。在律五年之限已滿。且左臂爲斧斫斷。故不與戰役。但供奔走。其人甚魁偉頑長也。查革即問之曰。汝來何遲。羽人曰。承王命取鶴。鶴飛不歸。須其歸而羣之。故少滯時日。王曰。汝何不隨鳥而飛。彼鶴飛入日中。汝亦當從之。狗何敢違吾令。麾左右殺之。並殺其曹偶。時有一人乞道其命。呼王爲父。請於未死之前。求王賜物。查革曰。爾何需。羽人曰。求王兩物。臣侍王久。從王力戰。自少年時至此。凡遇敵。未嘗以臂示之。今臣臂已失。然當日巨斧之來。實近王顱。臣以孤臂受之。乃不中王而中臣。區區一臂。即何所恤。惟王命。吾生者生。王命吾死者死。今王固尊大。然臣必有言。請饜足臣之嗜慾。請卸我王甲。示臣以胸臆。飽臣眼福而死。王曰。細哉。羽人復曰。請與臣幼子爲別。王曰。爾第一次求我。如爾所言。王乃卸其護心之甲。坦其前胸。已而復曰。第二請。余亦允汝。余生平殊不欲離。

人父子汝趣以子來與之道別即以爾手之矛刺爾子及汝未死之前此方爲壯士亦奇趣之行獵羽人聞之肌膚悉作灰色戰兢言曰王號令即奴子之號令惡敢不從趣以吾子來余此時微觀查革淚亦盈頰忽曰釋之並釋其曹於是衆乃大頌王德余書之記此似與吾事無涉然余生平見王爲第一次殊恩許垂死之人生者此時羽人及其侶均出忽有人言村外有人謁王王許之匍匐入視之麥西羅也麥西羅本查革飭以書喻博拉柳巴革洛者此時麥西羅瘠甚不如前之肥澤背上鞭痕儼然查革曰汝何人麥西羅曰臣爲麥西羅斧頭族人也承王命傳喻博拉柳以三十日還今日如期至矣僥倖得生幸面吾王查革大笑曰吾憶之矣爾前晤今何瘠耶彼屠伯如何曾與其百姓同至挾其巨斧貢吾耶麥西羅曰否彼抗命弗至且加王使以非禮遂臣出其村臣出時復爲西尼娣從者所獲其人爲臣所狎今已屬之屠伯得臣時覆臣面於土鞭臣背而西尼娣且笑而計鞭數王曰彼小狗何言麥西羅曰彼自言爲屠伯博拉柳坐鬼山之陰與達沽沙主人語永永不獻方物主人必欲

得呻吟斧者請自至鬼山取斧勿禁汝至時卽得見一人之面其人將爲摩波復仇方麥西羅言時余已見二物見一小棒自籬外直入第二物則蠭隊已聚對村斜坡之上待二王號令以余矯安黎根那親王符信召彼此棒之來蓋親王已伏籬待警報蠭隊之來亦待時而發查革初聞麥西羅言大怒張目噴沫以此種惡言從未觸王耳而麥西羅者無知之人也冒昧以進查革此時執矛於手而顫忿極不能聲久乃定始噫氣而言曰此狗大慙如唾吾面左右試聽之即使吾垂死之身亦必以屠人往取其舉族之臂汝麥西羅者敢載惡言自鬼山野獸中挾以告我汝摩波者名亦在彼中今日於衆中揭出正佳因呼曰安沙麥嗎吾奴趣取此傳語之奴以爾棒敲出其腦勿滯此老將卽舉棒起顧衰懦無力而麥西羅忽發狂與安沙麥嗎互殺安沙麥嗎立死而英格羅卡斗起以棒擊死麥西羅己亦被創余此時見查革手顫搖其矛弗止余念時至矣急呼曰趣來趣來有人將弑王矣余呼時籬隙中二王闖然入如巨牛之擘蘆叢余以枯手指王而二王各從戰裙出矛刺查革安黎根

那中王左肩鄧革刺其右王手中矛落迴視二王爲王所視戰慄不可止玉凡兩視後乃言曰吾弟弑我耶吾乃飼狗自噬爾弑我欲分地而王耶我告爾是安可久我已聞人將趨而滅我其人蓋白種人也彼族將欲夷平汝族殲我祖父之遺裔彼族將筭余所力爭而得者爾及百姓亦將爲彼之奴隸查革且語血且湧出猶張目四燭如鹿之僨人余曰此時孰欲爲王者趣盡之顧無一人敢進者余乃進而近王前拾矛矛爲王之禁物卽查革用弑其母安鶯諦殺吾子摩沙者余乃舉矛絕高將下復見有巨幕幕吾面作紅光如吾少年時王忽曰摩波何爲弑我余曰以吾妹巴利革之死吾曾與之立誓將踐吾言並爲吾父母宗族復仇言已矛疾下王受刺仰臥於牛皮之上氣息僅屬復言曰爾狗如此吾恨當日不從諾弼拉之言彼攻爾時請余與爾爲難吾恨不從其言也言已寂然無聲余乃跪王尸前呼余族人之鬼死查革矛下者如吾父麥革丹馬及吾母與吾妻鶯尼婢吾子摩沙及吾衆妻與衆子並吾妹巴利革趣來縛取其鬼此時查革尸猶痏視張目似聽余語想此死人

必見羣鬼矣。余兇憤見於顏色。以枯瘠之手指尸想查革之魂見我。必且大懼。較創痛爲烈。俄頃之間。大呻一聲。迴其首。瞑其目。已復張目。始死。嗟夫。查革者蘇嚕至尊。無上又窮凶極惡之人也。

今經予手一矛。永長眠不醒矣。彼尸臥於血泊。卽猶其生前以吮血爲生者。譬諸緣木之人。與木同萎。而善泅者。則隨水而逝矣。今查革所經之路。卽前此爲彼所殺億兆所行之路。數十萬衆所經行。夷平寬綽。彼今日掉臂而往。眞履道坦坦矣。緣彼生平所殲之數。罄原上之草。猶不足喻其多人。云查革之死。臨命哀鳴。此殊不然之論。查革死時。厥狀如生。無幾微哀痛狀。殊勇人哉。余所以能知查革之勇者。彼命畢於余手。氣息僅屬中猶。獰視吾焦枯之爪掌不已。其飲恨於余至深爾。查革死時。蠭營立集。余不審此軍之來。二王何以部署。雖安黎根那爲此軍統率。而軍中大半咸傾心於王。以王臨陣。其勇非恒夫所及。且王之賞賚極隆。恐王死非其部曲所欲。余甚憂之。此時迴顧二王。木強如恒人。司蹲之宮人。已走逝無迹。安沙麥嗎以鬪麥西羅。

創重死。老將英格蘇卡被創癱立。如有所思。村中大會止此矣。余呼曰。二王速決策。
蠭隊已在門矣。若不誅此老將。禍且不測。趣盡之餘事。我當爲二王剖決。於是鄧革
舉矛奔英格蘇卡。一矛直洞其腹。立死。二王復無語。余指老將之尸謂二王曰。王今
勿患此老悖矣。凶耗一洩。宮中羣妾咸震驚而哭。哭聲達於蠭隊。隊長乃率其部曲
行歌入。將近宮門而止。咸立籬外。余奔出。遇此軍。因舉御用之矛。王血尙淋漓其上。
示諸軍曰。諸軍趣舉哀。爾王殂矣。彼王素以乳喂爾。今不能出乳逝矣。天崩地坼矣。
蠭隊之長進曰。王吾父也。何由殂。余曰。王爲亡人麥西羅所弑。麥西羅負罪。王欲治
之。彼乃反噬力奪王矛。死王於矛下。懼罪欲自裁。爲二親王及余亂刃死之。彼未弑。
王之先尙刺死兩老將。陳尸在於籬下。今二王延君輩入哭王尸。並觀此三尸。爾輩
哭王後。可以逆賊弑逆之事布諸國中。蠭隊主者大咤曰。汝佑助新王勝於護衛。故
王勿死於亡人之手。言已似疑。然言後亦不窮詰。所以然時。同伴諸將已進而弔王。
兵士四散奔越。咸大驚詫。以爲王死者。天地陷人類絕也。因紛亂不止。余敘事至此。

將雜入白種人事。頭緒紛亂。今不能不先敍查革死後之情況。茲簡言之。蓋余言所述。不專爲查革而言。余心所係屬者。尙有數人。適丁查革之時而生。故不能并敍查革之全局。此數人中。由當日餘生。幸不卽死者。惟余與洛巴革耳。設余知當日洛巴革尙生者。則查革死後。雖鄧革宜遞及。余必招洛巴革歸承王位。則此書亦數言決耳。下此何有文章。余此時若昏若憤。竟不知有洛巴革可以襲王。於是聽鄧革入承大統。竟未察麥西羅口中之言。此少年曾云。將代摩波復仇。余立時能悟。少年卽洛巴革。則大事立定。乃余悟時。爲事已無及。余蠢蠢以爲摩波者。與余同名耳。安知其卽謂余。嗟夫。天下苟無氣數。何由令人顛倒如是。可知英雄不能造命。眞命造英雄耳。人力安可強爲。非造化所主。亦萬無僥倖之日。故生人遭遇。必有一定之數。惟天神之力。先以智乳飲人。人生方有知識。始能去取臧否。究之亦僅有幾微之把握。以天下事。茫茫非眼光所及。或至尊之上。帝觀之。始了了也。卽此查革。生爲殺人之人。在上天視之。亦特一撮土之多。由是觀之。吾人卽有知能。亦不與造物抗。卽所謂智。

亦特最少之機器。日夕運動亦正何奇矧生命滾滾吾蠱其間直如高墉之一石。何名爲物究之身命繫一鑿。媿安敢操此運會。卽以今日而論矛在我手即可殺人。詎真有權力能殺人者耶。自查革之死凶耗四佈咸曰亡人麥西羅弑王尋又有人言王之死由於神巫爲王生平宿衛大將親刺王胸。又有人言弑王者兩大牛也。顧王死矣。言天崩地隕者久無其驗。人心愈惶惶。於是二王乃誓衆。言查革生時羈勒百姓至酷。今當去羈卸勒令百姓蘇息。民亦罷而欲休。得新王赦令亦樂然。二王無外侮。自相猜沮甚於仇讐。尙有諸王曰英偉者爲安鶯諦子。查革之母弟亦覬覦王位。起與二王爲難。余此時已不爲神巫。拜大將遂領屠人及蠭隊二營往往其村戰甚苦。尋亦爲余所滅。方余未死英偉之前。英偉在陣中力斫八人始僵。余歸時所餘兵無幾也。此捷以後二王搆釁日深。而二王智計咸在吾掌握。余密察其意。孰右余者。心鄧革愚安黎根那使之不備。因而圍之。此時安黎根那遂從其死兄覓路路矛路。

也。而鄧革竟奄有全境矣。余起家寒微。其收局亦微。顧此三王均爲吾盡。然查革鄧革則親殉於吾手。安黎根那死之十四日。有一巨隊陸軍。狼狽歸國。蓋渡藍波堡淺澤歸。渡後死疫。其半死餒。餘者歸朝。幸脫於虐政。乃大歡忭。不爾。查革當不留一人也。自是以來。蘇嚕戰士無獲勝時。亦不得一牲畜。戰士歸時。自慶王不見殺。至於老死而後已。而鄧革嗣位。乃置國事於不問。

鄧革者。生爲親藩。與查革同一骨血者也。外貌類查革。而中亦殘忍。顧才幹勇略。不及查革遠甚。而狙詐好僞言。爲查革之所不屑。性尤冒色。親後宮時。多於親政。然柄握大政亦極久。忽一日欲圖殺潘德。潘德亦其弟也。意誅此。始無旁支之人。其位乃固。然潘德和平不武。性弗嗜殺。衆爭異之。余與潘德甚暱。方鄧革欲論殺潘德時。遍問朝士。余與大酋馬比達力諫。求逭其死。且曰。王留是人。勿慮。且其人童駥。無遠志。鄧革意乃釋然。謂余二人曰。今且留此狗。從二公言。唯縱狗將爲之噬。奈何。余力辨其無他。王乃令潘德爲司牲之官。然鄧革之言。後乃大驗。以後此潘德磨牙齦齒。直

取鄧革於王位。當潘德爲狗噬時。余始大悟。我卽發縱指示之人也。

第二十二章 摩波往尋洛巴革

時鄧革棄達沽沙弗居。仍遷歸蘇嚕舊部。成一巨村。與摩拉巴甸密邇。易其村名。曰沽甘羅塢。此爲象王第一事業矣。蘇嚕呼曰。象復大錄采女。納後宮。王令一發。應者雲集。

鄧革少之。欲更擴其數。忽有人語鄧革。言蘇合西哈拉加西族。產美人。豔絕一世。名曰蓮花娘。膚色瑩澤。不類吾族人。鄧革大悅。必欲納之。以專使至哈拉加西。乞此女。經月。使者歸。言部酋不之許。且以惡語報王。笞使者出諸村外。寄聲語王曰。此女果名蓮花娘。爲地球中殊色。尙待字於家。蓋此女擇婿苛無當意者。人人優重。亦不強以所難。因之久無偶。然縱使得偶。亦萬不偶。王且合國人拒王。猶彼先人之拒查革。猶不已。且直詈王。謂不以國之閨秀。偶蘇嚕之狗。猶不已。且令蓮花娘面臣。臣與從者觀果。豔絕其人。高如蘆葦。嬌柔之態。亦如蘆花之搖。風髮蟠曲。被其肩。目巨。作棕色。晶瑩如牝鹿。肌膚類牛乳。之膜巧笑。作水波皺紋。聲柔而甘。搖颺如雅樂女子意。

殊嚮臣輩似欲有言而使者已引之遽去。鄧革聞言狂躍若獅之受樊噲。喊不可止。蓋慕色之心謂萬物皆備未愜者無殊色充下陳耳。乃發令聚國中精壯往征蘇合。西滅合拉加西族必得此女而後止。而大臣謀士亦咸集議。余爲朝紳領袖極其議曰。合拉加西族大而強。吾若以一女故往征是直與蘇合西全部角耳。且彼族據山穴。征之殊不易。今國家新立。尤不應舉傾國之師往求一女。先王新喪壯士多。物故於藍坡堡。非蘇息長養不能大舉。國中多孺稚。不易成軍。丁壯幸存者亦百戰之餘。銳氣消喪不可用。天下多美婦人。何必是以王國力隨擇。皆是甯必區區關注於此族之人。而消耗其兵力。余言時行衍論列爲前此大臣所未有。且心口如一。而同列之謀士及將校咸以爲然。謂與蘇合西啓釁。則策之下下者也。鄧革聞言攢眉弗語。其未敢極力拒諫者。以全軍之士多半思查革。頗快快於鄧革之弑王。及安黎根那。鄧革頗有戒心。恃余爲重。故不敢也。此時百姓心念故王。竟忘王之暴虐。謂王在日。雄長無倫。能使蘇嚙之民稱尊於宇內。以此多之。謂王爲精鐵之母能鍊剛矛作光。

射。人人莫敢近。今雖代謝。而百姓之負擔仍未弛。蓋鄧革有查革之虧。無查革之勇。且查革之僥幸。人如何者。而鄧革仍如是。故民心不服。鄧革亦知之。此時尅勉以從謀士之言。止不出兵。蓮花娘之議亦罷。然猶眷戀不已。時引余以爲恨。恨予謀與左力遏其慾。不令逞也。雖然。尙有補義。宜伸者。蓮花娘之名。余初不審其卽爲愛女尼達也。當時甚疑世安有美人。逾吾者。然余聞訛傳尼達及麻姑華實前死。言者謂吾妻女死時。以腕相抱。似爲一矛所貫者。初不知其言之弗盡。麻姑華之死實也。與之同死者。他人之女。實非蓮花娘。余所寄託妻女之族。本臣屬合拉加西。合拉加西酋長。即逐去。革拉氏大狼。而據有其位者。與麻姑華所託之族世仇也。日尋干戈。因而滅之。麻姑華遂兵死。余尋詢訪此族。見滅之故。蓋酋長涎蓮花娘之美。時蓮花美名。遍於大地。此老酋長。切勒蓮花娘遷居其村。取其容光。射酋面。如受晨曦也。設蓮花娘能見此老酋長。亦許其就彼貴族中擇人爲偶。顧蓮花娘舊居停主人。却不之許。以蓮花娘美貌。部人一經觸目。卽須斯不能釋去其人。固留不遣。顧此女適有天幸。

亦無人劫勒。以所不稱意之人。強與之偶。至人人造門乞婚。自其本部。及於合拉加西。無日不踵接於道。而莲花娘擇人愈苛。咸不之顧。誓不字人。於是垂涎者轉釋然。以爲留此美人。以饗衆目。較爲人獨據深閉。不令人瞻仰者爲佳也。村人之朝夕欣慕。旦視之如日升。夕臨之如日落。咸有佳致。足賞然而足以召釁者。亦即在此。蓋美者。禍之母也。因彼一人。遂生禍端。無數余書。又當詳之矣。以莲花娘之風貌。與其愛情。然亦終瀕於憔悴。令余酸梗之懷溢而不聚。卽屠伯洛巴革之心。亦因之枯槁。使英雄氣燄爲之消沮。此事似天心降鑒。作爲時會。以阨人勿論黑白二種。明知尤物之足爲禍。而必奔赴而劫取之爲快。乃旣得而復流走散失。人亦隨之逝滅。天下攫空而下。已復展翼而逝。青冥不可見矣。余初疑以爲吾女逝也。無復更計。所謂蓮花娘者。卽爲吾女。尙居於合拉加西爲鄧革所慕如此。鄧革旣格於吾言。不敢采此。蓮花於合拉加西之圃。然心銜余。特余曾與大事。弑其兩兄。實余爲謀主。卽潘德之。

死謀亦出之余。鄧革有言。雖不敢與余抗。而憾乃逾深。蓋鄧革小人也。量狹而多嫉。既爲人所擁戴。而轉與佐命之元老爲仇。然猶未敢明斥。以余威望旣大。百姓惟余之從。鄧革忽遣余他出。陰奪吾權。養其威力。始置余於死。一日余與謀士及列校侍王坐。王曰。摩波爾亦憶大象臨終之言乎。大象者查革也。胡不斥其名。以查革已隕。人爭諱之。諱死。王國俗也。苟冒言之者。於律爲罪。余此時答曰。吾王臣實憶之。大象之言。預兆之言也。百姓方且被重禍。大象所言。蓋言王及貴族富貴無多日矣。彼白種人將來襲王位。且蠶食王之土地。此卽蘇嚙巨獅之預言。然獅言何以如是。臣亦弗解。雖然。臣猶憶巨獅生時。尙有識語。後乃皆驗。然臣特願其後言毋驗。猶卵之殼。卽不殼。亦不豐其羽。卽羽矣。或不栖吾屋。則此禍庶幾其已。鄧革聞言大震。蓋查革之言。無晝無夜。不惺惺其懷抱。忽大怒。嚼齒而言曰。摩波愚哉。汝獨不聞烏鵲之啼。於王村中耶。汝聞鴉。卽將趣告村人。鴉將啄彼目。有是理耶。彼人惡聞不祥之言。吾思憂必隨之矣。王言已。狀甚不懌。意似止。余勿言。少須。王復曰。今且勿論是言。是言

出諸死人之吻。烏足憑信。當更論吾事。有人告我。博拉柳者。稱曰屠伯。長斧頭族。國於鬼山影下。距吾北庭甚遠。余曾聞其名。在於籬隙之下。兇人麥西羅之口。此麥西羅即以矛取吾王之命者。汝憶之乎。余曰。憶之。此時王命將聚武士往征博拉柳。即因麥西羅之言而怒。怒而死者。蓋王末次之號令也。王曰。此時吾意別有所在。惜汝不之知耳。吾今告汝。汝既不能以重兵往征合拉加西。又安能以兵殲此屠伯。及其百姓。然博拉柳殊未開罪於我。但與吾死象爲仇。其對使者言。已宣布部中。今余有號令在此。汝卽以數人往見博拉柳曰。今茲蘇嚕復生巨象。較前象之長眠者尤巨。汝之儉猾已入象耳。今宣旨示汝曰。汝甯能不循職責。仍敢爲已死之摩波復仇耶。汝究與摩波何親。今吾另遣一摩波語汝屠伯。汝自忖度其利害。果知順逆之方。則當審此巨象之蹄。其巨如何者。其人雄長於甘沽羅塢。告屠伯。汝須澄心思之。更圖報我。余聞王命後。心乃大疑。余蓋知鄧革欲出予於外。徐以見圖。令覆吾家。蓋趣屠伯之朝。特小事也。其國且遠。未嘗力抗吾國。何爲以令重臣爲使。顧余亦樂奉是役。

蓋余甚欲觀博拉柳之狀如何者。以彼曾言爲摩波復仇。摩波非我耶。且此少年行
事。甚似洛巴革。詎洛巴革尙生。而吐喻此日光耶。因語王曰。臣聞王言矣。王命在所
必行。然王奈何以老臣重望。爲此毫末之役。王曰。非也。余心自度。此屠伯者。雞籬也。
不去其冠。將成雄雞。摩波爾割取雞冠。爲時名手。曷行乎。余曰諾。遲明。余自選十士。
首塗鬼山。且行且思。當日已行此故道。陳迹所經。忽感念麻姑華吾妻。尼達吾女。及
於假子洛巴革。三人同來。今日孑然獨遺其影。今昔之感。悵觸於懷。自疑去死已近。
矧當此亂世。大命近止。餘生正復幾何。即一身畸零。而亦胡恤。且大仇已報。於願足
矣。猶憶當日行經荒寒之地。日暮以棘自衛。而洛巴革爲牝獅所得。此時復經獅穴。
而洛巴革抱取離獅。及與牡獅格鬪。時情形猶歷歷在目也。山近石巫之影。石狀巍
然。萬年不變。余此時復投宿於此。通夕不能寐。淚落如綫。坐看月痕落於鬼山之陰。
叢林陰翳。蔽石巫膝前。望之沈黑。因念洛巴革獅吻殘骨。或尙拋擲此中也。道次逢
人。恆言鬼山中冥迹。甚幽祕可畏。不見生人。但有奇鬼。至言鬼狼之宓厲。窮極怪誕。

盛服衣之而出。冠上挺雞翹。以克魯木爾二子與二女伴及御者。按新嫁娘登樓。新嫁娘荏弱如醉嬌。不能行。登樓一面。新郎立暈力里威克立近而款語曰。吾擊愛之人。汝立醒勿驚我。於是披土格爾立醒執力里威克之手。累歎不能成聲。力里威克曰。披土格爾汝見我。卽暈詎吾面目足暈汝耶。新嫁娘曰。非也。吾惟別吾閨房良友。此狀如何可堪。新娘語時。卽敍及當日女伴其在座者。則招之使前行抱見禮。其未見者。則但敍其名抱密。昔司克魯木爾曰。姥乃同吾母抱密。司忒克魯木爾曰。丈乃同吾父抱密。司及馬司德克魯木爾曰。爾直同弟妹迨親親之禮已畢。則趣禮拜堂。出凡二車。第一車四人。一爲密。昔司克魯木爾。一爲力里威克。一爲密司忒富賴。此四人爲扶掖新娘者。更一車新娘外。則密司忒克魯木爾密斯。斯乃勿須密斯來德路克。及才女人。皆盛服戴錦花。才女幾負花園而走。花盛乃不見。人餘人均戴賽金之首飾。其品乃與真金同貌。而密司忒克魯木爾所服尤艷。此老今日爲新娘假父。因加髮於首。髮名曰棕色喬治。衣鼻煙色。外衣則百年前時標。

無數勢如怒潮狼吻發聲如軍樂甚慘厲此時月光中見人影矣旣頑且碩此何物耶跳躍至迅而狼牙燦白蒙其額上狼革被其半身其一執巨斧爲月所射光彩四映其一執巨椎並肩而趨余生平未見生人乃跳擲如是之迅者二巨影及狼爭向余所居地奔越羣狼已落二巨影之後並驅者但有四狼警然經余圍外而過轉瞬不見其影而狼嗥之聲亦漸微此時萬聲都寂矣獵羣已去夜氣復生余語同伴曰適所見者何物也中有一人曰此爲鬼伯居於神巫之膝下殆爲狼長其人蓋男巫王鬼山者也

第二十三章 摩波叙其身世語洛巴革

余盡此夜無睡然聲響都寂遂不再見明日侵晨余遣一走卒往面斧頭族長博拉柳爲言一使者自鄧革許來述王意甚平和無他詰責我即王使亦不言以名但道使者卽王之喉舌走卒旣前余尾其後以此間赴村尙遠余告走卒爾得彼箇何言卽於道中復我是日晨行至於日暮咸繞道鬼山之趺沿河流而上竟不見人惟行

經一焚燬之村。村中多殘骨。骨中有帶矛鏽者。地上尙遺牛皮之盾。無數顏色作白黑縱橫無次。余就視其盾蓋當時查革所遺勁兵往戮洛巴革者顧久不返不圖其盡死於此。余告同伴曰。是間人待查革兵殊涼薄。然死兵生時亦曾以眼光洞矚世界者。今骨枯矣。輩中有人言曰。盾是則髑髏亦必王之勁旅。然死狀似非人誅。凡人類殺人安有分裂其支體。是必狼耳。試觀昨夕之事。狼踪縱橫。意豈在獸。卽受禍亦詎此一村殆不然也。嗟夫。鬼神來往之道。安可居耶。言已復行。行次仰望石巫眼皆下注。路數轉。尙見巫面。最後履一空闊之地。西日尙未盡匿。隔河山峯之上。見斧族山村矣。既夥且博。結構亦牢實。牲畜彌野。猶獵羣之駢列。余行涉河而渡。至對岸坐待走卒。已見此卒邇迤歸。與余爲禮。余問以村中事。卒曰。已見博拉柳人極長瘦。面獰。如野父。執巨斧。如昨夕並狼同驅之鬼伯。余旣入村。侍者引吾入面。吾卽以君所寘吾舌上之語一一吐而示之。此人靜聽。聽已大笑。曰。汝走告鄧革所遺之舌人。聽彼入村。吾以禮款之。議平和事。且不止此。甚欲鄧革自至。於我意尤遂。蓋有摩波。

者爲彼兄查革所戕。吾甚欲窮其事。吾尙欲以語鄧革。今乃以其舌來。非其頭顱。自至吾尙款之。余此時復得一摩波名於博拉柳之口。因之大愕。摩波爲誰。乃愛之如此。而愛我者惟有彼人。然則彼人未死耶。或此人所言摩波。別有一人。不盡屬我天。下。名摩波者。固不止我。方查革大喪時。曾殺一酋長。亦名摩波。查革尙言。世乃有二。摩波多矣。當去其一。此時死摩波哭而淚盈其眶。而此摩波尙無淚也。因念此博拉。柳所言必非無因。因挾衆起行。至門次。殊無一人出迓。即村中亦無司閭之人。遙望。牛栖之外。飛塵一簇。作格鬪狀。余所領人大駭。欲奔防爲所殺。迨入第二門。始見有。五百人。列隊於外。有二首領。往來督率。大聲呼讐。余衆復大震。余曰。止。勿奔越。天下。惟勇敢之夫。轉足以彌災害。博拉柳若果圖殺我。數十人足矣。何必擁此多人。彼殆。傲蹇之夫。必示武能以矜我。殊不知吾王侍從之夫。高大者僅如此中人五百分之一耳。此時余衆徑前。至於戰士陣前。此二將領見余至。亦即迎余。前後肩隨。前者荷。大斧。後者執巨椎。余一見前行之人。樂極欲暈。蓋余厯無數酸楚之年。今乃復見吾。

假子洛巴革矣。其人誠是。更無他人類此。蓋已高大成丈夫。且壯武可愛。今若於蘇嚙中更覓壯夫如此子者。定不更得。惟瘦瘠不豐。骨幹隆起。肩博而瘦。脰雙懸如傅二翼。臂長逾膝。筋盤鬱如繩。之作結。足高數尺。膝以下有肉。至堅碩。二目耿耿。作光如神鷹。鉤準巍額。行若伺敵。視之若徐行。實則捷疾。無倫兇頑之狀。怒若獅象。以手握斧。弗釋。與彼同來者。亦偉碩。較洛巴革低僅半肩。而體之健碩過之。二目漏精光。如小星狀。甚獵野時。時露其齒。作噬人狀。余此時見洛巴革。肺腑幾鎔化。歸於無有。思欲狂奔就之。復自念勿孟浪。以啟其疑。乃以戰裙自翳其目。防爲所見。然已至余前。以目燭我。問爲誰。余直前與之間訊。彼忽問曰。鄧革舌人。汝無恙乎。然汝眇小之夫。何乃爲巨人傳語。余曰。酋長。博拉柳人。固宜偉而口舌者。特肢體中一小分。何礙其小。方余未言。前先尊之曰博拉柳酋長。百姓之魁率。鬼山之男巫。羣狼之主人。摩波子麥克丹馬孫。前名爲洛巴革者。是乎。洛巴革聞言愕然。忽作嬰兒戀母之狀。久注視余曰。汝言良善。爲誰所教。余曰。博拉柳酋長聽我。我口固小。然吾王之耳良博。

使者特以口爲王傳其耳中所前聞者之言告酋長。洛巴革曰：「使者何由知吾處鬼山？」余曰：「吾王之目能洞視，無遠不燭。若昨夜者，尙見大獵有羚羊起於巖際，行絕迅追，羚羊之後，羣狼爭驅，聲如軍樂。逐狼後，尙有二偉人衣狼革，狀亦如酋長。其一則如執椎之壯士。此時洛巴革舉斧且下，已又中止。而革拉氏大狼亦張其小目視余。洛巴革曰：「使者趣言之，汝何由知吾爲洛巴革？」且吾名沈沒已久，汝何由得之？余曰：「洛巴革爾若殺我者，趣下其斧。汝須知腦碎者舌瘡矣。」何能告汝？以故洛巴革曰：「汝速言。余曰：「否。汝何人者？」必強吾告汝。但吾知汝名於吾責已盡。此外尙何名？」洛巴革復大怒，齒齦齧不可止。曰：「吾安能聽汝抗言於吾地？」言者汝職。汝不言者，死矣。余曰：「吾奉命來責不在此。蓋吾所奉者王命耳。方吾先王查革生時，酋長曾以大言飭麥西羅語王乎？」是言爲先王生平所未觸耳者。此時在法，酋長宜死。顧死者不在酋長。果否，酋長不復臣服。朝貢不供，征役不出。然耶否耶？令具狀以報。爾今趣言以決進竟在吾王。吾王此時殂矣。今嗣王鄧革登極，影滿大地。命我傳言語汝，欲詳究前眚。

止洛巴革復怒。揚其斧曰。爾舌已足我非仁惠在抱汝長行且不歸猶我前此之待
查革。邏騎取洛巴革者無一人反矣。雖然汝來亦佳。余當誠告汝以狀。試觀吾山上
矛兵特四分之一示汝。他無言矣。爾更觀彼大山。是中有狼羣。莫舉其數。孰敢當我
者。此卽吾所以報命者也。矧此山矛兵動時。將彌山皆矛鋒。如草木萌動。且挾無數。
之狼羣專待鄧革自來取我方物可也。余此時若嘲若訕。更試吾假子之心。因曰。愚
哉孺子。腦乃如猿。爾挺其一矛。彼將以百矛應汝。爾所據地。行且夷爲平壤。試令爾
鬼狼見之。始見鄧革之唾汝面。令汝不敢擦拭而去。余語已而唾。洛巴革愈怒。執斧
至於手顫。斧光閃爍。照余眼。迴面其侶曰。大狼爲我策之。當殺此人否。大狼答曰。否。
汝不言以惠待其人乎。且縱之歸。語彼狗王。嗾其羣狗。鬪我大狼。則此戰方爲偉觀。
洛巴革曰。舌人汝行矣。且須速行。不爾大禍將瀕汝身。汝且往村外覓食。旣飽當行。
明日鬻午。汝更逗遛村外者。黨徒立盡。使者知之乎。余將行時。忽有奇思湊吾腦際。
復語洛巴革曰。酋長當日語先王時。有云爲一摩波復仇。是乎。洛巴革駭然。狀如中。

矛忽注視余曰。使者云摩波者。卽見殺之摩波。吾彼子也。余曰。摩波實先王殺之。然酋長何稱爲彼子。洛巴革曰。摩波與其家人同死。族人盡滅。此吾所以恨查革在此。恨其弟鄧革亦在此。以此之故。吾朝貢不時往也。方余與洛巴革言時。皆僞爲聲響。故洛巴革不之識。今余將發現其本然之音吐矣。因語洛巴革曰。酋長之言果出之肺腑耶。吾細按根株。是否爲此死狗摩波。乃力與王抗。洛巴革聞言復大怒。旣而又奇吾所言。久視不能答。余曰。酋長博拉柳去此近地有茅屋否。我固王之使者。而王雖爲爾仇。然仍當引主客之禮。今請閒爲述酋長往事。當一一符合。無有差舛。且曰。屠伯勿憂。試入空室中談心。我不挾兵械。且年已老。非汝之敵。汝復何怖。而况我在爾箇中。我宜防汝。汝何患我之有。語已。手指其斧。洛巴革拉其斧曰。從吾來。革拉氏及餘人。且停此勿去。余遂從洛巴革至茅屋中。余僂入。洛巴革亦入。入時洞黑無覩。而斜日半已入。峴光不能到。余立久。頗能辨物。乃去額上之毡。以目視洛巴革。呼曰。酋長博拉柳。汝試觀我。何人也。洛巴革張其脣見齒。因曰。汝豈吾父摩波老而失其。

形意其鬼耶。語時厥聲甚微。余曰：我卽汝父摩波也。聞汝夙欲見余。即余亦知爾尙生存而欲面我。洛巴革聞言大呼。然聲甚柔婉。以身伏余肩大哭。余亦哭。洛巴革曰：吾父兒思父必與家人同燼矣。今尙生而顧復我。我幾礪吾斧弑吾老子。嗟夫。吾乃生存而見吾父之面非此。面固疑其已死矣。但已老蒼殆年事多憂患深始成此狀。余曰：吾兒止哭。吾初疑汝死於獅吻。然後此聞汝所爲。傳入吾耳。吾固心疑是汝。不爾何敢探查革虎牙而與之戰。天乎。兒乃弗死。幸而翁亦未死。爾所訛傳之摩波。蓋別一摩波非我也。實我殺查革。非查革殺摩波也。洛巴革曰：尼達安往。余曰：爾母麻姑華及爾妹咸隕矣。二人死於合拉加西之族。在蘇合西部中。洛巴革曰：兒固聞其有是族。是即逐革拉氏者。革拉氏久爲彼輩所窘。殺其父。然兒之仇怨。則有二人。其仇較彼深矣。嗟夫。吾母嗟夫。吾妹也。復掩面哭。且動搖其軀不已。余此時復欲試洛巴革之心。言尼達非其妹。洛巴革非吾子。實查革子。而查革又盡吾之手中。正欲言間。忽又中止。蓋以洛巴革傲狷而志嚮甚高。苟知蘇噶王位。應彼嗣統者。必奔越攬。

取誠無術足以止之。且立尋干戈矣。余覺此時尙未可言。故欲言仍咽。惜余不知洛巴革尙存。若預覺一年。則王位胡至屬之鄧革。惟機會如梭擲而過。不可捉捫。鄧革遂竊據非常。擁兵自重。斗然下手。殊不易易。且鄧革之意無已。至欲以一女之故。問罪於蘇合西。所爲殊慘厲。余雖一力諫止。然洛巴革之事機固已失矣。且此時亦非措手之時。今當聯合鄧革。洛巴革爲一家。使洛巴革勇名震於本部。置之謀士之列。爲王族之督帥。事方可爲。余事鄧革。亦已筦王師之半。更得洛巴革爲帥。則呼應愈靈。因力闕其事。但泛論別後情況。一一告以家難。及炙手之刑。並示洛巴革以半枯之臂。詳述巴利格死狀。與藍靖尼舉族駢戮之慘。暨復仇弑查革。舉鄧革爲王。襲查革後。且言一身已遷重要。統大軍。王亦中憾無敢動。然外示優容。中實猜忌。故倖存至今。別後事言之都盡。獨未言巴利格爲彼母也。余語後。洛巴革亦述其已事。言革拉氏力脫彼身。出之獅吻。及以人身長鬼狼。與力滅齊格沙。及其十子。遂王斧頭族。娶西尼娣。定霸此方。余曰。汝二人已主此村。何爲合狼以行獵。洛巴革答言。身已無。

敵。倦極。恐懈其力。故行獵以示勇。惟用此始足。怡悅心志。余思將示之以物。較行獵爲優也。復漫問之曰。汝於西尼娣何如。洛巴革曰。兒甚愛其人。其人初不愛我。蓋妬而多怒。伉儷弗篤。此家庭之禍也。語已。少睡復醒。引余出茅屋。餌余及侍者以珍饌。食已。余遂與西尼娣及革拉氏坐語。革拉氏之勇甚可用。而西尼娣神情涼薄。非佳婦也。其人頗而美。然睛有兇光。閃閃射人。洛巴革諸無恐怖。惟畏西尼娣。而西尼娣視余尤無禮。見屠伯親余。忽爾慍怒不可遏。妬余猶之妬革拉氏。將力驅余於外。余觀此婦人慘猾。殊在余意料之外也。

第二十四章 鄧革殺白種人

明日余別洛巴革歸。語之曰。吾兒。爾昨日不知余。乃以爲鄧革使者至。以勁語抵王。設余載是言以歸。則汝死無所矣。天下樹木之長於平原。咸自以爲其高無上。幾無他樹與之競高。然天下甯無高樹。高逾於此者。汝之自高。平原之樹也。若余所事之王亦大樹。但出一枝。其巨已勝汝老幹。且其蔭中尙居無數匠人工師。此工師常出

樵採。余思爾雖神勇。必不能敵鄧革之勁旅。卽汝之自高。亦未遇大敵。特於無人處稱尊。何云無敵。不特此也。彼鄧革恨汝已深。以前此汝有狂言。達諸麥西羅之口。傳之死王。今王憶前言。未嘗忘情於汝。遺余之意。卽示汝以意。顧王遣余之來。亦不專爲汝。王意欲誅余。無論汝報王如何。我歸必無倖。恐爲時無幾。王之戰士及爾村矣。洛巴革曰。吾父事將如何。其能來與否。終當有以備之。兒當勒兵待彼之來。以死爲度。余曰。洛巴革。此非計也。天下殺人。舍矛鋒外。甯無他法歟。譬之拳曲之小杞柳。熏以沸瀋。可以得直。以老子策之。權勿令鄧革惡汝。且不以死力與角。但伏處其翼下。養以恣吾謀。汝聽之。鄧革非查革比。而殘暴過之。又愚而多慾。設有英雄處。其影下養威力。以驟取之。則英雄之影。即足偃蓋。其影不令張諸大地。余謀良深。所惜老矣。且生平多傷心事。遂無意於竊據。非常顧汝。年少胡不圖之。縱觀大地。健者無若吾兒。余此中尙有無窮之望。不能舉以語汝。其不能達之隱。正如浮木筏於水渡爾過河。令長其威力。洛巴革聞言甚傾耳。其生平良欲首出人類。而又好名。得余言不覺適

中其欲。且查革之血。傳彼血管之中。自爾成此。見狀問余曰。吾父何術能令兒貴。可趣言之。余曰。洛巴革聽吾計畫。蘇合西中有巨族。曰合拉加西。有美人。曰蓮花娘。其美無度。鄧革思之如狂。欲令主後宮。前此鄧革以使者至合拉加西。語其酋長。取蓮花娘。酋長以惡言報之。曰。地上至美之人。安可斥以予狗。鄧革大怒。將大集戰士。滅合拉加西。奪取蓮花娘。此事吾力諫止。以爲先王新喪。人心未定。不能倉猝出師。王以此故仇余。其意必欲採擷蓮花。以充後陳。凡余所言。汝知之否。洛巴革曰。吾略知之。幸。老。父。窮。其。事。端。勿。囁。嚅。不。盡。所。懷。余。曰。愚哉。洛巴革。余思人居大地之上。微言能會意者。愈於盡言也。余今一言以蔽之。曰。汝以力滅蘇合西。取蓮花狼貢之。鄧革可以得志。洛巴革曰。此謀良佳。吾且勿問其有美人與否。但得戰事。掠牲畜於願足矣。余曰。先克其國。再計物產。洛巴革思久之。始曰。敬如父言。今召革拉氏大狼出師。此人忠讐可恃。數言見肝膽。時革拉氏亦至。余以前事語之。曰。洛巴革將伐合拉加西。取蓮花娘貢。鄧革爲方物。然須生致之。勿飽鳥吻。以合拉加西族強橫已極。不易。

搏取。余之言此。蓋以警革拉氏。勿令垂涎此女。余與革拉氏交淺。不測其誠僞。故用王之威力。以惕之。洛巴革亦知指。實則余之所言過矣。革拉氏誠篤。不欺之君子也。聞余言。竟徐徐以答。余觀其目耿耿作異光。言曰。吾本爲合拉加西首領。知之至詳。彼中殊强宗。舉族盡被甲。可得兩營精卒。博拉柳之卒。僅有其一分。爲數且微。欲用以刦營。而彼之守備甚嚴固。自晝迨夜。皆然。間諜亦多。難於乘間以入。且多碉堡。築於山洞。洞中有天。殊無人能克其險要。且驟至無鄉導。殊莫審其道所出。蓋萬山合沓。中立部也。知其道路者寥寥無幾。吾亦在知者之一。以吾少時。吾翁導我。使者須知。此戰不必遽捷。雖以博拉柳之勇。其克合拉加西。亦不易易。且此事自博拉柳功勳上決之。如是也。而其中猶有隱情。使者猶未之知。前此吾曾於吾父垂死時。立誓復父仇。亦不成其爲男子。決欲盡殲之。取其少艾。鬻之別部。童孺均不之免。顧在鬼山。逐年逐日。靜畫以復吾仇。顧不得當。以洩此憤。今聞使者言。慰甚。然此行亦殊險。

脫不幸。吾仇未報。而斧頭族之衆先殞。又將如何。言已。少息吸鼻煙。斜睨余不置。洛巴革忽曰。大狼以余觀之似別有策。汝父固死於彼中。吾初乃不聞。昨夕聞之矣。然吾母亦死於此賊之矛下。並吾所愛之女兄弟尼達。此人於吾甚親。乃並喪於合拉加西之手。今茲使者之來。因以手指余曰。使者所言能得蓮花娘者。鄧革必悅。然吾且勿計鄧革喜怒與否。但我行我法。亦足自度其生。何有鄧革者。卽一身見戕於鄧革。亦復何傷。惟吾母麻姑華及吾女兄弟尼達。噬余甚摯。以骨肉之仇。安能默爾而息。今必取合拉加西矣。勿論爲生爲死。爲勝爲負。悉所不計。鄧革使者公早晚定於王之新宮毛拉巴甸中見我。進蓮花娘及合拉加西牛牲。奏捷於王宮。抑或大敗覆師。斧頭族永永沈沒。亦未可定。以上所言在大狼前。僞爲非父子者。及大狼去。仍與余行家人禮。親吻爲別。計此行殊凶。意父子且不能更見。而余亦甚疑其敗。蓋大狼所言。厯厯可信。行軍不必出於萬全。然以理卜之。凡勇敢之人。往往獲勝。此時余別洛巴革歸。將復命於王。言斧頭族酋長博拉柳已動兵趣合拉加西。取蓮花娘獻之。

宮門贖罪。壯士首塗矣。余曉發鬼山歸沽甘羅鳴。朝鄧革於宮中。王乍見余殊落漠。迨余述奉使與屠伯定約。趣動兵赴合拉加西。取蓮花娘事。王大悅。變色執余手曰。汝此行良佳。因大悟余前此沮王行師。疑有他意。遂致猜沮。今見不出一旅。不頓一棘。將得蓮花娘。乃大喜過望。謝余曰。設此酋長能得美人如吾意。吾不特赦彼麥西羅所述罪狀。且以合拉加西牛畜盡歸此人。並欲令之極貴。余曰。此均王殊錫。以臣策之。事必有成。余此時已爲王計畫。謂蓮花娘不日當至王側。必令此驕王漸萌懼態。且引王仇潛至其國。蝕之。仇謂洛巴革也

此時吾書應述白人之事矣。白人者。吾謂之亞麥枋那。或稱之曰布兒斯。此亞麥枋那之種族。至強勁。雖余與洛巴革。能以力誅驕王於指顧之間。而迴念亞麥枋那隱。隱尙頭痛。前此鄧革村中。見白種數人。哀鳴不已。自明非蠶食。今其人則能戰能求。且能竊取人國。余良莫測其陰謀之所在。唯白種人言滅人之國。實近天道。此則吾所弗明者。余自鬼山歸後。未及一月。布兒斯人至村中者。凡六十人。耳曼人種中有一

酋領之。名曰利泰。人甚偉碩。善用火槍。合臧獲計之。可百人。其來也。乞王允其拓一空地於得基拉。及安西茅布二河之間。曰那達勒者。在斐洲東南向居之。余爲謀士之長。乃

合諸謀士籌策。鄧革與布兒斯約。令以所部往攻昔貢邁禮部。以此部曾盜王牛。居

郭藍巴山趺之下。布兒斯人能擊此族。奪回牛牲者。蓋可許也。布兒斯人許諾。未幾反。言昔貢邁禮部已滅。凡所失之牛皆反盡。驅其牛歸王。鄧革失色。夜召謀士入會。

議問策。余曰。即許之地亦無傷。王獨不觀已死之人。曾割地屬之英國。以臣策之。布

兒斯與英人必且來據吾地。而死者之言亦將立驗。臣聞外言。此二種白人。將大舉

以蝕吾地。影響已及。余言時。鄧革大戚。面無人色。余之言此。類以多鈎之矛。刺入王

心。王不言。罷朝。明日。王宣旨。以地假布兒斯。且以紙列押。此事一過。如微風皺水。無

迹矣。未簽押前。王召衆作跳舞會。大軍方集於王村。跳舞之會。凡三日罷。始遣此軍。

餘一營。皆少年精銳。王命留衛近畿。余此時甚疑王之留軍。防布兒斯乎。尤不解王

心。何以踧躇至此。且秘不示人。但與此少年精銳軍言之。即謀士亦未與聞。余知王

之計畫至劣。意將洩其謀於白種利泰。顧乃不敢。防爲敵譏。嗟夫。設余當日即言者。不審此百人中。何人能生者。雖然。即使不死於鄧革之手。至今亦且無存。余又何惜之有。跳舞之第四日。侵晨。鄧革以使者至布兒斯處。延來署押。衆遂狎至。咸攜火槍。至於宮門。然吾國俗無論何人。以兵器至王前。死無赦。甘沽羅陽村者。作圓形。皇居也。外圈高。圈中居數千家。分三積。近內圈中。有空曠之地。可居五營大軍。處內圈高處。兵營卽臨入口之路。門次。則爲牛栖。牛栖至巨。別拓地爲弓形。附入圈內。居此之後。卽爲營坡森尼宮。王之內家在焉。宿衛無數。尙有永巷。曲折以達英鄧格魯寢宮。此日鄧革出宮。移小榻於牛栖之前坐。旁立一人。以巨盾遮王如蓋。用蔽日影。衆謀士列坐牆下。各把短棒。不執矛。此少年精銳之軍首領。立於王之右次。尋布兒斯人連綴至王前。鄧革與之爲禮。遂列押。利泰及其衆。皆大喜過望。將辭而行。鄧革曰。衆勿遽行。必言以進。鄧革曰。善。遂列押。利泰及其衆。皆大喜過望。將辭而行。鄧革曰。衆勿遽行。必少食。觀吾兵跳舞。遂發令出肉。蒸騰於盤。佐以牛乳。布兒斯人曰。吾已饜足。然舍肉。

猶食牛乳。以此巨盂。傳遞而吸。壯士分曹跳舞。歌蘇嚙凱歌。曰英骨摩者。悅布兒斯人。布兒斯遂少遠。退立於核心。拓餘地容舞人。卽於此時。鄧革發令付郵者。飛馳告諸人。勿以白神巫爲懾。白神巫指布兒斯也。余聞言。莫審其所以然。因思此祈禱之人。何爲能驚及跳舞之人。鄧革發令旣立。衆皆隨之。至利泰前。與之執手爲禮。曰彼此永遠平和。語已。遂行至門次。嚮寢宮。而門次有大將一人。似癡立以待號令。余忽聞鄧革立而發令曰。殺此白種人。語已。以毡蒙面。避入牆內。此時謀士皆木然不知所爲。如石人。余方欲去。而大將已大聲出令行戮。於是各軍皆知覺。數千人咸舉足奔入布兒斯人叢中。余在人聲中。聞棒聲盈耳。布兒斯人亦出刀力鬪。然爲時甚迅。核之。如人口中計數。自一訖二百未終。而布兒斯人皆受縛矣。死者僅數人。餘人爲衆禽出。至屠人之山。一一戮之。嗟夫。此舉余良不知其所以然。亦無從定其意嚮。此一着。布兒斯收局矣。余與數謀士嚮王宮。旣入。王立於宮門之外。衆舉手與王爲禮。默然無言。鄧革微笑。似未安甯狀。謂余曰。諸將聞朝來。驚鳥呼號。如將飲血。彼殊不知有如。

是美餌。餌之諸將聽我。汝須知天帝所命之王。神威殊不可測。來臨爾輩。至尊大也。諸將尙未知王心之深智計。百出以圖百姓之承平。今此大地中絕白巫迹矣。此即已死之人。臨命時啾唧作蛙鳴。招之而至者。彼云白種垂來。或此來爲其朕兆。以余思之。當永無其人之迹。語已。謂侍後之一人曰。使者趣赴營中。傳吾令。示列將。速以戰士趨那達勒。殲布兒斯餘衆。勿論婦孺。皆飲以矛而盡之。使者乃大呼頌王後。趨而直前。疾如擲矛。余輩則靜立無語。鄧革向余曰。爾此時驚魂定乎。爾尙敢作殺羊之聲。震吾耳。語白種人。將蠶食吾部乎。今如何矣。吾少噓氣。彼種人都盡。摩波汝言之。今亞麥枋那之神巫。尙能爲梗乎。即英之種人若有餘人者。吾甚欲與之敍寒暄。余仰鄧革之面言曰。彼人固盡。死臣以爲王亦將死。鄧革斥曰。狗有說則可。無說則死。余曰。王恕臣懾。臣請宣其意。彼白種人類多於蠶。其名甚蕃。海卽其家。舉踵卽至其來也。冒出黑水。今受殲於王。特百餘人而續續而來者。浩如煙海。將爲死者復仇。王則奈何。王固謂乘勢以殲其人。自謂知時。臣恐彼亦有時。將加王以刃。今此輩固入。

王掌握臣患異日。王亦將入彼之掌握矣。臣靜觀王之所爲。殆癟發於心癟之終局。唯死始已。臣生爲王奴。王有令。衆惡敢違。王尙何呶呶之爲。余此時自知言直。立而待死。亦見王暴戾無遠圖。自抑不能。不禁立發於吻。鄧革聞余言。凡三顧。余狀甚兇狠然。亦若重有憂者。余靜觀王此時憂心。能遏其怒與否。已而王果言曰去。非謂縛余去也。余徐慶得生矣。衆謀士亦隨余行。余行時。心殊忑志。蓋余閱暴政多。此尤暴中之暴。亞麥枋那人。無因受戮如是。且以壯士乘間往掩取其婦稚。狀尤可哀。此時壯士歸報。殲白種凡六百人於威甯。過之猶足生人涕淚。

嗟夫。神姥身秉天權。何以乃許此惡人。行茲暴虐。余曾聞白種人傳教。言此神實司九天。名曰全能。博愛而濟衆。旣云博愛。胡不殲旃此獨夫。乃聽其恣睢於地球之上。如查革。鄧革兄弟者。其收局亦徒一死。報此數千萬人之死。輕重偏矣。讀吾書者。或謂百姓無狀。致茲屠滅。余意殊不謂然。彼林林者何罪。竟寘之重典。矧孺子初生。亦何過失。乃駢誅至數百之多。如謂別有一說。則余素顚愚焉。能得解似天道隱微。固

宜無辜受戮。抑或天心行法。特假手愴猾之王。示其迹兆。余才識凡下。妄測天心。則真以蠡測海矣。余固黑種。瞽惑莫解。然世有白種者。何亦懵懵。果能知之。則尤當知。未生之前何物。旣死之後。又何物也。生死之大之微。想白種人亦必能辨之矣。今教門中人。亦有迷信之一法。姑引之以爲據。實則所據亦正未可深恃也。余前此非在野蠻之中坐者。則智慧亦不必亞於白人。今老而無用。僅有斯須之光燄。灼余腦筋。雖時閃光明。正恐不多之時逝矣。適時身面天帝。或問知未來事也。

第二十五章 洛巴革伐合拉加西

吾書今將敍洛巴革與大狼定策戰合拉加西矣。自余去鬼山後。洛巴革卽號召所部。誓衆曰。吾今將力舉吾族之民。不甘心爲附庸。欲拓其牧場。令吾牛畜以百千計也。羣酋曰。然則奈何。詎以兵抵鄧革王耶。洛巴革曰。非也。今且率屬媚王。奈何抵之。因言有蓮花娘者。產於蘇合西中。居合拉加西部。王嗜此女。今吾將以力得之貢王。王喜。則吾族安。時有數酋稱曰。善。間有否者。洛巴革乃開陳得失。議論紛呶。至暮。洛

巴革起曰。我爲此族巨酋。更無人加我者。我今圖出兵。衆當隨吾前鬪。合拉加西。今
敢有人抗吾令者。趣前與我較勝。我者。聽其出令。吾不敢抗。洛巴革語時。衆咸默然。
不敢與呻吟斧之喙相抵。皆曰。衆意合。如巨酋言。於是洛巴革發令集健兒善戰者。
此時西尼娣出。聞洛巴革言。乃大怒。肆詈余摩波。以爲妖人。且視余爲鄧革走卒。凡
洛巴革所爲。悉余嗾之。復謂洛巴革曰。君乃不欲安居於此。享多牛之樂。必出軍伐
無辜。彼族又何仇於汝。安知汝前不死於軍鋒及他變故。據爾所言。非將弋取美人。
貢鄧革。取媚乎。彼鄧革後陳充物。安事此女。吾意汝必厭倦羣雌。將求新人。恣汝朝
暮之樂。汝言將求王寵。吾思不如甯靜。勝王寵多矣。設王以大兵至者。抵抗尙爲未
晚。汝乃弗審耶。以上之言。均西尼娣作僞語。尼洛巴革之行。此婦躁而多言。洛巴革
之力。亦不能制。乃容忍其罵詈。不復更較。嗟夫。天下之人。悉如此。凡至尊極貴之人。
處之家庭。乃復不尊不貴。至於極地。洛巴革方以爲西尼娣愛彼。故爲此痛切之言。
迨第三日。戰士大集。計之得二千衆。皆健碩而武。洛巴革告戰士曰。諸君今日之行。

殊險。當努力自致其榮名。大狼亦隨行陣。助汝輩矣。衆柱矛靜聽而羣酋聞之。亦默自詳度。革拉氏忽出語衆曰。我識途且知其牛牲之數。然衆臨大敵。頗疑不卽決。此時洛巴革繼進曰。明日黎明。余博拉柳爲爾斧頭族之酋長。將往征合拉加西。並吾兄弟大狼同行。勿論衆多如是。卽以十人隨我者。我亦前奮無却。今壯士自擇所嚮。甘前者。從我。如戀妻子不前者。吾亦聽之。語發。壯士咸大呼曰。博拉柳吾輩願景從。勝敗所不預計。明日行。斧頭族婦人皆哭其師。獨西尼娣弗哭而怒。亦不與洛巴革道別。迨洛巴革行後。亦哭不可止。洛巴革及其戰士行絕迅。擔饑與渴尋已至蘇合西。遂入合拉加西界。自甬道過師。方過師時。大狼亦殞懼。凡所經村市。咸不擾。少得牲畜。卽行。沿路間諜至夥。得輒以報彼人。乃過甬道時。竟不見一齒師出險止。時已昏夜。遲明。洛巴革出瞭平原之上。革拉氏引洛巴革以衆登小阜。指當日生長之處。卽在彼間山洞也。衆旣前。日光甫上。迤邐至一高陂。聞角聲鳴鳴。自遠而近。衆列高陂待之。遙見合拉加西戰士。如潮而至。聲勢至廣。革拉氏曰。彼果聚其國力集我逾

吾衆三倍矣。時衆亦皆見之。勇氣爲之立餒。洛巴革曰。兒郎。彼中皆蘇合西狗。彼衆我寡。然吾在家時已言。凡爲蘇噶苗裔。詎能受蘇合西之狗。圍而噬我耶。寧不令吾婦孺爭唱凱歌。迎我尊斧頭族壯士爲豪傑乎。時有人呼曰。否否。亦有默不見答者。洛巴革復言曰。爲時尙多。凡不欲戰者。趣示其背。若名爲男子者。則當隨吾而前。或均畏死如鼷鼠者。悉聽歸。亦無惜。吾惟恃此呻吟斧。及魚鷹椎。了此大事。語已。衆亦大呼曰。吾曹死同積生。同貴也。洛巴革舉斧曰。衆誓之。衆皆言曰。憑此斧爲誓。洛巴革悅。乃與革拉氏勒兵待敵。列少年於山前窪地上。蓋此地得形勝。而此少年復善用矛。革拉氏統之爲前距。其中年之卒。則據高臨下。洛巴革統之。已而合拉加西衆大集。可四營。平原之矛鋒。皆滿空氣之中。暗鳴。皆作戰聲。矛鋒閃閃。如電。集於迎面。斜陂之上。以使者至軍。謂客來何求。洛巴革語之以三事。一爲酋長之首。其位號須歸之。革拉氏一爲美人。蓮花娘。一爲牛畜。千此三事。獲遂者。師歸。否則夷此族而平之。使者歸報時。卽以洛巴革言。高聲語其衆。衆聞言大震。其聲動地。洛巴革聞聲如

火灼其眉棱。卽舉其斧入陣呼曰。吾輩凱歌發聲時。無待日落矣。舉斧高語其衆敵。衆聞聲。先奔革拉氏。然陂前多溝。行絕鈍滯。革拉氏率少年捲陣。入力刺之。敵死甚衆。後軍愈怒。復來撲。而革拉氏飛椎。上下神氣安詳。敵應手死。少年之氣益張。爭視革拉氏意嚮取敵。革拉氏凡兩進兵。合拉加西人大亂。顧恃人衆。亦不卽敗。少年亦多死。有退歸陂下者。此時洛巴革及老卒。坐於山眉之上觀戰。洛巴革曰。蘇合西狗。乃爲彼酋狂噦。今試觀彼軍一敗。後勁將不振。蓋經革拉氏衝突。猶牛乳之膜爲人所攬。與乳混矣。直不得謂之戰士。但謂之愚駢。於是老卒亦動兩脚。隨矛伸縮。蹴踏以望前鋒。且指麾少年。攻擊盛稱。革拉氏之勇忽又言曰。吾陣少年仆矣。勇哉。勇哉。又曰。此巨椎出沒如神也。老卒語時。神氣亦健旺。挺矛爭欲赴敵。既有一卒語洛巴革曰。屠伯。此非吾輩赴死時乎。此間草腐不宜靜坐。且吾輩肢惰矣。洛巴革曰。須之。待彼輩倦時。汝濟之。洛巴革語次。合拉加西衆。環攻革拉氏及少年之軍。少年始奔。合拉加西衆尾逐。前追者爲其部酋長。以圈戴其首。洛巴革見狀。曲踴力起。聲巨如。

牛曰老卒前於是老卒爭奮起如巨浪羽毛飛揚則浪花噴沫也潮湧逾過山陂前行爲屠伯舉斧疾奔趨捷無倫一躍之遠可及擲四矛地革拉氏得救亦迴軍屠伯一掃而前如鹿出圍革拉氏追逐其後狼卒山崩而下去二人亦四矛之遠合拉加西人見狀欲聚力以當來軍首領絕頑碩高逾長矛以盾迎洛巴革舉矛伸於空氣之上侍其旁者亦十餘矛夾護以進人莫能近顧雖如此而屠伯獨身進撲行步如虎聚其力後始騰起取敵足及敵人之項敵臚爲盾所壓乃大作聲爭舉矛仰刺屠伯以斧背之釘啄其項立死如椽木之取蟲此時僅留二盾護彼酋然呻吟斧更下時盾與小斧皆碎合拉加酋長畢矣而矛盾上下雜以神斧光芒酣戰甚烈而革拉氏巨椎出沒一觸之者骨皆糜爛且鬪且呼曰健兒趣進敵人安從逃戰勢衝激如大浪觸磣震震作響聽之正如海嘯已而合拉加西人死且盡餘衆敗走洛巴革揚斧力研殘敵如蘆葦受風無不立靡

戰之殺人。猶女僕執箕及帚。掃地揚塵。又如風捲秋葉。片片碎飛。計接仗移時。勝負立決。此戰之畢。死者旣多。餘衆均逃。爲前此戰陣所未有。合拉加西旣甚敗。殘軍歸保其巢。屠伯言必犁庭埽闈。然後已。遂議進軍。顧檢衆死者亦夥。然餘軍尙糾糾可用。且恃有二大將爲前鋒。勝算操之左券矣。此時斂兵屯於危巖之下。縱橫可三千步。巖雖不高。然頗險峻。勢如反弓。驟躡莫登。惟石嵐壁虎者。或可一躍而上。四望不見一人。聞合拉加西之村。距巖之東。亦渺不可見。然其下多人牛之踪。少須忽聞牛鳴。革拉氏曰。此爲合拉加西巢穴矣。洛巴革曰。余輩何能探巢而取其卵。且巖猶蠶立之樹。無旁枝可攀。奈何。大狼曰。樹雖無枝。然空其心可洞而入。遂引兵行至一處似洞。而足迹麻亂。似有竇可入。洞口穹然如門。穹門之中。以巨石塞之外。撞必不能入。蓋牛畜旣入。洞門遂封。革拉氏曰。此路無從入。衆逐我行。遂前繞山之北。去二矛之遠。有壯士一人矗立。見兵至。立隱不見。革拉氏曰。此即其處。狐已入穴矣。衆乃四

覓得小石穴於巖下。大逾蟻封。自中聞聲。且得光。洛巴革曰。誰爲虎狼。能伏身入穴。取此豸。先入者。賚以百牛。輩中有少年二人。思旣大勝。今須更得榮名。以顯於世。而此着當爲第一功。乃曰博拉柳。我卽虎狼也。洛巴革指穴曰。入之。衆當隨汝。此二少年。斗躍而入。一人先入其盾與矛。後乃以身入。少頃。穴中光隱。但聞此少年瑟縮之聲。已聞洞中作聲。此少年死矣。第二人曰。此人神奪其鑒。吾當更試之。亦入如前狀。以盾蒙其首。行甚久。聞其中矛盾相擊聲。久亦寂然。但聞呻吟之聲似又死矣。穴中人似以戶塞竇。竇乃無光。尋知此人入竇。爲人擊退。歸穴中而死。此時衆爭環立竇前。無術可進。咸有餒容。知冒進必無倖。洛巴革與革拉氏木然相視。亦無他法可圖。革拉氏曰。吾爲大狼。大狼何恐暗竇。且此中爲我所屬。我必先入晤之。遂進。然革拉氏行時。洛巴革曰。革拉氏汝止。我先入。汝當隨我。今吾兵當臨穴大呼。以亂吾入穴之聲。彼必不備。設吾能入者。汝輩卽續續入。然尙有一策。吾入有不幸者。汝輩當立

立一人。惟我二人。不能生者。衆且勿入。自歸而長其部。然汝輩當自覓食物。坐待此狗之出。聚而殲之。乃別其衆曰。兒郎珍重。吾二人入矣。衆亦稱曰。吾父珍重。入時勿匆。遽爲仇所得。令吾輩如失牧之牛。飄泊無所歸宿。語後。洛巴革入。不帶盾而持斧。隨之者卽革拉氏。入約六矛之地。得死人僵足。卽以死者之足。加己之首。伏而銳進。戶已出。洛巴革背上。乃仰手承其戶。執死者之腕。作龜行少須。至穴之內口。其光甚微。以穴前石筍林立。遂蔽其光。洛巴革自念。以爲戶已塞竇。敵必謂無人。更進。不謂戶乃能前也。洛巴革計此出。或見天日矣。已而聞穴中果有人。相語曰。蘇嚕之鼠。或不取此道。此輩防余有打鼠之棒也。語已。大笑。洛巴革聞言。驟進。將出山口。至石筍影下。有一人呼曰。爲一蓮花娘。第三鼠復進矣。此鼠宜急撲之。遂以矛力刺死者之背。洛巴革伏戶下。無聲。洞中人曰。鼠死矣。勿再刺死鼠。不更歸蘇嚕矣。今當取石塞竇。則不患其更進。吾獵事畢矣。遂去。尙有一二隨行。洛巴革乘機力從戶下躍出。隨之舉斧。背之釘。力啄其腦。而呼蓮花娘之人。亦遂無聲。洛巴革前立。踞巨石之上。如

野鹿之吸取空氣。且大呼曰蘇嚕之鼠不易殲也。爾馳鼠其聽之。忽石下四面兜圍而上。洛巴革手大斧奮擊。人不見其斧鋒之運動。而人人咸仆其下。已而衆乃大集。如水之淹石。洛巴革斧光上下。當者盡死。力少弛額上亦中一矛。尚有一人於塵土飛蒙中。欲以矛刺洛巴革之背。適大狼亦出穴。洛巴革膽力逾壯。斗轉其身。矛乃弗及。於是二人行大殺戮。少須。外兵陸續亦入。雜衆中力戰。戰極酣。如獺之入水捕魚。無魚不實其喙。而衆鬪且盛。合拉加西人遂遁。斧頭族之兵徐徐入穴。天亦垂暮矣。

第二十六章 洛巴革見蓮花娘

洛巴革旣勝。語所部曰。天光所餘至鮮。余卜此時。尙足獵兔於穴中。吾弟革拉氏趣前逐兔。汝今爲大將。率吾以行。於是革拉氏以壯士行。轉過山樊。至一空曠之地。地有泉仰出。牛畜來往者可數千頭。卽此地左旋。率衆至山之內圈。有巨石突出。卽前洞之口也。穴中窈黑。洞口有膠樹高疊。蓋留之以縛炬者。革拉氏曰。此地留炬與我者。於是壯士爭前取膠木燃之。入洞火光如浪追逐。以前右手舉矛。桓桓甚武。此時

彼族已餒懾不敢戰。一駢戮莫審其數。余聞此地經洛巴革踐踏以後。零星不復成部。殊可哀也。今若求陳迹。但存其名。父老尙有能道之者。此時洛巴革兵驅殘黎入於空曠之地。聚而殲之。而山穴之左。洛巴革忽見有衆一旅。似保衛重器。不令敵知者。洛巴革遂以衆趣觀之。方洛巴革突入人羣時。揚炬四燭。見有一頑長之人。以身倚石壁。蒙盾自衛。洛巴革曰汝何無膽。乃舉斧碎其盾。盾破。斧背之釘觸石鏗然。忽聞有嬌柔之聲呼曰。壯士勿殺我。且君何爲虓怒至此。此時盾雖落。而柔聲入耳。雖莽男子。且皆醉。洛巴革因之不能再舉其斧。此事與洛巴革當時所夢。至相類也。洛巴革愕然。急以炬就石壁觀狀。此人衣粧本男子。而狀態則一美婦人。肌膚之潔。幾同白種。此人爲炬所射。因不再掩面。遽下其手。容貌乃爲洛巴革所矚。見此女二目。如明星。粲。作。光。髮。蟠。披。其。兩。肩。如。是。美。人。爲。黑。種。中。所。不。經。見。者。柔。聲。發。吻。乍聽若忘。但兩目光。亦經久不見此美。甚疑此美人。曾經寓目。乃注視弗釋。卽此女亦久視洛巴革。洛巴革週身帶血。且有劍創之痕。彼此對視至久。炬火閃。而明倩影。

迷離斧影動搖無定洛巴革忽問曰美人顏色至佳究何名趣告我女曰吾名蓮花娘前此尙有他名曰尼達爲摩波女令家人都盡但留其名而已吾餘生亦在咫尺將與吾親屬近矣請壯士速殊吾命勿稍遲遲吾急欲瞑目甚不欲見此巨斧之鋒閃爍吾前也洛巴革此時如癡斗落巨斧於地微呼曰尼達試視我何人耶審之當立知吾名女詳視至再目力外射如人遙注天末久乃不瞬若見怪物言曰以吾心論之汝必爲洛巴革吾兄弟也昔聞其死然吾心尙以爲生憂之至今不已此時炬適盡洛巴革乃攜至隱處以口親之爲禮尼達亦報禮且曰爾我此時相愛矣然初至時斧鋒及吾髮者不能逾寸吾聞戰聲心膽尙寒不圖能更生於神斧之下則吾命直吾兄弟之所賜自今日起當無強死之期彼合拉加西人爲汝吞蝕此天道也彼人生時蠶食人部亦正如是惟此中人處我尙優不迫吾以婚姻之事力衛吾不落鄧革之手吾兄弟若推愛及我則請勿殺洛巴革聞言大呼出令止殺且以使者傳令於外所部再有殺人者抵罪遂寂然斂其矛惟號令太遲獲免者亦寥寥無幾。

間有狂逸而出者。若婦人。則盡關械爲囚。寘之隱處。而前逸者。畏革拉氏更歸爲長。遂羈旅不歸故鄉。長僑異族矣。格巴革兵旣停。遂大饗洞中所有。間以卒行牧。簿錄其牲畜。並撫慰殘黎。勿令惶怖。洛巴革遂與蓮花娘彼此述別後踪跡至詳。至蓮花娘所言。則吾書雖不敘。亦可意度而得。此女當自述僑居合拉加西小族之故。及其美名傳播於衆之所由來。合拉加西人嗜慕。不令嫁。至以兵力滅此小族。奪之而出。麻姑華之死。卽死於是役。自是以來。始移居於合拉加西部。人加以新名。曰美人蓮花娘。待之絕優。亦不逼以婚姻之事。洛巴革曰。汝胡以不嫁。且以年論之。已逾婚配之期矣。蓮花娘垂首而言。曰。此事安可奉告。惟吾心已死。不欲雙柄。雖獨居無所恤。洛巴革曰。蓮花娘知吾以兵滅此之故乎。合拉加西之忽然而亡。乃以村中牲畜爲吾力之酬犒。汝亦知之耶。實告汝。阿兄之來。初不知爲汝。但得自傳聞。謂汝爲國色。將取而貢之。鄧革爲王妃。卽用以爲求和於鄧革之券。今大功就矣。蓮花娘聞言而顫。且大哭據地。抱洛巴革之踵。請緩其事。曰。願兄弟勿爲是暴戾。貢我於王廷。請斃。

此神斧之下。吾又安知容色之美足禍人國。至此吾今亦疲於爲人矣。且吾此時不嘗瀕死於斧下耶。究之宜膏斧鋒者死亦無斬。吾此時旣衣男子之衣死時亦錚錚爲男子可也。吾惟一柔弱之婦人。乃當死不死從死中拔出。以徐受奇辱爲毒深矣。以上均蓮花娘哀洛巴革之辭。辭最溫婉可念。洛巴革心爲之動。雖盛言以蓮花娘入貢而心亦弗忍。虞此人之命。亦如巴利格之不得其死也。洛巴革曰。汝愚矣。國中人方爭欲事鄧革。恨無佳運足以儂王。蓮花娘曰。此非我所希。第一着得死爲樂。如必不得已。亦當以手扼吭。洛巴革奇之。以爲婚姻常耳。胡乃大戚。因不更窮其事。但問之曰。此來爲王命來也。爾旣弗欲。將何所藉手以報王。且吾行須面鄧革。以吾父在彼。已許以取汝歸獻。設吾至鄧革村。面吾父時。鄧革問蓮花娘。吾將何辭以對。設鄧革大怒。吾又何以自全其生。並以全吾父。蓮花娘聞言沈思久之。始曰。兄弟報鄧革。謂蓮花娘衣甲士衣。離隊中血戰。已野死矣。君族中人。安知吾已爲君所得。矧君族旣勝。重在牛畜。遑問一女。今我與兄弟。即星光中覓羣戶。必得女貌之稍美者。旣

得尸衣以甲士之衣。將君族人尸寘女尸旁。明日遲明。汝以將校覓至尸所。尸則預藏於沈黑山穴中。君於匆促中。指尸示此校。謂爲蓮花娘尸也。爲吾軍所殺。吾怒。即以斧殺此軍。列校必不審視而去。即使其人諦視其尸。謂蓮花娘之美。不當如是。然美人見戮。安有長剩之風姿。鑑可以是言相掩。則足以徵實其言。卽鄧革亦將奈何。洛巴革曰。尼達汝策固善。然以汝入羣囚中而美貌特出。安得毋疑。天下安有並世同美之人。設爲人詰問。吾又何詞以應。蓮花娘曰。吾闕不見人亦永湮沒。此名不令人稍矚。吾容光以生疑駭。今夕願君縱我令我自由。我仍僞爲少年。以毡自裹其身。間出此戰地道。若逢人者。又安辨我卽蓮花娘耶。洛巴革曰。出又安往。吾與汝永訣。耶。抑得夤緣再見。蓮花娘曰。但聞兄弟所居安在。不必問我所適。汝非居鬼山影下。有石像類人而塗不能動者。非耶。今問汝以途之所出。何以適鬼山者。洛巴革逐一語以道里。蓮花娘靜坐以記。且曰。此着良佳。吾雖女子。足趨善長行。足以恣我所往。若吾能至鬼山之下。兄弟更以小屋容我薄命之身。足矣。洛巴革曰。此安足云。然

雖如此。而道甚紆遠。且多危險。奈何以弱質女子。露宿風餐。赴之也。洛巴革語時。自念西尼娣必不悅。雖蓮花娘身爲女兄弟。而西尼娣亦斷不之容。此時蓮花娘慨然曰。果得免進御於王者。危險吾所甘受。舍此亦別無他法。洛巴革無語。即飛召大狼。語以其狀。以大狼之爲人。誠篤不輕洩。故示之心腹。此時大狼靜聽。心乃大奇。且視蓮花娘不已。以蓮花娘之艷麗。煥若星光。射目作異彩。洛巴革語已。大狼答曰。觀此母怪。合拉加西舉族抗鄧革爲此女沈其宗也。靜言思之。死人如麻。乃爲一女。其事至可悲慨。因以手指蓮花娘曰。傷哉。此族之滅。乃爲汝凶星照臨所致。今人死之數且未盡。而凶星猶燁燁吐芒。何也。蓮花娘聞言大顛。以爲不祥。洛巴革大怒。然洛巴革固怒。而大狼仍語曰。此語吾出之至誠。吾良心中亦誠聞此語。語已。遂往卽尸中覓女尸。適得一具。旣頗且美。大狼挾之至巨穴中。穴中死尸交橫。以炬燭之。尸眼猶視。可怖。蓮花娘視之言曰。此輩良得美睡。死固酣耳。大狼曰。女郎。吾輩去此亦殊近。蓮花娘復顛。於是洛巴革及大狼剝死者之甲。擐此女尸。取盾及矛。寘尸旁。移尸於

陰森之處更覓斧頭族中死士之戶移置女戶之側既畢而歸三人僞爲邏偵狀行越戰士之前洛巴革及大狼遂貫衆軍而過蓮花娘侍後狀如衛兵以盾翳面仗矛而前身中挾米及乾腊四週巡行至路口即前此洞口積石之所開之縱逃人外出以蓮花娘代之乞哀也然洞口有兵守之聽出不聽入洛巴革呼守者守者與洛巴革爲禮洛巴革見軍士之力已疲似不省出者爲誰於是三人同出至平原之上屠伯與蓮花娘敘別革拉氏則拄椎於地目送之少須見洛巴革遲歸而蓮花娘之行掠如飛燕矣洛巴革曰此人於今夕夜色蒼茫中融化其影都盡吾不省何時再遇是人矣革拉氏曰以吾卜之終身可不相遇吾敢謂君苟更遇此人其死人之數必多於此以君愛情所發流禍至廣君不見是人爲死人之星精乎此星垂沒吾見半壺之天皆成血色洛巴革怒而不言徐徐嚮洞而行守門問曰首領三人同行二人自歸何也洛巴革曰愚哉汝飲合拉加西啤酒醉不省人或朦朧中昏不辨物耶二人同行二人同歸何云三耶守者曰如吾上言或二人出二人歸也

第二十七章 壯士蹈火

明日戰士醒。筋力亦蘇。食既。洛巴革大簡兵數。然軍中多半不見今日之陽光。殆長眠矣。屠伯勞軍。謂榮名所得。及牛畜無數。均諸將之力。衆乃大悅。並不計死者之長已。因長歌頌詞。頌洛巴革及大狼聲高越雲際。歌已。洛巴革復語衆曰。此捷滋有功。且得牛牲無數。雖然。猶有憾。吾來本爲一美人。以貢鄧革。以美人故。方有是舉。今美人蓮花娘安在。吾昨日尙見其人。衣戰裙作男子急裝。且以盾自蒙。吾從慮囚時遇之。今隱覓莫見。吾軍中見之否。衆曰。兒郎均不見其人。此時革拉氏忽發語。語蓋預商諸洛巴革者。語衆軍曰。余當酣戰於山穴時。見一少年追一戰士於穴中。欲以矛盡之。吾趣前視之。忽聞前行蒙盾者。號聲甚悲。吾始知茲非戰士。乃合拉加西美人也。余告戰士。令勿殺。以軍中有令。不殺美人。然此軍已狂猖莫遏。但曰。勿論男女。均宜死。遂刺殺此女。余大怒。舉魚鷹椎將椎之。其人自明無過。然余卒以椎殊之矣。洛巴革曰。大狼此着善也。惟當往觀艷尸。安知此女不爲蓮花娘者。設如是也。則我來

何爲。又將何以報鄧革也。於是數人同行至穴中。視女戶中。椎人亦僵臥其側。洛巴革燃炬至前。咤曰。吾兄弟所言確矣。此戶果蓮花娘也。此愚人力尾而前。亦自斃於椎下。此事滋非佳兆。然已如此。卽亦不能更挽。不圖此女蟾髮委地。戶艷如生。吾殊不忍近視矣。語已。麾衆曰。行。行後復謂軍士。戶以鹽醃之裏。以犀革。吾將載戶見王。衆如令。行時。諸酋謂洛巴革曰。惜哉美人。王殊無福備之後宮。諸將亦皆云然。獨洞口守校。默然無言。蓋亦不能謂其人之無深思也。彼意實見三人同出洞門歸。乃二人鞅鞅不能已。且第三行之人。以長帔圍其身。過時。帔適襯其半狀。實一婦人。目光耿耿。如牝鹿風姿絕世也。此守兵尤疑。蓮花娘與博拉柳素未覩面。何由即知其真。又何以不令俘囚辨認死者。其果蓮花娘與否。矧博拉柳平日巨脰多力。未嘗震恐。此際以火燭戶。乃腕顫不可止。又何以故。一一識之於心。都無遺忘。此時班師。洛巴革遂以衆歸。一日。洛巴革與守兵語。忽大忤。以此守兵受賚時。欲兼有他人之功。經洛巴革嚴斥。立黜其職。拔他卒處其上。且奪其所得。以授陞階之人。此守兵怒。陰思

所以中洛巴革復時。時念夜出之婦人果爲蓮花娘也。是時洛巴革將往朝鄧革。首塗之前。在衆中問革拉氏。請與朝王。或歸長合拉加西。復故業。以戰功論。宣王其地。大狼大笑曰。吾惟求復父之仇。甯圖此位。即吾歸長故地而殘黎寥寥。何復成部。且曰。吾二人駢生之樹。血性之兄弟。同氣聯枝。至欲根蟠於地。永永不離。奈何言去。設吾孤根移植於蘇合西。則二樹並將凋零。與其如是。則不如歸長鬼山樂也。洛巴革聞言。遂不更問。即上道。道中驅牛無數。及所俘之婦孺同行。蓋此行欲貢媚於鄧革。防不得蓮花娘。遽觸王怒。故厚其貢獻。以求悅王心。然王意所屬者僅一蓮花娘。稱爲花中之花。色荒之至。思之若渴。洛巴革雖畏誅。仍僞守臣節。旣近蘇嚕之邊。遂私選美女。及肥牛。潛匿鄰村。令同種之人護歸鬼山斧頭族。此事亦爲守兵所見。復默識之。一日侵晨。余摩波起坐甘沽羅鴨之側。侍鄧革早朝。王臨朝無語。蓋自昨日余以直諫忤王。謂狙殺白種人。即自亡之道。王怒。久不與余言。蓋殺白種之明日。洛巴革至矣。鄧革方焦然有觸。思欲得物以解其煩憂。忽念及曾有一白種人。至此傳教。

謂吾屬宗教。但禮矛及王不如彼教中多神聖事之宜得天佑。適爲衆謀士所惡格。不聽前以其所言多精深幽眇難解。且恆勸部人與仇家言和似大酋制斷之上更出一酋爲之制斷。因痛斥之。不令近王。然王頗稱其聰明。思欲進之以解疑惑。此時鄧革自謂部中無一人聰明如己者。思以言語開伏此教士。顧教士兒召面如死灰。知已踵布兒斯之後。矧此教士文人也。殊不能目覩慘戮之狀。故一至已驚悸亡魂。而王尙接之以禮。語曰。白種人。爾前日曾語我有火山吐燄。凡惡人靈魂死後咸戾其地。今試以爾智力語我。我祖父之鬼亦在火山中乎。試言其狀。教士曰。吾何知者。且安能前知人之冥行。今惟就其兒象言之。此等以力刦人。妄殺無辜。爲僞證陷人。則收局當在其中耳。鄧革曰。以迹觀之。吾列祖列宗似曾爲此者。吾祖宗在彼。我亦將隨侍之歟。以余之志。甚欲侍我祖父。即有火山亦將以機變脫此苦阨。教士聞言。卽曰。吾不知所以答王。鄧革乃思以術窮此教士。時那達勒之衆未歸。王欲待布兒斯俘囚至時燒殺之。故豫積薪可六十車。備燒殺布兒斯人者。此時忽有觸語教士。

曰。白人汝俄頃將觀變故矣磨左右縱火焚積薪。又發令家居之少年未蒞兵間者可一千五百人。即前此行戮布兒斯之人。時火已大烈。少年兵士亦至。列隊王前。而火光已熊熊燭天。吾輩去火可一百步而反風吹火火勢向余。王傳令曰。教士爾所言之火山較此酷烈何如者。教士曰。吾未之知。但火性安有不熱者。鄧革曰。設吾在此火山中爾當見我所以自脫。即十倍焦烈於此者。吾亦有術以脫。卽呼曰。兒郎趣前。汝以足蹴滅此火。彼中雖烈吾可令之立時黔黑。於是教士力求鄧革勿爾防。此舉死人多也。鄧革斥教士曰。汝止勿聲。而教士遂仰面求彼上帝。久之少年相視不知所爲。以火勢燻天煙燄高逾百尋。火爇氣蒸鳴如沸瀉然。少年軍中隊長則大呼謂諸少年曰。王至榮顯號令安可弗承。且王之令爾蹈火蓋寵汝耳。吾輩昨日撲滅亞麥枋那。彼有何罪。今日吾輩亦當以無罪受誅。此蓋災害斗屬吾身。吾輩以英武蹈之亦不失爲男子兒郎。趣前容我輩浴於火中。力平此燄須知王之愛我方有此言。兒郎何怯前矣。語已。酋長大呼奔入火中。隨入者亦慨然無怯。彼輩深知死近於

前若夷猶不進死亦隨之與其疲罷蒙辱而死不如趣死佳也。羣年少突進火中如赴前敵且歌蘇嚙凱歌衆聲附和其哀動天余見此隊長突入時立爆視之已餘焦骨隨入者爲第一隊軍入時以皮盾撲烈燄以赤足蹴爇薪然亦無一生者其入火中如蛾之撲燈一臨卽滅第二隊亦繼入無怯此次勇士出其死力與大火鬪其勇敢可云極矣方其入時煙作深黑色移時紅微而黑夥四衝皆黑煙奔突始入人人皆變黑色漸而髮焦更視則赤其軀肉作巨泡泡旋作白色大火一爆尸立裂第二隊旣盡續續而入咸作是狀以千餘人入積薪火不能爇但作黑煙迷漫尙見未死之人微動其手足於煙中俄頃都盡此火果爲少年所剋矣至第七隊入時遂弗爇每人行積尸上均無恙計此遭之死余不能核其數人亦無核之者約略舉之第七隊僅存其半耳王後此遂以人補其數焚訖鄧革大笑謂教士曰汝言火山烈余固有逃避火山之一法在此異日臨此山時我即以戰士力蹴平之教士無言別去此村語人曰吾後來永不蒞此傳教矣教士去後鄧革令瘞去火中之燄其瘡而未死

者重則殺之輕則付諸醫者其無傷者則長跽王前稱王功德鄧革曰爾輩不死大有功吾將更製新盾及羽冠賜汝以旌汝能鄧革尙語餘兵曰噫白種人恆言毛髮之薙深恃火力較刀優也乃令出啤酒饗士以解其渴此時讀吾書者亦安知年少勇士之來乃作如此收局將深爲吾書不解矣究之此事與余至有關涉故不能不揭而書之此事方已使者已歸言斧頭族博拉柳與其戰士在村外聽宣召云彼力戰於蘇合西部殲合拉加西種人余聞言喜極以余前此莫知吾假子長征作何狀今乃得見爲狀至樂鄧革聞言亦起舞如嬰兒發令曰吾得佳消息矣燒殺健兒之事遽爾沈滅無迹乃大呼曰吾今且張吾目視此蓮花吾手早欲采擷之矣趣左右傳博拉柳入面少須寂然聞圍牆之外有歌聲見二偉人入冠黑羽於其首蒙黑盾一執斧一秉椎背上以狼革爲被徐徐比肩進二盾分護身之左右引首外視如牝鹿前趨後爲獵狗所逐者此種趨奔在甘浩羅鴟中無人敢傲兀如有之自大狼兄弟始矣此二人行逾其半忽爾止立方彼二人趨時而積薪上餘煙爲足音所反

振冒出結爲小雲隊。鄧革慨然曰：「彼輩乃敢披甲朝我耶！」凡人敢爲此狀者，罪立死。今汝趣言來者何人？乃偉碩無倫，揚椎於空中，是何儀節？」洛巴革忽語大狼曰：「吾聞查革死矣，何以其首尙在其頸作獅狀以顧我？」余此時急慰王曰：「此人即爲屠伯，博拉柳草莽男子，殊無儀節。幸王恕之。」鄧革曰：「執椎之壯士何人？」乃偉碩如博拉柳，吾殊未見世，乃有駢生之偉丈夫。如是者，余曰：「此人爲大狼革拉氏。」彼爲屠伯異姓兄弟，即其督師之大將。其後則其健兒。執梃來朝王也。時此健兒四人爲偶，駢肩垂首，蒙黑盾入。隨洛巴革之後，陣後纍纍均俘囚。多婦人及孺子，與僕婢之屬，雜隊中行。如犢之受笞，隨人俯仰。鄧革曰：「偉哉來將也！」語時目注健兒，皆黑羽黑盾爲狀，甚武。因歎曰：「吾軍之勇士，遜彼多矣。其人之健碩，何爲吾所未見耶？」語已，攢眉不語。久之，而洛巴革健步已近王前，揚斧於手。健兒冠上黑羽，受風如麥浪，至有威儀可觀。若將躡此村而平之者，洛巴革去王可十武。乃舉斧與王爲禮。革拉氏亦然，壯士停趾，面王，直如斬足。揚其盾，鞠躬朝王。時無一人敢微仰其首者。立逾一分鐘之久，至第

三次。洛巴革復舉呻吟斧。諸健兒皆伸肩舉盾呼萬歲。鄧革曰。勇哉此軍。此軍訓練至馴。余乃未得此種戰士。即死者舊部亦安有此。屠伯真良將哉。爾二人來前。於是洛巴革健步朝王。與王互視久之。

第二十八章 洛巴革以僞尸進王

鄧革忽曰。汝二人何名。對曰。臣屠伯博拉柳。大狼革拉氏。鄧革曰。博拉柳昔以使者忤先王。卽汝也耶。洛巴革對曰。然。使者麥西羅言過且臣未教之弑王。而麥西羅乃公然行弑。其人奸宄也。王奈何聽之。鄧革聞言悚然。蓋自知身與余摩波同行大事者。特外人未知。以爲王爲麥西羅弑耳。洛巴革語適中要害。遂止不言其事。卽易以他語曰。汝朝我。何爲披甲執兵而前。吾國律。凡以甲兵入朝者。罪無赦。汝知之乎。洛巴革曰。臣未之前聞。此事匪特人無語。臣者蓋臣恃此神斧。亦未嘗違法。自便設臣不挾此斧見人。則人人將踐臣之軀而躡之。矧此神斧。卽爲所部之信物。臣日夜親此斧。卽爲神斧之奴隸。今日面王。臣亦未敢斯須去此斧也。鄧革曰。若俗甚怪。吾今

赦汝矣大狼汝何言者胡以執大椎而亦弗釋革拉氏曰臣椎亦有說必恃椎方能全臣之命設臣旦夕去椎瞬息亦死是椎爲臣命非臣祕惜此椎也鄧革似怒曰爾命若盡者安恃此椎大狼曰王言良信時果至此魚鷹椎亦舍魚弗啄矣鄧革曰怪哉二士之言也且汝胡來來余巨象窟宅亦何所事洛巴革曰臣實至自遠道臣輩飄游乎深祕幽遠之地得一名花爲貢獻之方物臣惟欲得此花故蹂躪蘇合西花圃夷爲荒墟盡剝其司花之人洛巴革語已以手指俘囚復指牛牲曰此卽園丁並園中所飼牲也鄧革曰屠伯言當吾已見此園丁且聞牛鳴矣惟名花安在爾移根自蘇合西來何以不爲余所見意此花方舊薈耶洛巴革曰王言然蓮花正舊薈而已凋殘餘枯梗白骨耳鄧革頓足曰汝何言趣告我洛巴革曰王少須當見之語已迴面其將校作數語立見軍隊分裂作甬道有四人自軍隊中出巨裹裹似青兜之皮嚴繩重縛此四人旣至前鞠躬禮王訖屠伯傳命發裹衆如言裹發兜革之中裹鹽無數中裸一戶旣頑且美洛巴革曰王聽之裹中爲蓮花枯梗矣復以斧指尸示

王曰。設此花。仍能喻受空氣者。或不在此世界中矣。鄧革目注尸無語。心爲酸梗。蓋鄧革好色之心。踞治國上。欲獨享美人之福。今乃不得。卽大怒曰。趣以此尸喂吾麧。勿溷乃公。鄧革語時。初若不期其死。熱念尙切。其死乃出所弗料者。復言曰。屠伯告我。此女何爲見殺。汝趣言之。汝命卽懸此數言中矣。洛巴革遂以穴中檢尸事告王。王已怒不可遏。已而守洞之兵進而指證其事。王益怒。二人復從容追述軍士殺蓮花娘時狀。且麾守兵前證。鄧革怒極。然尙未泄行刑語也。自念蓮花娘已死。衆乃無過。獨一軍士之過。而此軍士又前死。無可施其威怒。乃麾此二人曰。爾與所部歸吾。受爾俘囚。及牛牲。爾輩當謝我。未取爾命也。爾當知爾罪之所由來。出兵乃無我命令。罪一至冒。罪瀆。兵後所得之蓮花娘。乃醃尸。非生人罪二也。方王語時。洛巴革兄弟皆獰笑。斧頭族軍士亦笑意。皆不屑。王將行矣。忽有軍士一人。自隊中拔身出。呼鄧革曰。王赦臣罪。臣請以實告。王臣得伸所懷。復得依王影下。亦所心愜。此人即當日守洞司出入。爲洛巴革除黜者之人也。鄧革曰。爾誠語之。有余在。勿恐。此軍士乃

曰。嗟夫。王也。王聽所受。均爲彼人妄言。惜王未之知。今請傾耳聽臣。臣爲部中兵弁。當滅合拉加西時。臣適守門。夜中有三人出。中二人。一爲博拉柳。一爲革拉氏。其一人則頑長而瘦。高舉其盾。蔽其面。此三人將出。頑瘦者肩衣適落。臣矚其胸臆。則婦人也。膚膩而白。彼取肩衣時。下其盾。臣始見其面。非男子。蓋美婦人。可愛處較月輪尤媚也。目光晶瑩如星。於是三人同出。二人歸矣。臣竊窺其步。此婦人行疾。誠爲少年婦女。款步於夜色微茫中者。王聽之。此博拉柳且欺臣。臣司值守。問博拉柳。何以。此一人不歸。博拉柳力言出者僅二人。無所謂三人也。矧穴中檢尸。博拉柳未識其爲蓮花娘。安知卽爲其尸。又不取俘。因爲證。其實否。此中奸欺之狀。不問自悉。卽臥彼婦尸側之死士。殺之者亦非革拉氏。彼爲合拉加西部人。以矛死之於洞外。臣實目矚之。尙有一節。王貴傾天下。而此俘囚之婦女及牛牲佳者。悉不在是。王受人侮而不之知。彼肥牛佳女。盡入博拉柳家矣。臣語盡於此。一生不敢欺人。幸王鑒之。惟臣言如此。王當衛臣。彼大狼兄弟。兇殘已極。臣命在須臾也。方軍士檢舉洛巴革罪。

過大命之近至與矛鋒相離不逾分寸此時實無人知此卒之當死或革拉氏能知之耳時萬目皆視鄧革猶迅雷之將發大雨之垂及而鄧革二目盡赤曰走卒爾勿憚大狼兄弟吾獵掌足以衛汝汝眞吾奴矣王言方僅出吻而屠伯忽大吼直取叛賊默不一言二目兇光四射以手取此叛人力拉其脅而死其手甚捷余嘗然若不見尸狀竟如弓力擲鄧革之前曰王奴在此王愛之可也彼今果依王影下矣語已衆皆寂然私計世安有此強橫者自開國以來在王之前未嘗一人如是鄧革怒極而肢體皆顫作吐翕聲曰衆殺此狗並狗族殺之不留一人洛巴革曰今日在此請與王博決其勝負爾斧頭族之百族乃僵立爲彼能歌之鼠輩駢戮耶立舉其神斧與戰士逆此戰士即逃自火中未死之人面上尙焦爛不成人形聞命來撲此時斧頭族亦大呼與戰士敵洛巴革曰衆前博敵時盾聲已大鳴二軍爭出死力相搏洛巴革揚斧而前革拉氏則直前取王方革拉氏前時高舉大椎曰待之衆囂復少靜時大椎已及王前革拉氏呼曰傷哉如吾一人之意死者當不知其幾千人吾此

椎下王影在焉則天下少一王矣。鄧革此時仰望有巨人在其側。椎影已下映其額。乃大震恐。曰吾與爾和大狼張齒言曰善哉。王言亦收椎入其伍中。令衆頌王而王亦麾令軍士勿動。然鄧革之額已脫。椎影怒復勃發。欲召大兵殲此軍時。余在旁力止王勿發。曰王命在須臾。此屠伯善殺人。卽王亦在其足趺之下。瞬息糜爛。王乃未知耶。設王不如臣言。椎且復至鄧革私以爲是。亦以一時無兵不足號召。故勉從余言。國中大兵已往那達勒殲布兒斯人未歸。顧王怒仍未已。乃遷怒於余。曰摩波爾亦叛賊我固知汝。吾今將處爾如彼之處。叛奴乃取矛擲余。余審勢躍而避之。疾趨而前。衆軍追余。弗釋。余時去斧頭族兵士未遠。彼人亦覺余奔。洛巴革殿迴顧見余。乃舍其軍援余。追軍立退。余謂洛巴革曰。吾兒吾已不能自立於王家。洛巴革曰。父勿憂。兒能爲父圖立足地。余顧追軍曰。寄聲告王。王無道。乃逐功臣。初不念吾擁戴之功。微吾之力不及此。今乃忘舊勳耶。更告王。王若以兵取我者。禍當更烈。此時若再相見者。則王之死期至矣。汝告王。此爲神巫摩波言。所言多中。不中則未嘗出口。

余此時遂去甘沽羅鴟村。後此更見此村。村夷爲墟矣。然鄧革之去此村時。村尙未燬。至余第二次見鄧革時。再與讀吾書者言之也。余由是隨斧頭族兵偕行。行亦無梗。稍遠。洛巴革止軍言曰。此時宜迴軍殺鄧革。不爾。彼將殺我。余曰。勿爾。此獅雖可怖。然姑寘之。叢等之中。亦不爲患。若驅而出之。平原殊不易制。吾思甘沽羅鴟中。無論老少。已執械備汝。彼謀亦與爾同。雖鄧革畏汝。然亦必自衛其命。爾宜殺而不殺。今爲時逝矣。革拉氏曰。丈言殊有識。當時吾椎一落。彼糜爛矣。今深悔之。洛巴革曰。老父今將何策教我。余曰。爾二人更勿歸鬼山之下。今且歸集村中百姓及牛畜。遼道而北。往踐孟西利克巨獅成迹。此獅已與鄧革絕。自成一部。爾赴北時。或與并合。或別成一部自立。務以拒鄧革爲宗旨。則鄧革之兇鋒。或不汝及矣。洛巴革曰。老父此策。吾殊不然。吾能以力自衛者。必居鬼山。萬不避地。以示畏於此獅。革拉氏曰。吾亦云然。且欲移居於石洞中。吾若搬家。甯不使羣狼失主人翁耶。且吾所屬之四巨狼。及灰黑二隊。日夕盼余行獵。吾又安忍辜其意。余曰。孺子之計如是。余亦聽汝。汝

少年人殊不以老人之言爲然。吾預審汝之不吾從矣。吾言雖如是。然亦未知洛巴革之戀戀其鄉。實何以故。蓋彼已夙約蓮花娘。遇之於彼處。因而不能舍去耳。

追者歸報鄧克。鄧克聞余言大駭。知余所言非謬。因之少斂其威。不更出兵伐洛巴革。彼自念窮兵不已者。後此必爲余所中。此時戒心未已。而他部之戰端復兆。遂舍洛巴革。弗仇。時方大用兵於亞麥枋那。更無剩兵遠討洛巴革。然雖如是。而含怒尙烈。遂多殺無辜。以洩其怒。

第二十九章 摩波述往事語洛巴革

自是日起。均在行。洛巴革語余以征合拉加西。覓取蓮花娘事。余方知吾女至今猶生也。余喜極而哭。雖洛巴革鍾愛此女。縱之得生。余念此熒熒弱質。涉長道而臨鬼山。至可憂虞。卽余在道中。亦不語以洛巴革生身之所自來。正以人多口衆。防爲所洩。爲禍更甚。若稍一吐實。恐此習習微風。亦足傳消息於王之耳中。然此時正余宣言之時。勢在不得不言者。何則。余非與洛巴革言。彼非我子。爲查革子者。則不能圖

復鄧革之位號。第事情盤錯。有令人百思不得其解者。亦祇能委之天命耳。設余當力刃查革之時。知洛巴革尙生者。則余必擁立其人爲主。顧事勢之來。竟出余計畫之外。即使蓮花娘能貢之鄧革。則洛巴革爲有功之人。亦可居鄧革巨影之下。寢長其羽翼。則余爲謀大事。亦復易易。今乃全局皆變。蓮花娘非他。卽爲尼達。彼洛巴革又焉能取其女兄弟貢之鄧革。且尼達吾女。彼洛巴革又焉忍過拂其意。強進之鄧革。矧爲一蓮花娘之故。鄧革懷忿已深。必欲甘心於洛巴革。余亦以此女之故。蒙辱以出。成爲逃人。自是所謀。更無動王之日。洛巴革大業如何可圖。恢復事旣敗壞至此。則不能不更有所謀。余此時同戰士嚮鬼山行。且行且思已事實。未嘗洩諸一人。已而至鬼山脚下。仰見石巫之面。高居危坐。以待天地之變。余即於是夜入斧頭族村中。壯士入門長歌。爲狀甚樂。革拉氏則不入村而入山。撫慰羣狼。余行經山下。聞狼聲。咆哮如歡。迎主人及余近村時。村中男婦孺子均出。爲首之黑婦人。乃西尼娣。爲洛巴革妻。迎師時。爲狀亦至樂。然兵士中人數殊不如前。蓋死於兵間。亦不

少因之婦人喪夫。乃大悲。號聲徹天矣。洛巴革見西尼娣夫婦爲禮至親密。然以余見之似頗有憾。其初西尼娣詞氣甚溫婉。繼乃聞蓮花娘將來。及余寄食。乃變聲爲強勁。因大詈余。且以俚語斥洛巴革曰。屠伯汝試觀凶事且來。非汝過聽老悖之言。何以至此。老悖者斥余也。且云此老悖非所謂王使耶。此人之舌頗靈。惟好妄語。奈何今此老悖。尙有何術足救汝者。前此不云往征合拉加西無辜之百姓。及戕爾無罪之壯士。想爾尙驅吾族之民。如何。意汝必力滅合拉加西。無辜之百姓。及戕爾無罪之壯士。想爾尙驅吾族之民。暴白骨於蘇合西中。令縞其山穴也。惟易得羸弱之牛畜。及男女無數。以坐食於吾村。此何爲者。矧此事尙未收局。方爾行時。似欲力戰得一美人。以獻鄧革。顧此美人。旣得。乃復縱之。以爲爾之女兄弟。不更進事暴君。設此女果爲汝骨肉者。卽爲王所幸。亦何忝於汝家。今旣觸王怒。禍且不測。汝乃僞爲死人。以術愚王。欲求爾之骨肉。至於殺人於王前。以衆反奔。並挾此老悖而歸。彼乃愚計。致汝於死。汝至亡其所部。大半尤博得暴君與汝爲仇。後將并余輩而殺之。無復遺噍。此非爾得老悖爲謀主。

敗裂。至此乎。哀哉。屠伯汝儘爲之徒。令冷眼者觀爾。以哀爾。此婦喋喋。無復休時。而其言亦不爲無見。余無言靜聽。而洛巴革雖盛怒。亦不遽發。以彼所言無隙可乘。遂亦不能加以駁詰。余少須乃曰。婦人宜少靜。幸勿爲此言。以取譏於智者。其人當爾。未生之時。閱歷已多。汝奈何輕之。洛巴革此時亦斥之曰。勿爲此言。老人蓋吾父也。西尼娣笑曰。不期斧頭族中。乃有至愚之人。爲汝父也。彼之歷史。乃最敗壞決裂者。汝奈何以之爲父。洛巴革忽騰踴而起曰。斧頭族乃有一人。受其妻子所痛詈而不報之耶。西尼娣汝行矣。汝行時。尙須凜之。余後此更聞此言。於吾父之前者。當遠行。吾休汝矣。不爾。亦將斥汝於荒外。蓋余受爾勃谿之聲久矣。西尼娣忿曰。吾行何恤。且吾之事人。亦至矣。非吾之力。汝焉能長此間。今卽用爾威力。驅我於外。汝眞寡恩哉。洛巴革曰。是何言。非余手足之力。安能臻此。汝何力者。洛巴革語已。立起推西尼娣於門外。語余曰。悲哉。得妻乃爲是人。余曰。洛巴革汝言良然。然人人皆有此負擔。不能不聽受之。卽於此中。亦足生人智慧。惟人能少近婦人者。亦大佳事。貴在勿過。

鍾愛則爲累較輕。此余閱歷之言汝其聽之。洛巴革聞言而笑。稍以吾言爲然。以彼鍾情之心甚摯。故顛連至此。此事轉眼數年。後此洛巴革逃入極北之地。至爲亡人以死。亦爲一婦人所恩殺。一同盟之兄弟。如革拉氏之類。至於何以至此。則余莫之知。蓋洛巴革生平威猛之狀。可以辟易萬夫。至於一近婦人。巽懦實同其叔鄧革。惟其如此。至於滅亡。哀哉。余亦以此之故。遂不復更見其人矣。

余居山村久之。寂靜無聲。至山鼠竊嚙蘆根。余亦聞之。余乃謂洛巴革曰。時至矣。余將以祕事告汝。此事自爾生時。余已蓄之於心。至於今日。洛巴革聞言大駭曰。吾父趣告兒。余乃行出門外。四矚無人。而是夜又沈黑。四無人聲。亦不聞有他響。余仍出四週一視。必不令更有一人聞之。蓋重要之言。出之非易易也。迨四週一視。心猶未釋。且虞茅廬之上。尚有伏人。乃一一探索已遍。謂洛巴革曰。且去此言之。復念西尼嫡之言。亦不爲無見。余蓋忍而老悖者也。顧余雖老。而閱歷中生出智慧。直與吾髮同蒼矣。然余豈真四顧無人。至於蘆根之鼠。亦不令聽耶。詎知作此鼠聲者。卽西尼

嫡也。西尼嫡暗中伏屋上自煙筭中傾耳下聽余逐字逐句此牝賊咸聞之而禍端遂因而兆天下身爲婦人爲家人見屏則蒙恥已極至欲屬垣竊聽既聽且召大禍於家門則此牝賊罪亦極矣余初以爲四無人聲遂入戶語吾假子洛巴革以事而不知死人之影竟伏吾屋上余謂洛巴革曰洛巴革爾聽之汝良非吾子顧自少時已呼我爲父矣爾發源自高巖之上其人曰屠伯者來也洛巴革曰雖如是而吾父固以父道處兒父之恩亦至矣今請吾父言兒爲誰氏兒者余乃鞠躬與之言曰汝爲已死黑人酋長查革子亦爲吾妹巴利格子也洛巴革曰摩波然則吾尙與假父爲親屬也究竟何人審我爲虎狼之裔吾身世不同革拉氏耶但愛羣狼不暱家人卽知父所在於心亦漠然余曰洛巴革汝亦勿念汝父矣汝父殺爾母並欲殺爾汝雖未知顧汝實查革子也洛巴革易吾稱曰舅氏世亦不能輕吾吾乃能於人羣中擇偉人爲父附之以生殆未生之前已有知覺矣然此事我亦聞之余曰前此獨吾一人知其事尙有與知者其人皆已死今則惟我知之汝何自聞者洛巴革曰此語

得自革拉氏。革拉氏夢死人與語鬼山中。死人告以有人與之爲侶。曰洛巴革。博拉柳。爲查革之子。革拉氏用以告我。惟事隔多年。我乃無復省記。余曰。然則死者固有靈矣。汝爲洛巴革。今且知爲查革。則後此之事。汝愈當靜聽之。余遂舉其墜地時。及巴利格臨終之言。至於如何爲查革所戕。死時作異狀見靈。一語之。洛巴革乃大哭。余蓋初見洛巴革第一次哭也。余且語。而洛巴革木然如偶人。顏色慘變。如待大禍之至。方余語將終。洛巴革忽曰。舅氏。以此觀之。吾旣爲查革及巴利格子。則尼達。蓮花娘不爲吾妹矣。余曰。然。非爾骨肉。特中表耳。洛巴革曰。然則非吾血脈。雖親亦不害於禮矣。語已似有喜色。余將問之。而洛巴革知旨。卽曰。愚哉舅氏。乃不知吾意。尼達若生者。吾將娶之。以此時思想忽湊吾腦。後此將與蓮花娘同命。不更愛他人矣。洛巴革語至此。而鼠聲忽動於屋上。不止。余曰。洛巴革爾愛之者。儘汝所爲。惟爾家婦西尼娣獨無言耶。洛巴革曰。彼固爲我初娶之婦。究亦不能禁我之不更娶。且吾國俗如是。彼惡敢爾。洛巴革言時。甚怒。然厥狀又似怯。余曰。國俗旣合。余亦何靳。

然是中亦必有沮梗。汝能安置西尼娣於善地。愛惜不衰者。彼亦將無言。或自足也。然尼達今安在。設不遇汝者。將奈何。洛巴革爾聽之。惟王蘇嚕。方足光復舊物。雖事勢已非。吾度爾力尙能至是。洛巴革曰。如何。余曰。部中大老。皆與吾暱。均不滿志於鄧革。且畏之如蛇蝎。然皆未知查革之尙有子。可以出羣酋臂上。而奄有大寶。矧查革舊部。尙念故君。查革生時。雖虐。然勇不吝賞。故至今人猶念之。而恨恨於鄧革。鄧革壓力。同於查革。惟鄙吝斬賞。則別成爲鄧革之規模。設部中大老。果知查革遺孤尙在者。必擁戴無疑矣。此事甚類金圈。未加吾項際。猶頰下摩拭。非用力實踐其事。則圈亦不加汝頸。吾今將更試吾老謀。洛巴革曰。舅氏姑爲之。成敗則吾不之決。然吾實欲今夕得見尼達。良於諸酋之羅拜呼王也。余曰。洛巴革徐思之。余思當以謀往甘沽羅鴻。偵取鄧革動靜。以爲去取。余甚患彼遽以戰士來撲。余思彼此時必無大力取我。彼白種人將以火槍答彼矛鋒。彼或不易來也。雖然。余尙有言。汝更勿自敘身世。卽西尼娣亦不可使聞之。洛巴革曰。舅氏勿患。吾能祕之。

久之洛巴革歸視西尼娣。見此婦以毡自裹似睡久者。見洛巴革至作惺忪狀曰。吾夫歸耶。吾此時忽得奇夢。夢見爾爲人尊爲大王。蘇嚕之兵咸以王儀見汝。洛巴革大疑。注視不已。尙不知其已聞私語。遽以爲佳徵。因曰。此夢危哉。然殊令人永不能不審記矣。西尼娣曰。不特夢也。行將踐之。

自是夕與洛巴革語後。余遂行吾計。私以諜往。諜歸報。遂知王之行爲。先是王發令集大軍來滅斧頭族。續得警報。言布兒斯人以騎士五百進取甘沽羅鳴。王大震。遂移兵備敵。不伐鬼山。余輩乃漸得安居無事。此戰。布兒斯人敗。王以奸細引敵騎至伏中。雖敗仍未甚敗。時英國人亦以兵來伐鄧革。自得基拉進兵。此兵亦敗。余此時廣布凶兆。及幽祕之言。以疑衆聽。且以人要結諸將領。令其離心。復謬爲深隱之言。使之莫解。曰汝輩備之。尋將有一人來君汝矣。衆愕然莫知所由。以將領人率一軍。相距頗遠。未嘗取是言互證而辨論也。於是余居鬼山久之。洛巴革與西尼娣亦無間言。而西尼娣之備洛巴革。步步設防。洛巴革滋不樂。而久俟蓮花娘。乃不至。

第三十章 蓮花娘至鬼山

一夕月明中。余與洛巴革夜坐定策。語已。遂論蓮花娘。何以久無迹兆。洛巴革悲慨言曰。舅氏吾終不見蓮花娘乎。彼或死。或見囚於人。固不可知。非是者。當早蒞吾村。且吾刺取其消息。竟渺然莫得。何也。余曰。物在而祕藏之。安得言無。余言雖如是。心實自信是人爲已死。言已。沈寂又久。忽於百靜之中。聞狗吠甚急。余遂出門外視動靜。時夜已深。萬籟不作。在法宜警。惟狗嗥無常。安知非有怖於墜葉而誤以爲人。或則戰士遠來。聞而警。衆大吠然。余目未及遠睞。時而余之門次。有人影隱約。欲呼而噤其聲者。其人頗而長。右手執矛。左手蒙盾。余竟不獲覩其面。其人蓋背月立。且以破毡。被其背似遠行而疲。跂足立。方余二人四瞭時。此人影。瞥然而隱。已而復出。堅立如石。人似自言而聲至柔婉。云是間屋宇多。我何能覓吾兄弟之居耶。設吾張吻而號。則愈速邏者之獲。將逼我面。生人乎。然吾實弗欲。今且息此。以待天明。是間牀席。較我前所處者。樂也。吾倦行在時。宜睡矣。似於影中微喟。後遂轉面向月。月光射面。

噫。其面。卽尼達之面。吾女之面也。雖年久弗見。一暎已識。其人前此猶含苞之花。今則全放。惟容光愁慘。風塵之狀可掬。而美麗猶存。余殊未見婦人之美。有如是者。其艷冶之容。人咸愛之。狀如蘊火於玉壺。在白潤中冒紅光。較之吾族婦人。相去天壤。蓋吾族黑人皮澤色嫩者。有之美麗殊莫之及。余憐所生。乃飄泊至此。思欲不令其露宿。且此女零丁。在諸兒中獨存其一。因令洛巴革少止。余自前視之。因呼曰。來者何人。蒞吾村何事。尼達大駭。立起鞠躬。向余作男子聲。曰。問我者誰也。余曰。邇者以棒驅行人耳。汝來前試告我。以狀汝戰裙之標識。蓋蘇合西人。也是間人與蘇合西無交。汝胡爲來。尼達曰。汝幸爲老輩。不爾。我將無禮矣。貌爲勇敢。覓路將逃。且曰。吾手非棒。蓋利矛也。備之以禦壯士。非戰老人。故不汝仇。余此時大悅。以爲幸生至此。乃聞吾女呼我爲老。戰士然猶僞怒。直趨而前。欲力遏其壯氣。尼達見狀。擲矛嬌呼。而尙蒙盾於面。余力挽其臂。以矛叩其盾。其輕不能死一蠅也。而此僞勇之壯士已顛不可止。余曰。爾剛強之態安往。乃輕我爲老。然汝之聲雌臂之柔滑亦女也。尼達

不答。籠其破毡甚急。思欲力脫其臂以去。因之毡立破。遂現其胸及臂。余大笑。釋之。曰。衆觀之此間有壯士。乃欲以力擊老兵。怒其無禮。若用此壯士臨敵。亦大佳。以旣美且艷之女子。乃僞爲男子。作宵行汝尙有何說。趣告我。少須者。我將力縛以面。吾酋彼老酋長方欲得少女爲妻。此時尼達已知余識其爲女身。乃亦去其盾。怒而俯立。方余將欲縛之。面老酋時。彼立自投於地。力抱吾膝。向余哀懇。彼聞余言老酋長。知非洛巴革。故奇竊至此。尼達抱膝。大呼長者。釋吾。吾果飄泊之處。女非人婦也。丈今已老。安知無閨秀長成。如吾者。吾卽爲君女之哀號。乞丈赦。我丈須知吾顛頓極始至此。求吾兄弟家。一時迷路。幸丈赦吾冒昧。吾果矯裝者顧終不類丈。亦當知無告之女。自覓所親。百飾不能欺隱。異族之人也。余終無言。唯尼達呼我時。實未知余爲其父。乃云託爲吾女。以乞憐。不知余乃槩獨之叟。膝下僅有此女。大有所觸。不禁悲極而哭。而此女以爲余不之允。亦大哭。尙曰。長者幸勿爲暴。以凌此無告之女子。且乞長者示我以路。吾亦知長者之心。必不忍以我如花之貌。令僵彼老酋。今當傾。

耳聽我我親屬都盡惟我兄弟存耳設長者忍不之憐則君女後來亦將如我爲人奴廝愛情與之相忤丈不計及此耶語已復恣哭余乃迴首呼曰會長汝守戶之神今夜投汝佳信矣天已錫汝以美人美如合拉加西蓮花娘之美也尼達聞言止哭而愕余尙曰趣來取此女尼達立起而取矛余莫審其用意計將殺人耶或用以自殺方拾矛時乃大罵洛巴革以爲我乃爲汝而死尋旣得矛復矗立斗見立其前者一長瘦之人執巨斧而立而此老人去已稍遠尼達拭目屢視乃曰吾其入夢耶吾本圖欲與老人言而老人所立處乃易爲吾意中所欲見者之人執斧者曰女子汝何甚類蓮花娘之聲罵洛巴革也尼達曰然惟此鈍叟安往彼何事鬼蜮至此今汝何人汝其洛巴革吾兄弟耶卽非吾兄弟何其類吾兄弟之深也然在月影中吾不敢必其是而此巨斧吾固識之以此斧曾一中吾盾也語時仍詳審洛巴革久之乃自投其身相抱親吻爲禮洛巴革忽微語曰此時西尼婢沈睡矣引之入余室因曰余於地球中美人吾獨愛汝也然吾初以汝爲死矣余摩波在此時亦喜極已先趣

吾家彼二人入時余已坐於爇火之次尼達引余謂洛巴革曰此老低肩狀若垂死者乍吾已見之似夢非夢間爲此老楚辱增至今辨之卽此人矣吾將以矛刺之不爾彼將更甚其詞謂且縛余貢之酋長此何語耶設非君救我者此老亦必出此策吾兄弟乃蒙恥容此謬誕之人不示之以罰耶洛巴革聞言笑不可仰余摩波乃徐語之曰尼達汝於蒼皇中求我不呼我爲父耶余語已以目嚮火光中示之以狀蓮花娘尙未覺答曰有之此亦何異之有天下無家之女得假父而事之事亦至適旣而沈思自謂曰此人其吾父耶何爲憔悴至此且左腕慘白何也汝今對我言爲誰者昔者有人曰摩波有幼女曰尼達蓮花娘言次忽大悟曰吾父吾父兒識汝矣余曰尼達汝雖矯粧我固識汝無害多年之別也蓮花娘聞言伏余臂大哭余感念前事亦大哭不止蓮花娘之哭喜極而悲耳洛巴革乃出餌及羹食蓮花娘却羹進乳酪罷甚少坐始自述別洛巴革去合拉加西後漂泊之狀絕長然余書不能詳述但略節其一二如蓮花娘一日道行爲盜所劫初以少年待之尋知爲矯裝之女郎思

進之酋長。而尼達乃以計愚諸盜。令殺其酋。尊已爲渠。盜惑蓮花娘之心。似中狂藥。果如其策。噫。蓮花娘之美。能覆合拉加西。今復再覆盜族。眞女俠哉。已而盜皆傾服。不敢犯。蓮花娘乃發令。言將與最勇之壯士成禮。羣盜聞言。乃自屠戮略盡。卒中蓮花之計。蓮花娘因是跳身出。乃託言吾不欲觀同類之相殘。當少出以俟大事之定。乃更歸。因是逃。而塗中猶歷險無數。最後遇一老嫗。嫗沿途將護至於鬼山之下。後竟無人知此嫗爲誰者。革拉氏乃決言。此嫗爲鬼山石巫所化。引蓮花娘見洛巴革。此神巫。令斧頭族之人悲。亦使斧頭族之人樂也。然以余卜之巫安有靈。又烏能幻身爲人。以行此纖微之惠。蓮花娘述已事後。洛巴革亦稍語其別後之踪跡。且言卑女尸見王。謂之枯蓮花之梗。蓮花娘悅曰。此着良佳。旣聞洛巴革以力拉殺守兵事。蓮花娘雖溫柔不喜殺。此時亦喜動顏色。以爲殺之至當。蓮花娘復聞開罪鄧革。則又大戚。以爲鄧革殘忍。銜憤必報。此族必無全地。似頽運隨地相尾逐焉者。因浩歎曰。吾兄弟以大勢言之。吾死爲得當。勝於以巨禍貽吾兄弟。洛巴革曰。汝死何益於

事禍之來也。已胎實不關於爾之存亡。爾須知吾非汝之兄弟也。蓮花娘聞言大駭。立釋洛巴革之手。把余之手曰。吾父此何謂也。彼與我攀而生同住十餘年。今乃言其非是實。則其人爲誰。余曰。尼達。彼與汝中表耳。蓮花娘曰。然則吾至樂聞之。設果爲外人者。則吾愛爲徒然矣。語時流波微笑。因謂余曰。請阿翁歷言其前事。余遂舉洛巴革誕時遭險之事。一一語之。知蓮花娘爲人祕。必不洩吾事。余語既。蓮花娘笑曰。洛巴革汝雖王孫。然狸狌之子。吾愛亦將銳滅矣。洛巴革曰。此何可者。吾意爾愛我。較前當甚。以爾將爲吾妻。今當禮我如夫者。於義方適。蓮花娘肅然莊其容。乃盡歛其雅謔。問曰。洛巴革爾於前此在合拉加西洞穴中。不言西尼娣爲爾冢妻。在斧頭族中。非乎。洛巴革聞言大戚曰。何爲。彼西尼娣固吾女酋長。然天下男子。固一妻已耶。尼達笑曰。然。男子多妻者。固宜得一爲其冢嫡也。然此議尙非急遽之事。惟汝果得我者。我當居嫡。汝又將何以見處。洛巴革曰。尼達。吾意待西尼娣惡稔。吾乃去之。譬諸果蓏不成熟。烏能取而食之。設汝能見允者。則趣成婚禮。餘事當更議勿屬。

之蓮花娘乃伸臂引洛巴革之手曰此吾願也洛巴革汝聽之吾父在此若前此未成人時依依吾母麻姑華膝下別吾老父赴蘇合加此事在汝爲牝獅負走之後吾曾告吾父以此生不再字人已一心屬汝恨汝已死獅吻吾已永決爲汝守義吾父責我以同產之親不宜言夫婦之愛然此事則吾以心問心之事不知何由得此預兆洛巴革汝今觀之曾是吾兄弟否耶吾誓在心未嘗或忘儘有強力者爭卽論婚於余成人後余皆拒謝彼人皆如落葉觸樹烏能脗合爲一體此事則吾運至佳乃能不汚於強暴幸亦無強暴汚吾者今日吾得天所賜矣旣失其人今復得之今惟於此人之身鍾之以愛惟洛巴革須珍重記之美人命薄凡愛我者均死而猶不特此卽偶相余顏色以求饗其眼福者亦無倖洛巴革曰尼達吾得汝禍患非所恤乃力抱之親吻而蓮花娘卽起立與道別言罷甚當息洛巴革遂出戶

第三十一章 記二婦妬爭

遲明革拉氏別羣狼出鬼山之中入村至余屋前見蓮花娘與之爲禮乃適議事之

所語余曰。摩波死星已照臨吾地矣。自君女之來。吾昨夕灰色之狼。咆哮作哭聲。至終夜似非吉徵。所以致哭之故。吾實未知。但知此死星第一必臨余。殆余收場之日近矣。此女絕美。吾屬卽爲之死亦所甘心。語已大笑。乃操椎舞不止。余聞言大戚。雖憫其愚。然亦不無深意。余但憶蓮花娘之美。人見之皆悅。人即爲之死亦無戚容。何也。余此時快快歸。攜蓮花娘至會所。而蓮花娘已立而泣。余變服爲婦人裝。蟠髮垂肩。腕上及頸與脰皆鐫象牙爲釧。手執蓮花一莖。蓋浴於溪次。采擷而歸者出必執蓮花者。示人以信。質名其爲蓮花也。蘇嚕國俗。名人必名其所嗜者。然隨物寓物。婦人恆性。必問其何所取義。則莫能晰。彼尙乞余臂衣。衣爲白駝鳥之羽。製極工緻。蓮花娘即取衣其背。垂其角於胸際。此尼達之以禮自坊。異於他女之赤身。往往出時。必求衣幘。他女則巨紳垂股際足矣。意其爲此。蓋珍惜其肌膚。或深藏其美。不欲以炫。狂夫然實白皙在黑族中。獨表其異。凡諸所爲。余皆不深辨。此時攜蓮花娘之手。冒晨氣而行赴議會所。行次。余見蓮花娘之秀氣較淑氣爲和容光較曉光爲清也。

是日會衆大集。謀士與諸部酋皆至。卽一村之婦人。亦爭來觀。羣婦人中主婦西尼
婢亦卓立人叢。此時屠伯所得山洞中之蓮花娘。至斧頭族矣。衆見皆奇詫。目爲之
眩。爭歎羨以爲名花美豔。非世所有。且云合拉加西舉族爲是人死宜哉。宜哉。是時。
婦人雖爭矚。竟無一人稱道其美。妬極。皆若無覩。中有一人言曰。吾族乃爲此女之
故。陳尸於外。不能葬。又有一人言曰。昨夕彼之來時。二足已繭。今茲何爲得此
奇服。汝輩觀之。彼麗服炫世。尙未足。乃復以花自媚。其第三人曰。此花安置手中。較
諸執耰鋤以臨田者。優也。以吾思之。斧頭族主人得此勝於神斧多矣。正恐旦晚令
吾輩悲耳。言者凡四人。言後咸視西尼婢。及其羣輩。是言也。較擲矛於身爲痛。尼達
一一聞之。然仍笑靨承顙。未嘗改容。西尼婢此時雙鎖彎眉。凝視尼達。手攜幼女。其
他子則同他童子自弄其項珠。余引尼達行經西尼婢之前。尼達已知其人爲西尼
婢。努目視久之。尼達之怒視。余亦莫測其故。惟西尼婢心中初無所恐。今亦改容有
戒心矣。其後乃轉首弗視。蓮花娘驟笑過之。與洛巴革點首爲禮。洛巴革曰。福哉尼

達語已。面羣酋曰。是人卽余赴合拉加西徵取之婦人。是人歷史。衆固知之。彼叛人首我於甘沽羅鴟。今其人永無言矣。此婦人求我不事鄧革。余已許之。設此事非叛賊洩言。則余已以僞尸愚鄧革。鄧革已信我矣。今吾友視此女。試思我得此女者。不有豔福耶。是女蓋人中之花。其花在地球中。更無此佳種。得此殊斧頭族之榮。亦余之福。時有小部酋長起曰。屠伯。此舉良佳。蓮花娘之幻影。臨諸吾鄉。吾鄉人旦夕蘇息。亦當猶合拉加西人也。大狼革拉氏。則搖首不語。以此酋之言。頗與所料符合。知舉村將墜劫矣。余後此始知西尼娣自嫁洛巴革。即密偵其家事。知蓮花娘爲彼女兄弟。故於此時聞洛巴革言。欲納蓮花娘爲室。乃抗言曰。吾主人此舉。當於禮耶。洛巴革曰。西尼娣汝問何爲。天下男子納婦。詎汝所能沮格。西尼娣曰。可也。然天下之人萬無以姊妹爲妻者。我聞汝以計令蓮花娘拒鄧革。不充其下陳。鄧革怒。將洩憤於斧頭族。必以大兵臨滅吾部。洛巴革曰。余在彼時。計已如是。今則又變吾計。尼達蓮花娘者。摩波子也。摩波名爲吾父。實則假父。尼達之母。亦非吾母。洛巴革語時。乃

向衆謀士言其所以。西尼娣遂迴面向余曰。愚哉老悖。吾始疑巨禍自汝而來。今知其非無因矣。余聞言夷然不動。西尼娣復語洛巴革曰。奇哉。博拉柳汝旣不父摩波。然則誰爲吾主父者。洛巴革大怒曰。我乃無父。吾父天神也。余之生自火中來。彼蓮花娘之生即豔絕一世。合爲吾偶。今爾當甯靜。不且禍。至此時洛巴革少默。復語曰。汝欲知吾父耶。吾父爲神巫之首。洛巴革之意不敢斥言。爲查革子特以神巫自諱。後此部人咸言洛巴革爲神巫子。而洛巴革亦不之辯。輾轉傳訛。洛巴革聽其所爲。蓋本無嗣位之心。故亦不承爲查革子。又防鄧革知狀。將與爲難也。此時部人見洛巴革盛氣凌西尼娣。咸以爲不然。余見洛巴革自承爲天神子。深謹其語氣之高。以蘇嚕人呼王。本曰天也。而部人不察其言之有玄機。但爭言彼爲神巫子。生而妖異。故不能詳其所出。時尼達忽向西尼娣款語曰。吾固非博拉柳妹。今將更爲汝妹。以汝固曾長嫡妻。正位已定。我固居次。在法宜與我親吻爲禮。歸於平和。尤當念吾間關而來。事我姊氏。吾姊氏知之乎。蓮花娘語已出手嚮之。余此時不知尼達此舉爲

稱心出耶。抑矯爲此狀欺人耶。而西尼娣忽大怒。以手引尼達頸上珠圈繩斷。象珠委地。斥尼達曰。汝恣親吻於吾主。勿須吾也。且爾頸珠旣散落。吾恐旦晚之間斧頭族百姓亦將如此。珠尼達無言。他顧而呻。方尼達呻時。百姓復私議以西尼娣爲刻。此時尼達以手中蓮花授洛巴革。曰。吾主此花爲吾二人定情之物矣。是間禮制。恒以牛畜爲聘禮。而吾則母須此。惟欲平和以臻於白首。洛巴革受花。注視弗釋。是人生平手不釋斧。一旦拈花。狀至不倫。人爭怪之。而是日又會部中鬪力之日。司斧之人必執斧當場。與衆較藝。洛巴革乃立而宣令。此時並未期有人出較者。以數年以來。無一壯士敢與試力。此時忽有三人同進。三人中二人爲其列校。亦生平最親之人。百姓見此三人陡進。盡駭。洛巴革亦奇愕。微語其中一人曰。汝來何爲。其人以手指蓮花娘無語。洛巴革始大悟。蓮花娘蓋鳩毒之媒。人人欲得。爭以爲得斧者。並可以得美人。則身擁蓮花娘者。不能不以力出鬪。至此人之來。純動於色。故生死亦所不計。洛巴革連殊二人。第三人乃却立。不復敢進。革拉氏見狀。長喟曰。摩波天譴垂。

至。此。其。萌。芽。丈。知。之。乎。女。公。子。所。至。災。咎。亦。踵。至。丈。其。奈。何。余。曰。老。夫。亦。云。然。特。此。
女。柔。婉。而。聰。明。不。期。而。得。人。之。憐。愛。革。拉。氏。曰。禍。端。既。肇。又。焉。能。逃。吾。死。必。矣。是。日。
洛。巴。革。與。蓮。花。娘。成。禮。久。之。部。中。頗。安。謐。無。警。然。自。二。人。成。禮。洛。巴。革。憾。西。尼。媳。入。
腠。理。至。不。留。盼。其。於。他。婦。亦。然。革。拉。氏。則。深。咎。蓮。花。娘。之。蠱。惑。余。謂。蓮。花。娘。非。蠱。惟。
眼。波。及。容。光。與。愛。情。足。以。迷。人。安。有。所。謂。蠱。者。洛。巴。革。情。愛。之。深。至。蓮。花。娘。死。後。猶。
戀。天。下。愛。惜。中。人。如。病。入。心。腹。雖。百。藥。莫。療。矣。讀。吾。書。者。當。知。西。尼。媳。及。諸。婦。能。母。
積。思。成。痘。然。尙。謂。新。婚。之。好。或。有。間。時。顧。歷。久。仍。不。見。答。乃。謗。訕。四。出。及。於。部。人。之。
耳。而。村。人。亦。分。黨。爲。仇。一。右。蓮。花。娘。一。右。西。尼。媳。也。西。尼。媳。之。黨。盡。婦。人。男。子。者。零。
星。數。人。而。已。亦。皆。怕。婦。者。若。男。子。則。盡。護。蓮。花。娘。至。於。室。家。乖。忤。而。洛。巴。革。及。蓮。花。
娘。均。木。然。不。之。覺。長。日。雙。棲。不。能。有。幾。微。之。閒。一。日。晨。起。爲。成。禮。後。之。三。閱。月。蓮。花。
娘。自。其。室。中。出。日。影。已。高。行。石。徑。浴。於。溪。上。嚮。溪。路。之。右。爲。洛。巴。革。稻。田。田。中。西。尼。
媳。方。與。他。婦。縛。見。蓮。花。娘。盈。盈。出。且。縛。且。忿。少。須。見。蓮。花。娘。出。浴。肌。膚。美。豔。無。倫。亂。

花交其髮行時作柔婉歌詞音嫋嫋然西尼娣聞而釋其鉏曰吾姊妹行乃能忍此乎他婦曰否然則如何當羣趣而擊殺之耶西尼娣曰以理言之殺博拉柳爲正尼達者婦人也凡婦人之所有彼悉據而有之殺之殊可惜若博拉柳者身爲男子且爲酋長宜有公道以處我語至此未竟而衆婦中一人言曰此婦恃其豔質惑人殺之亦不爲不當西尼娣曰不可吾將與之論辯語已乃當路以待其至時蓮花娘猶行歌疊兩手於胸次忽見西尼娣有怒容乃舉手示敬曰老姊萬福西尼娣弗答曰吾妹過矣老姊治田滿手泥也安能以吾泥手執爾嬌柔之腕且汚汝花香矧吾奉吾主命行田日與羣婦肆其手足之烈爾不觀蘆莖雜生稻穗之中吾力無幾汝新婚已過不當見助老姊耶即汝自蘇合西部中未以鋤至者我曹當爲汝購得之尼達知旨血如泉沸然亦作和平之語報之曰老姊此誠吾所願第妹質弱未嘗蒞田以妹所至部人恆不令我親田至於繡花貫珠之役亦免且吾夫恤妹不令以重役龜手妹安可不守主人之言西尼娣曰吾夫言此乎則茲事怪矣爾不觀吾爲嫡室

卽我示以得斧の方乃不得彼一言及此免吾不親田事矧吾爲之生子數人不爲無功彼乃漠然亦別無他令及於吾之羣娣然則博拉柳之親汝乃逾吾輩萬萬耶尼達知身陷圍中矣大奮發曰人安能無專房之寵汝固有時今時當屬我矣卽時之修短亦屬我汝言何爲且洛巴革之愛我自少已然至於沒齒始已諸人安能舉而相較汝止矣西尼娣曰否余尙有言今有二事聽汝擇之一則汝當遠行聽吾諸人行樂若汝留者則吾諸人當死尼達思久之乃曰吾安能以我之深情死吾所愛脫不幸吾法當行者亦惟死耳西尼娣汝聽之我殊不信汝能措置我者天下死神最親懦弱之人死期之來惟名花被其禍彼人安得遽死言已自西尼娣腋下一撇卽逝亦不更歌矣西尼娣目送其行至於山陂之上且視且生忿心遂歸入衆婦叢中語曰蓮花娘方笑我輩耳汝輩聽之吾有良法待新月生時合諸婦人孺子爲高會屏蓮花娘勿召以彼二女方深情繾綣不能出也吾婦人羣中有男子知吾輩冤枉者亦許其至安知吾方盛會禍事不即至吾族吾輩方蒞會當勿與聞有一人曰

其禍如何。西尼娣曰。吾安知者。吾惟知逐去蓮花娘足矣。此即余圖復於一男子。以涼薄待余者。尙殲彼阿媚蓮花娘之徒。令其同盡。吾輩以爲如何者。衆曰。善。然此事宜勿聲。今且議與會事。此時尼達歸述西尼娣駁詰之言於洛巴革。洛巴革聞言大怒。然已爲情迷。遂不計積毒足以致禍。且不備西尼娣之將行毒於其族。但長守蓮花娘。終日如昏如惘。時西尼娣來言。將與衆婦人大會於遠地。告行。洛巴革亦不之簪。轉悅其去。允之。以相見多忤。卽去亦不之惜。並未疑行將圖已。而西尼娣臨行。尙言尼達不必與會。而此語尤如洛巴革之意。余摩波見洛巴革沈迷已深。因私語革拉氏。將以計醒之。乃極力引革拉氏爲腹心。並以洛巴革生平軼事。一一語之。且言爲之籌畫。將以屠伯襲其父寶位。並明余逐步爲謀收局。必行大事。復推誠語以政策。欲自行收合各部酋長。引之附己。革拉氏坐聞余言。因曰。事之成否在天然。人力必出於此。惟美人之陷洛巴革爲力甚於長者之引洛巴革也。且語且引手指尼達。時尼達方行過余前也。革拉氏言雖如是。而余決計行余策。行時即西尼娣赴會之。

前一日余乃語洛巴革以策。而洛巴革木然如偶人。惟日夕隨尼達。倦聞余言。余乃別之以出。尼達亦送余於道左。與余親吻。然口中尙呼洛巴革之名。與余道別之言。交雜莫辨。余知此二人情迷極矣。乃言曰。是二豎子癟也。然雖如此。計更逾數月。或不如是。至於愛情之變。則余不能知矣。

第三十二章 西尼娣朝鄧革

一日鄧革坐於甘沽羅隲中。待戰士歸報血河消息。時鄧革悉甲出滅布兒斯。計程當以勝歸。乃慵坐仰觀。鷺鳥紛飛於屠伯山上。鄧革侍衛左右者。尙有一營。鄧革語謀士曰。吾鷺鳥飢矣。謀士曰。以臣計之。不移時。鳥腹果矣。方謀士語時。有一人入面。言有婦人將朝王。語大事。王曰。進之。余厭聞他事。其來。或言吾戰士勝也。俄而婦人入。長身而美。攜二子左右。鄧革曰。汝來何爲。婦人曰。乞王出公道。婦人之來。欲聞血腥。且此血易求。乞王賜婦人以此。鄧革曰。爾求何人之血。婦人曰。乞屠伯博拉柳血。及尼達蓮花娘血。並其羽黨。鄧革躍起於座。呼曰。汝何言。詎蓮花娘尙生如彼守兵。

所言耶。婦人曰。王聽之。此婦實生爲屠伯妻矣。屠伯以蓮花娘之巫術令彼絕臣母子。臣妾蓋其嫡妻。彼乃違律法。悖聲聞。冒爲沈湎之事故。臣妾來乞師殲此二人。王曰。汝亦佳人。恨吾後宮竟不得汝。汝聽之。余今允爾所請。以余恨屠伯。至於次骨。甚欲碎此蓮花。惟爾來何遲。余大軍盡出餘者僅此一營。若以兵征屠伯。非大行戮不可。今待吾戰士殲白種亞麥枋那歸。乃如汝意。出師此二童子誰者。婦人曰。臣妾子亦博拉柳子也。鄧革曰。旣云博拉柳子。在法當斬。婦人曰。諾。鄧革曰。嗟夫。汝爲人賢妻。又爲人賢母矣。吾言已盡。汝行矣。此婦人卽西尼娣。心切復仇。至毒螫。必欲致死於蓮花娘。謂蓮花娘奪其家嫡之位。凶妬之心。幾欲噬人。乃不能須斯之俟。復大呼曰。王聽臣妾言未已也。博拉柳之爲人與摩波欲圖謀王位。鄧革曰。彼乃圖篡耶。壁虎之力。乃欲力陷危巖。卽居此危巖中。曬日。何其不自量也。余聽之。設謀若摩波者。吾必以計獲之。婦人曰。臣妾尙有下懷。宜達。博拉柳尙有他名。曰洛巴。革名摩波子。實非摩波子。已死先王。遺亂卽王之兄弟。爲巴利格所生。臣妾聞諸摩波。故得其。

詳在黑族中當推。彼爲嫡嗣王。今日寶位在彼。爲應得矣。鄧革聞言大駭。堅坐無語。呼西尼婢近座。趣令語其詳盡。此時王左右有二謀士爲王所寵。此二士實聞西尼婢語。王亦令二士就座旁屏其餘人。弗令聽。二士既前。西尼婢遂語以洛巴革生時遇險狀。及後此之事。一一語王。且歷舉證佐。以堅王信。鄧革曰。此事確哉。西尼婢語畢。王宣令一梟將至。王前將名費庫。人極偉碩。復召大將數人至。王莊容諭之曰。汝輩以三營之衆。及衛隊。夜中至斧頭族村中。焚之。盡殺神巫。不遺其一。其首要曰博拉柳。又曰洛巴革。汝往誅之。若更能以非刑死。此賊尤佳。惟須以首級至。並生致其妻。曰尼達蓮花娘者。當受上賞。余欲得蓮花娘而甘心焉。彼中牲畜。盡數取之。卽以此時行。勿緩。如不得。當以歸。每人咸死。且強死。趣行勿緩。於是大將辭王歸壁。發令。三隊兵踴躍受令。直嚮鬼山。鄧革旣發令。復取謀士二人。令左右誅之。謀士聞令。拜王。以手掩面。蓋自知聞王祕事。宜死。慨然就戮於王前。前此曾言不移。時鷺鳥果腹者。即此二人應之矣。王復發令。殺西尼婢二子。西尼婢聞令大哭。不舍其子。鄧革曰。

汝愚人亦惡人知之乎汝以妬故圖殺其夫謂爾夫爲彼死王之子爲吾家冢嫡之嗣王爾不言此二子爲賊種乎彼死二子焉能留留之適足以篡吾位汝思留此二憾吾不大惡耶婦人爾乃自入鼠械之中以求死吾尙何術脫汝衆來趣之行西尼婢此舉殆自釀毒藥自飲之而致昏憊乃大悲哭自摩其手曰吾請改過不爲惡矣欲以死報洛巴革及蓮花娘待之泉路之中語已疾走王大笑點首兵衆遂縛之就死於矛下此一時即爲妬婦西尼婢畢命之期亦爲末次甘沽羅隂中殺人終局矣鄧革殺謀士及西尼婢後心忽大動舉目遙矚見山次人來無際視之已軍也此軍蓋出伐布兒斯者然歸兵羽毛皆失歌唱無聲垂首徐行狀如婦人又似受笞之童子已乃知戰士大敗於血河半死戰場半死河中半爲布兒斯礮彈所斃甚而河流乃盡赤尸骸重疊河爲不流得生者半踐尸而渡鄧革聞耗大震且聞敗兵言亞麥枋那已尾逐而至即於是夜中鄧革逃入叢林中安佛羅西河次然天色赤通夜以白種人大至悉焚其村鷺鳥翔鳴烈燄之上厥聲悲厲可怖時革拉氏方枯坐石巫

襟袖之下。目眺平原。天色垂白。而忽通明。如月四狼。潛伏其側。作哭聲。革拉氏亦不之顧。心中滋悸。疑洛巴革旦晚且覆。乃降抑英雄氣概。奴於婦人。而舉族將皆作灰墨之色。爲蓮花娘所陷。此時族中婦人孺子。咸赴盛會。計此去當永永不返。以革拉氏卜之。或赴會者可得免於死。是時禍尙未集。而革拉氏心動。似已前知。乃謂旁伏一狼曰。吾兄弟狼王心迹已變。局亦垂壞。壞於婦人一親吻。此後不與爾輩行獵。呻吟斧亦不再舉矣。彼之所求。第求美人一親吻。安用汝輩之舌。更舐其手。彼手所引者。美人之手也。彼身爲人上。又英雄冠時。及茲收局。乃爲重辱。所壓誠語之。查革雖兇。人其人固轟烈可取。方發令。令壯士就婚時。輒曰。凡人娶婦。能抑人勇氣。熱息。乃化爲水。今其言驗矣。革拉氏語已直注目於洛巴革村中。已而忽見有光閃爍在鬼山之趺。如婦人針鋒貫革而過者。忽明忽滅。革拉氏大驚。目注之。已而光乃大見。蓋矛鋒如林。革拉氏更視。則小羣戰士數百。銜枚行寂靜無聲。頭上不羽。似突出殺人者。每人皆執矛及盾。革拉氏意此戰士。或夜出行。獵不爾。必鄧革之獵隊。不獵。

獸將獵人矣。想洛巴革村人此時方酣睡必非出而行獵即行獵何爲僅此數人革拉氏正夷猶間此兵已涉河而過視之則非村兵鄧革之兵也意必西尼娣嗾之使來此即所謂婦人之盛會成此大果也革拉氏自念此潛來之卒將何法以殲之吾今將用狼牙如往時滅王之壯士矣此軍若早爲吾所矚者何由令之直至水次我已以狼牙要路取之矣今已無及且吾狼不能出平原而馳然則奈何惟有馳告洛巴革令鳬水而渡掃其軍以上均革拉氏遙度之詞也此時立起下山跳越如駭鹿奔突如野兕飛掠如海燕直至平原之上至於河次水聲甚激計非渡河不知兩軍消息也乃絕流渡至一斜坡之下其前有村爲曉月所照慘白如銀村之東天曙已動革拉氏東望有壯士無數方結束待殺人革拉氏計無所出不能突入重圍時與戰地相距尙六矛之遠田中稻可隱人革拉氏踐稻田過自念吾兄弟亦健走善鬪胡爲弗見革拉氏仍伏田中而村之左右均王卒且相語曰茲有白物分田稻而來何也他卒應曰吾亦聞其聲或巨獒耳若人者安能健跳至是其一人曰非狗殆狼。

也。或伊西駝亞野獸人者也。將取人歸其穴耳。爾燃火以燭乎。當嚴備待之。忽聞大聲呼曰。衆睡起敵來。逼村殺人矣。

第三十三章 記狼族之收局

革拉氏近村大呼訖。村人爭起。時村人皆宿。無邏偵之人。以洛巴革沈湎於色。遂忘警備。置生死仇讐於度外。此時革拉氏奔入夏屋之前。此屋蓋洛巴革新營爲貯嬌之所。革拉氏直入呼博拉柳久之始知深沈之屋角。二方雙宿於地。洛巴革之首枕蓮花娘臂上。而斧光尙瑩瑩在其席次。大狼呼曰。趣醒寇至矣。洛巴革躍起。取其斧。而蓮花娘張臂於席曰。睡矣。睡鄉甘也。革拉氏曰。快哉睡也。將永不醒耳。兄弟趣取狼幙。引盾出。遲且不及。王卒已及村外矣。蓮花娘聞言亦起。尙有守兵均起自夢中。遂着衣。取盾。革拉氏引啤酒飲之。氣爲略蘇。遂出門外。時天尙未明。東西南北四嚮火光爇天。此村已爲王卒縱火矣。洛巴革視久之。方知敵至。曰。兄弟吾出何門。革拉氏曰。力貫此火與戰。士陣中歸吾鬼山。設能脫險。更圖事業。洛巴革吾民奈何顧。

亦無多。凡婦人及孺子同赴盛會餘者惟男子則皆已醒當得脫或不至同爲煨燼。於是三人繞牆行。行時羣百姓爭以惺忪之眼追逐其後。或持矛或執椎半皆赤身。巡牆而走火光已熊熊射天。洛巴革與革拉氏前行各以手引蓮花娘至繚垣下。而戰士自牆外大呼曰爾觀之火勢佳也。蓮花娘聞聲而顫。洛巴革及革拉氏力掖之行冒煙排繚垣出既出有戰士一羣在平原之上。去火燄可尋丈以外見羣人出遂大呼曰此即博拉柳趣殺是人。於是萬矛攢刺而斧頭族百姓聚大圈圍蓮花娘於中。圈外則二勇士矗立搏戰直前取戰士戰士觸呻吟斧及魚鷹椎立時解散如遊塵又如巨鎌刈草直貫敵陣而過僅死一人。時四嚮咸聞人聲呼博拉柳及其妻蓮花娘遯矣。其中大將發令集重兵來追洛巴革之衆死者近百人戰士死者可五十。革拉氏猝力而呼故衆咸力戰戰甚酣無一逸者至死亡與否亂中亦不之覺已而衆脫險蓋此二人脚力至迅故趨走亦甚速而衆竟追逐莫及。即蓮花娘亦不之及。然尙勉趨而前近一山穴之半將渡河而前垂渡時鄧革之兵尙未至少須進此山。

穴狀如葫蘆之口。革拉氏止步呼曰。吾族百姓可少停。吾將於此地與來兵語。以代休息。又告洛巴革曰。汝先以蓮花娘渡河。吾於大林中遇汝。設天不相我者。相見正未可卜。想爾時吾兄弟當知所以自處。爾可寘蓮花娘於山穴中。後再呼彼灰色之健兒。爭出助我。嗟夫。吾兄弟吾能尋汝者。亦必至與汝相見。須知此鄧革之軍。必欲行獵於鬼山爲此石巫老嫗。經數百年不之見者。今見之矣。汝趣行留我。當來軍。洛巴革悲曰。非我畏禍而逃。留汝於此。今尼達在軍。吾不能不如是。尼達曰。情人戀我。我今遺禍於汝。死甘也。或君以矛刺我。自救亦佳。洛巴革無語。攜其手急行赴河岸。未渡而王卒已至。與斧頭族搏。尙遙聞大狼咆哮聲。在萬衆中椎聲高下。厯厯可聽。洛巴革大呼曰。大狼勇哉。汝兄弟憊矣。語已復視蓮花娘。乃大奔赴水渡。然蓮花娘亦善泅。不爾且並死。於是二人同至山下。遂入山。將入時。洛巴革聞狼聲起於林中。蓮花娘至此不能步。洛巴革乃負之於背。猶當日革拉氏負枯腊出山也。此時惟洛巴革入山得生。餘人遇之當盡死。此時羣狼大集。面主人。然羣目爭注背上之人。蓮

花娘見狀欲暈。以狼吻凶痏可怖。咆哮之聲令人血冷。而洛巴革慰蓮花娘曰。此我獵狗也。勿畏吾。每行獵必以此今行將領之出獵矣。已而及石巫襟下。至洞口。洞中空無所有。留者僅一二狼。以革拉氏恆不居此。即歸山。亦宿於林中。以林近屠伯之村。故未嘗遠引。洛巴革斥去守狼。謂蓮花娘曰。美人。汝當居此少息。待余殲彼來軍。更來省汝。然吾曾賚食物來耶。匆匆中未嘗將餌。奈何。今余示汝以石戶之機關。因示以石扉啟閉之法。且示之曰。爾試推之。立至石樞之上。惟脫其笱者。非二勇士。不能挽而更啓矣。故余告汝勿更推出其笱。惟急遽中容可推也。及時再定去取。汝今在此。至勿恐。此地良安。舍革拉氏及余與羣狼外。無更知者。今當行救革拉氏。是否。尙生設不然。則我與此等人尙有勾當。當以狼羣與搏。蓮花娘聞言哭曰。主人奈何舍我。安知不由是決耶。洛巴革聞之大悲。然雖如是。洛巴革卒與之親吻而行。遂以手引石令閉。石閉後。山洞黑不見天。內僅餘一線光。其大不容臂。然尙能矚及洞外。其隙則在石扉之右偏。尼達坐處。適與隙光相對。以蓮花娘不能背光坐也。坐時既。

悲且憂。忽爾不見其光。聞有聲似抵隙而喚。蓮花娘自隙中窺之。有尖鼻獠牙在外。尋喚以喙。塞隙而入。尼達大呼喙。復出立聞。以爪探穴作響。石勢爲動。尼達以爲此狼得機關矣。且聞前人言。此非狼蓋鬼也。其術甚狡。而祕具人之知識。恐極。乃力攀其石。令出笱外。隙光遂沒似石卵。入葫蘆中。不更出矣。蓮花娘自念去狼吻遠矣。而洞外聲響。遂不一聞。乃得意而笑。笑已而息。復自語曰。設洛巴革自歸。不能移石。則我之居此。何異窀穸耶。思極而顫。復以耳就隙而聽。隱隱聞山下有大聲如沸。且雜以人聲。

洛巴革閉洞門後。疾趨下山。挾數狼行。以此時未及號召羣衆。行時甚怏怏。思革拉氏必不之見。復自念此行須盡殲王卒始已。然須先偵前途何作。乃曲折下山。聞隱隱有咆哮聲。乃大悅。知此聲爲革拉氏聲。已出險。乃力趨應之。既至。有人坐石上。則革拉氏也。羣狼繞膝而立。洛巴革趨前視之。疲茶已極。胸前及臂膊皆帶戰創。小盾碎裂。如絲魚鷹椎上。血液斑駁。若明示以殺人多也。洛巴革曰。兄弟外事如何者。革

拉氏曰未甚敗。彼人與我同行者均死。即仇人死者亦至夥。惟余在逃如無膽人矣。彼凡三衝吾隊。余力堵迨蓮花娘行後。復戰吾衆殲矣。吾幸能游絕急流而渡。以余夙心欲歸死吾土。此時語未甚詳。余書當補詳之。彼在山穴之前。與來軍力戰敵人。死者相藉斧頭族凡九人。亦殞其內也。革拉氏曰。兄弟。彼人之死夥矣。然吾心尙欲盡。吾兄弟之情與爾不作多時別矣。以秉魚鷹椎之人不久亦且謝世。如夢中枯骨。之言魚鷹椎將作如是結局。果如是。與吾兄弟當長謝方我二人。前此交誼自信。至於沒世。幸亦無忝。惟汝須獨居。經時始能見我。始完我兄弟之誼。究竟爾我之死。均爲美人。乃如河源起自濫觴。遂爾泛濫無極。或亦命運使然。無足駭怪。余今日如不得生。爾須自活。更圖事業。死時揚斧自鳴。亦大佳事。此後或更逢知己。助爾成功。或所仗之器。逾於魚鷹椎也。設爾沒而我存者。我將爲君復仇。至死勿恤。且保護蓮花娘。仍還汝之愛。吾斷無他意。今敵近矣。彼揭淺水而來。爲路稍紓。然聞彼立誓。必欲殺我。以遵王之號令。卽死毋憚。以余觀之作戰樂。也不期。彼人乃進我灰色健兒之。

吻爾今且發令當作何部署以上均革拉氏在羣狼中爲此言洛巴革挂斧於地且聽且哭洛巴革之爲人舍蓮花娘及余摩波外最愛者卽革拉氏爲生平第一知己乃應之曰余非爲洞中之人舍汝死而我生者此呻吟之斧當逐年而忙令每人如汝所戮之敵人然後已嗟夫革拉氏吾其誤也吾始聞西尼娣言不應以美人入我部中其言已驗今後當更覓一清淨之土都無婦人但有戰鬪則吾輩當尊崇無上而爾我之情仍完密無間斯爲得矣惟吾灰色部民今當令其一戰即巍然之石巫視吾輩酣饗亦當開一笑豔然尙有言吾二人須兩次并命與鄧革決高下一則在樹林空曠中設吾軍敗者則吾輩爲第末次立石巫膝下戰死於石洞之前石洞者蓮花娘在其中也大狼汝言吾灰色部人能爲我死戰乎革拉氏曰吾戰已罷不能更誘來兵下此不知所居惟吾民有爪有牙或足與矛爲敵屠伯之策亦佳今先往誘敵容我消息革拉氏遂號調羣狼狼盡起聽點然爲數頗少以間出行獵多物故而乳狼又少故厯落不如前

此之盛僅餘五分之一。洛巴革分調訖。牲者隨革拉氏。牝者從已既成列。遂穿叢林。而出伏山穴之陰。伺敵久之。王卒亦至。四偵洛巴革。王卒之前鋒有二健卒。探伏兵。徐徐行流目。四盼不可得。無心至山穴之外。而洛巴革亦以狼出見。大隊至。乃歸報。洛巴革。洛巴革久於狼通狼語也。時王卒之前鋒互語曰。此地陰森多鬼作異聲。似以鬼手推吾輩出。吾隱約中如見狼狀。胡乃不嘶噫此其鬼山耶。多鬼信矣。王奈何令吾輩殲此神巫然。王令雖爾。此巫之窟穴焉可盡耶。伙伴汝試言。彼曉光未上。中跳躍隱約者何物。是否狼耶。其一人曰。鬼耳。問者曰。然則周山皆鬼矣。彼大狼爲吾所逐者亦必在是中。詎神斧大權乃作爾。許鬼蜮之狀。瞰我全軍。歎其人大笑曰。安言神斧。彼有婦人縕之。又何能爲然。吾尙見樹林中赤眼閃爍。是必爲狼當徑往。取之。吾輩須知。弗遵王命歸亦必死。彼王之削杖抵吾腹。害甚於自焚。吾輩全軍皆抵罪。今惟并命入。當得渠魁以報。今將安入。吾後軍近矣。將引大將費庫從何道行。且此叢林黑。不見天深。防遇伏。我思此入爲第一次。實亦第末次也。爾不觀泥上足迹。

交雜如人如狼何也。詎狼時化人人時化狼耶。答者曰。誰能知之。此鬼界耳。今且進。此時大狼兄弟以力靖羣狼使之勿囂。以狼吻見人涎沫交噴已而力不能制有牝狼力奔言者之胸。敵其頸立仆其一人。大呼曰鬼狼至矣。大奔將歸其軍未及至。羣狼大嗥圍撲少須餘一矛耳。時彼軍亦奮呼將奔。大將費庫碩而勇不令逃。曰王卒汝勿憂。當堅陣以待。此非鬼大狼之黨人耳。汝輩見狗何爲張皇爾輩見矛且勿恐。胡乃畏狗卒趣結陣立勿退。王卒聞言復歸作雙圈之陣。圈外有圈。衆舉目右矚。見一人高舉呻吟。斧狼革戴牙啞其額上。狼皮被其背爲風所扇四張。其人博拉柳也。率諸狼大呼陷陣。如颶風。衆更左矚。則大椎巍然前導。王卒後軍雖未與大狼遇。然習聞此人仗巨椎如舞小棒。咸曰其人爲狼王。一人具十力。二人乃交臨吾軍矣。爾不觀黑色與灰色之軍。咆哮跳踉。非歌凱歌耶。其來如流水矣。語未已。衆狼撲陣入。而矛鋒遂與爪牙互抵。已而外圈破。神斧入而革拉氏之大椎復直貫第二圈。此時王卒非以背互抵死爭者。餘皆立仆。戰逾時。人皆無知。但見亂椎交下。尸積如小

阜然衆多二人亦退圈復合狼亦半死王卒死者尤夥僅餘三分之一能矚日光於林外餘人戶均不完與狼尸交橫費庫呼曰今日之戰乃有惡鬼附之狼軀想彼二人爲鬼巫能役鬼及狼然巫勇如是我亦愛之惟須盡此二人或反爲二人所殊卽亦無惜今吾軍無幾而彼狼亦多死吾觀鬼巫之臂亦不勝力當更進攻於是麾餘軍復前方登山時時爲狼攫零星死者無數而費庫微聞此二人嘯餘狼如勞軍然然未敢出殆養精蓄銳爲末遭之鬪耳山路絕修兵中無識路者沿路狼來攫人顛頓萬狀迨暮始抵石巫峯下衆方欲乘夜色登高陂上忽見二人並立此二人幾於遍地球不能再得者二人狀如烈火斜陽適射其面羣狼集其腋下週身皆血費庫散前方費庫前時洛巴革仰觀石巫而陽光亦適照巫面洛巴革曰媼今茲能爲我作笑醫耶以我觀之媼必大笑乃曰革拉氏今惟以餘衆赴敵此戰必得當忽爾呼四大將陷陣於是諸狼皆聞令第所餘無幾亦厭兵且帶傷者然猶勇健乃大嗥撲

敵力敵其衆。迨盡死於矛始已。惟餘最之一狼獨歸。意將與革拉氏同命。革拉氏呼曰。我爲狼王。今乃無衆矣。吾命亦宜盡。方余在合拉加西村中。如是今至鬼山復如是以此推之。余安有佳境。縱使能王。收局已可見。屠伯爾今何圖。左右惟汝所擇。時山下有二圓石。石上有二徑。造石巫膝下。相距可十步。洛巴革居左。革拉氏居右。各秉械以俟。時王卒盡登。分路來撲。二人以左手之矛刺。三人皆死。衆復進。洛巴革舉斧鞠躬待敵。斧光閃閃。但見洛巴革殺人口中數曰。一二一二而已。革拉氏亦然。然來兵猶猱進。至洛巴革前。中有一人出矛刺洛巴革。洛巴革少伏。而矛過項上。此時屠伯護身之甲禩矣。來兵曰。惜哉此矛。而洛巴革復起。揚其斧。但見斧光一燦。此矛兵之顱骨及鼻以下逃矣。而半身尙留。洛巴革曰。愚兒。此吾所以報汝矛也。革拉氏在右方。亦屢數人數。言二三而已。殺不已。而進者亦不已。費庫宣令曰。餘人蒙盾作巨陣卷入。衆甫登死者四人。立退。費庫曰。圍而斃之。當衆進時。但見此神斧。不復高揚。但如啄木之鳥。時時下啄。特所啄處未嘗留一人。費庫復集衆曰。先撲此西恣。

伸。勿令逃逸。四嚮指麾曰。衆慎之。吾輩死神在彼目中。當勿落其手。時革拉氏猶生大椎之聲。落革盾尙兀兀有聲。狼牙宓厲或中矛而死者聲至淒厲。而革拉氏亦且戰且呼。雖身中十餘創。猶力戰不郤。股上中小斧血湧出。背上亦中數矛。勇氣不衰。死人如麻。已而敵軍僅二人當其前。一人前走誘敵。一人欲乘其後。而革拉氏狂奔不之備。前行者立死椎下。復揚其椎反擊。後尾之人椎下如碎卵矣。革拉氏自拭其血。拭已目注死人呼曰。屠伯敵盡矣。惟余二人已然。屠伯之斧尙剖敵盾作破裂。聲革拉氏欲趨就之而創重不能進。復呼曰。兄弟此長辭矣。死亦佳事。今吾新製一死人之席。臥之滋適。語已復奮呼忽聞遙遙有聲答曰。大狼別矣。汝徐徐臥也。爾我之禍專爲一美人耳。於是革拉氏亦僵於萬屍之中。方垂盡中。猶言曰。果爲一美人敗也。彼之幸留亦因美人而奮其神斧耶。然能生較死爲佳。嗚呼。吾勝矣。吾勝矣。尙力舉其大椎。旋舞一二。次立暝。

洛巴革與費庫持械相顧於山中。餘衆無一在者。洛巴革身被十數創。費庫無傷。亦

舉巨斧大笑曰事已至此屠伯聽之爾我須決一戰用以報王我衆雖爲汝所殲然我之生平能與汝二勇士死戰亦我生之幸屠伯汝須少息於我二人收局之前爾兄弟之死堂堂哉設吾能勝汝者吾必傳此佳話備歷諸村爲千古不磨之英雄作佳傳也

第三十四章 蓮花娘卒

洛巴革聞言不答以善戰之人不欲費其呼吸爲閒話故不之答時天色向黑洛巴革舉斧言曰鄧革之士我聽汝所爲二人遂環走作勢伺隙而進費庫乘間以斧擊洛巴革之首洛巴革以斧抵之費庫縮其手而斧尖已觸其額際屠伯痛極若酒醒以兩手把斧趨擊之第一擊費庫落其頭上之羽及盾退至一矛之遠第二次再進不中第三次轉其斧側下中費庫之胸骨碎立顛於山下挺然不復動洛巴革作獮笑曰盡此日光之下竟殲此軍快哉快哉鄧革汝當更以衆來仇殺爾軍之人言旣迴視蓮花娘於洞中此時費庫似死實未死坐於地上復以死力拾斧伺隙擲洛巴

革而斧果飛騰而至。幸疾行斧觸左太陽穴。費庫死。洛巴革亦擲斧臥於鬼山影下。蓮花娘閉洞中。長日聞戰聲不止。徐徐近於洞下。卽狼聲人聲矛聲盾聲皆近。長日如是。西日將匿時。戰聲已近洞口。一一明晰。已而漸沈漸渺。大狼所言及屠伯應聲。亦一一聞之。即二人殺人核其數。與革拉氏呼得勝聲。亦靡不聞。知其聲哀很死者。之聲也。尋又聞二鐵相觸此聲。一止萬緣皆寂。如入嚴更之中。戰聲及人狼之聲都渺似皆就死。此時百物悉已爲死所據矣。蓮花娘居洞黑中言曰。吾夫其歸乎。以理卜之。吾夫必歸。彼戰士甯爲我夫之敵。若果遲遲者。是必坐而自裹其創。久戰如是。安必無傷。然以我倦如是。我夫奚不恤者。矧此地兇極。胡能久居。此蓮花娘盼望之心。至切。故幻爲是語。以自慰藉。然久久但有沈寂之象。蓮花娘復言時人靜山深。山谷爲應。毛髮爲竦。已復自強曰。我諸無畏。起矣。思移石闢門出尋吾夫。吾夫必逗遛。於外助創人理創創者或卽革拉氏也。革拉氏雖勇必傷無疑。彼人雖不吾重。然吾亦甘心調護其人。此非我愛。彼逾於吾夫。特爲義應爾。此大狼素不近婦人。且爲吾。

仇嘗被其毀讐。而我殊不輕詆其人。今且關門。乃起而推石。石久不動。因憶洛巴革之言。此門已脫其筈。乍爲備狼。始闔此扉。在洛巴革行時。曾殷殷道此。以心畏狼吻。乃盡忘之。今欲移動一黍之地。力亦莫勝。水餌備竭。饑火中噴。計非得洛巴革。殊無得生之路。設洛巴革弗歸。百事已矣。思及此。乃大窘而號呼。洛巴革不已。然山洞中迴音。亦作洛巴革洛巴革報之餘。悉無所聞。

余愛女蓮花娘。旣驚且狂。困於山洞中。至兩晝夜。不省何時得生也。然當百窘中。忽得喜兆。似夢非夢中。見一人。卽革拉氏所言石龕上之枯骨。此時忽作聲曰。革拉氏死矣。彼大椎之運。及其生命。已盡於此。鬼狼亦死無遺噍。吾本餓夫。死此洞中。以我之死。栖魄於此。尼達汝死當亦如吾。以汝之美。與汝之愚。乃令此數族之人。均死汝。美貌矣。此數語。尼達在昏憊中。聞石龕上鬼語也。正淒然無主中。忽見陽光一線。在石隙中閃鑠者二次。似兩晝夜矣。至第三次光入。須臾復逝。而尼達飢疲亦僵。少覺似在夢中。忽聞有人聲呼於洞外。旣弱且微。曰。尼達生乎。尼達生乎。尼達作很聲答。

曰。生也。幸授我以少水。少須復聞異聲。如巨蛇行地狀。有一垂僵之手。擲一小葫蘆。之水入洞。尼達飲已。始能言。而水之入腹。如烈火得油燄。乃奇熾。因呼曰。洛巴革。至乎。意汝死矣。或吾夢與汝接耶。洞外答曰。尼達吾也。汝聽之。爾石脫筭乎。尼達曰。然。繼以歎歎之聲。曰。或吾二人以力推之。尙可動乎。洛巴革曰。吾力若在此。何足云。今且奈何。然雖如此。我仍試之。於是二人極力推石扉。顧此時二人之力。曾不如一稚女。石不爲動。尼達曰。洛巴革聽之。我生無幾。奈何凌暴無餘。今且置此。述吾臨死之言。此時洛巴革暈於洞外。尼達椎心號天。哭不已。已而洛巴革忽言曰。咫尺之地。乃隔人天。竟不能一面耶。嗟夫。吾力拔山。今乃輞於流水。足旣莫行。亦無能覓食以甦也。吾中斧後。疑已死。不知僵臥幾時許。意爲時久矣。今四肢如瘞。羣戶縱橫吾旁者。其困尼達曰。洛巴革汝傷耶。洛巴革曰。然。飛斧觸吾腦。此鄧革之列校中我要害者也。吾中斧後。疑已死。不知僵臥幾時許。意爲時久矣。今四肢如瘐。羣戶縱橫吾旁者。爲鷺鳥所食殆盡。惟革拉氏之戶尙完。幸有一老狼未死。力覆尸上。得不實於鳥吻。時復以舌舐革拉氏。鷺鳥因不敢進。予在石下。鷺鳥以喙來近。余遂驚醒。由彼處獸。

行至此。若非是鷺鳥者。余死矣。今自念死於石下者。佳徒生此須臾。何爲也。余今如落窯之狐矣。蓮花娘識之否。余瞬息從汝逝矣。尼達曰。我輩之收局。艱哉。吾年尙稚。貌如花蕊。且於君至有情。尙望爲君生子。今時窮勢迫。固無可如何。然遽即以是殞耶。吾舉體完好。惟憂患之深。遂致吾命。今餘息懨懨矣。且勿言長別。更敍少時攜手同行之日。並追敍爾我之深情。與君得意之日。但見神斧飛揚。殺人如麻。吾邇日尙語君以婦人幽閨之事。吾今出手於竇。洛巴革能親我耶。洛巴革果如言以破爛之額。俯而親蓮花娘之小手。堅執不放。至於終極。洛巴革踞門外側身而語。蓮花娘自洞內答之。微語愛情。欲以祐其悲戚。洛巴革遂自敍英武之略。語至慨。尼達曰。此皆西尼娣之罪也。由此觀之。西尼娣恨我良當。我思彼往訴。鄧革乃有是役。然鄧革亦從死路來矣。洛巴革曰。余尙有望。望爾我呼吸。并爲一孔。同盡則兩兩。駢肩往尋革拉氏。亦云樂矣。惟此時尙有須斯之仇。未復余恨。不能盡。宣尼達曰。吾夫更勿言此。吾命已瀕於鬼鄉。與殺人並見殺於人之人。同歸於黑闇之地。今惟挾此愛情。於

心坎同死爲得吾。今茲一身盡屬於君。託君大名之下而死亦人生得意之事。脫吾來生能再爲女子。一遇君來必跳躍迎君與君親吻顧念雖如是惟君亦未必與吾同歸耳。以語度之君將更生即異日不幸之處亦轟轟烈烈爲大丈夫之行狀必更有一美人事君矣。言時忽咤曰吾居黑洞之中何以如見吾夫情狀既長且瘦色如死灰而威武之狀慄慄動人且舉斧於項而死人如麻橫陳道上而君之四隅均妙絕白種之美人吾夫左額之次亦有巨穴。洛巴革曰設吾生者安知其不如是然吾顱破矣。尼達至此語止。寂然移時洛巴革痛極且悲亦不能聲其悲者悲蓮花娘薄命也。又恨費庫乃驟奪其勇令彼懼懼如病夫因歎曰是人事業至偉今乃不能庇一婦人矣。甚至以勇蓋萬夫之人亦不能支石而立矣思極淚被其頰帶血墜於蓮花娘之掌蓮花娘覺而復甦曰吾夫勿悲吾命惡乃累吾夫倖勿爲我傷懷但憶吾至愛汝則或釋此悲慘也。

語已復靜又似歎歎而言曰洛巴革吾夫又吾兄弟今謝君愛我茲永別矣嗟夫吾

行矣。洛巴革聞聲。竟不能答。但張目注其小手。此小手在洛巴革掌中。開而復合者。再至第三次。復開成灰色矣。顫不已。似已殞命。此時天已遲明。

第三十五章 摩波與假子同復大仇

蓮花娘死之時。適天明之時。余摩波適歸斧頭族村中。時余所畫亦已大就。凡所蒞之部。部酋咸悅余言。天明及村外。一望寂寞。如無人煙。因自念此非鄧革足跡耶。徘徊久之。不卽入。已乃見人羣自遠而近。逃於稻田之中。防彼殺人者回軍戮之。余卽稻中人。值得故事。坐而靜觀。此時余已老憊。聞之甚悲。又問殘黎曰。王卒安在。衆曰。弗知。但聞此卒。逐大狼兄弟。及蓮花娘入鬼山矣。兵入後林中。聞狼嗥聲大動。戰聲亦四起。已而寂然。並未見一人出者。但見鷺鳥成羣。入林而去。余曰。衆能從吾入山乎。衆始夷猶。余乃導以勿恐。衆亦從余行。余行道。即遼王卒故道進。以勢揣之。知此軍覆矣。最後至石巫膝下。其地似經百戰。戰士之尸。爲鷺鳥所斃。只餘殘骨。惟革拉氏屍。有老狼伏其上。尙生。余近其屍前。此狼立起。張吻欲撲。余亦不嗥。嘯以力。覆死。

人似憊極矣。余四覩羣屍，覓取秉斧之人，竟不見。余以爲洛巴革必不逃出山外。乃無言。至於洞次，以爲洛巴革必伏於是。方余至是，有屍橫於石上，逼視之，洛巴革也。餒極故斃。頂門中受大創，餘傷尙被其體。手中執一死人之手，自石穴中出。余觀之，卽知狀。必吾女蓮花娘手也。遂撫洛巴革之心，尙躍躍然動。余乃拾石旁鳥羽，近其鼻竅，以驗出入之息。然胸脇之間，似有吐喻之狀。卽鳥羽亦微動。余麾村衆，動石扉。扉啓，陽光射入，見屍果尼達也。屍猶奇豔，余撫其心，已無生氣。肌冷如冰。余乃曰：死者聽之。吾拯其生者耳。復昇洛巴革入洞，幸攜得小鑪及罐，聚葉汲水，爲瀦灌其口。且裹其創，以善藥敷之。此余之長技也。設此時非余儲善藥，則洛巴革去死近矣。前此洛巴革幾死獅吻，爲大狼所生，今茲余復甦之矣。乃亦在此洞中也。洛巴革三日始能言。方洛巴革沈睡時，余卽洞中挖穴葬吾女蓮花娘。於是遣衆出采野蓮，無數疊於屍上。令土勿親膚，乃掩其穴。余夙心不欲洛巴革見之，患彼重創之餘，見之且腸斷轉以傷其生。以洛巴革之志，誓欲從死，故不欲令彼見之。旣瘞蓮花娘，復瘞大

狼卽以巨椎爲殉具。此二人生爲其妻與友。今死亦同瘞名山。嗟夫。世界茫茫。安得
美人及壯士如此二人者耶。逾三日。洛巴革甦矣。即問蓮花娘安在。余指穴示之。洛
巴革始悟其已死。乃大悲戚。自是日起。洛巴革創漸平。殷憂之中。髮有二色矣。恆不
言笑。狀愈獮厲。此時。值得西尼娣死耗。以此時諸婦人皆歸。惟西尼娣及二子不返。
因而知之也。尙有間諜一人。語余以西尼娣之收局。及鄧革遜荒事。洛巴革旣愈。余
叩以何圖。應否如余前策。統此一方。收復大業。洛巴革搖首曰。意不屬此矣。惟欲復
仇。殺鄧革而已。余曰。此仇吾亦耿耿。今且往尋鄧革。或可得之。余書至此。亦更無可
述矣。余年近百齡。亦且死矣。雖然。猶有餘波宜述者。余此時以甘言說潘德。與鄧革
爲仇。余前此力拯潘德者。蓋卽儲爲今日之用。血河大戰後。鄧革召潘德行獵。余至
潘德村中。洛巴革亦同行。余密語潘德。必勿行。王之獵。獵汝耳。爲君計。必挾百姓同
逃。那達勒禍始免。潘德從余言。余乃往見布兒斯酋長。曰藍格魯。亦號大勝者。告以
鄧革暴虐。勿令乞和。潘德者良士也。宜親。於是布兒斯與潘德合同討鄧革。余因其

二人搏戰。乃遂吾復仇之心。余計恆從間隙中。挑彼二人大戰。蠻江古之戰。此世界之劇戰。余即在兵間。鄧革之兵。逐我軍而北。以大勢揣之。似敗衄矣。幸余指示大將囊拉沙說布兒斯之衆出攻時。亞麥枋那種人。亦未與布兒斯合軍。惟黑種人與鄧革鑾撲。爲勢頗不敵。幸洛巴革從半道出。斷鄧革後軍。始遇布兒斯大將。合兵攻鄧革中軍。鄧革軍不能兩敵。乃大敗奔逃。二軍追而殲之。衆盡。鄧革遂不王。然尙生也。於是吾二人復仇之心。乃愈熾烈。余遂遊說於布兒斯及潘德之間。言吾二人事大王至佳。且爲襄助。故得勝如是之速。然不求酬庸。惟乞吾二人得偵取鄧革。無論何地。能得者卽殊之。以彼虐待吾輩。吾輩必復其仇。而布兒斯酋長及潘德咸悅而許余復其仇。且言爾能成功者。吾一生大慶。不逾是矣。授余數卒。助獲其人。余乃挾衆獵喪位之王。至於數旬之久。猶人之僨取創兜。務在必得。有叢林曰安佛羅西者。亦徧跡之。而卒莫獲。鄧革蓋審仇家至衆。血湧如沸瀋。知且不免。久之。仍渺無跡兆。尋微聞鄧革走潘加羅。尙有餘衆隨之。余亦踵及於曠美野鴟。伏於密樹中。一日得

之。鄧革者。徐徐自林中來。侍者二人。余突出殺其二人。縛鄧革。鄧革見縛而戰。余曰。嗟夫。鄧革吾前日不嘗語汝以狀耶。汝今既不王矣。汝虐我無狀。逐余有諸。獨不念擁立者非我耶。微我汝焉得位。鄧革無言。余復曰。余摩波爲麥格丹馬子勸進之功。皆余一人之力。今則斥汝於王位。不令撫有萬姓。惟吾言今尙未畢。更當申之。吾前言述汝暴虐無人理。若再見我者。則汝事畢矣。以汝逐我之時。卽爾後來畢命之預兆。鄧革復無言。洛巴革起曰。鄧革我屠伯也。汝今已非王。然當時何以驅羣屠人殲我斧頭族。今汝黨徒安在。且勿問他事。汝先往撫汝衆。此時鄧革曰。殺我快汝意足矣。何多言。洛巴革曰。未也。時尙未至森西葛那子。汝聽之。此非汝死所也。彼處有婦人曰尼達蓮花娘。吾其夫也。嗟夫。鄧革摩波亦在此。卽爲蓮花娘之父同侍汝前。嗟夫。汝知此婦人之死備極慘狀乎。彼未死之前沈思者。凡三日夜。汝當赴彼處聞彼故事。則汝心始糾結不可解矣。汝心素抗暴如猛獸。苟聞蓮花娘慘死。想汝亦當憐之。當時有孺子二人。爲西尼娣所生。溫馴可愛。我卽彼父。嗟夫。王也。汝乃墳之於溝。

瀆乎此二暨者汝早晚見之矣今且行去爾死所尙遠鄧革無言遂上道行二日因鄧革至鬼山上閉之石洞中方余囚彼時行殊緩以鄧革之身重逾於中人後推者三人前三人以繩引之如纜焉行次余指殘骨示鄧革並語以搏獸之狀已乃至洞中余謝遣潘德之人以余意思必獨與鄧革靜對而詰責其罪鄧革據洞穴而坐余告以地下爲蓮花娘孤塚謂蓮花娘之死卽死於汝手且示以大狼之墓乃推石封洞窮閉鄧革於洞中至第三日天未明余復至洞口視之鄧革曰速殺我是中大有鬼不堪其虐今惟死之求余曰王澤汝今但有澤不能王矣汝手中能造製厲鬼至億億萬今乃畏此二強鬼乎汝試言鬼狀且汝持何贊往謁鬼羣汝俄頃爲鬼矣將何以爲禮鄧革乃哀吾慈悲鳩之速死余曰狸狌吾何慈之爲汝生平曾以慈悲示人否爾趣還我女令此人得完其骨肉更乞慈悲亦未爲晚鼠輩汝來前汝趣爾死路汝無膽不成人類死晚矣因開洞口擒而出之至石巫胸臆之下在石龕之頂余立俟天曉此時卽尼達畢命之時乃就鄧革耳中呼蓮花娘名遂推之巖下此一節立俟天曉此時卽尼達畢命之時乃就鄧革耳中呼蓮花娘名遂推之巖下此一節

卽鄧革之收場也。鄧革之心較查革爲忍。而吝賞斬賚。良不如其兄。

第三十六章 摩波敍收局

以上皆尼達蓮花娘之歷史。並余輩爲之復仇事。苦哉苦哉。當日所歷之程途。其苦多如此類。後此潘德嗣立。則事局一變。潘德寧靜之人也。尙有餘波。足述以告觀者。余旣誅鄧革。遂去其地。以余在是間。連弑三王。乃避地至此。那達勒村。前此卽爲達沽沙王居也。鄧革之骨在山壑中。爲余第末次見物者。後此遂盲其目。太陽及他光。均不之燭。究亦莫知其所以然。或悲傷過度。所以至此。旣盲之後。遂易新名。易名之故。正恐有矛鋒及余胸臆。以余生平多陰謀。曾弑王二。及王之宗室一。王族爲吾濺血。吾報仇之心足矣。余於是夜。卽爲假子洛巴革引余至此。成一老巫。居此又不知幾及年載。幸有餘貲。洛巴革至潘德家。收余當日鄧革所賜之牲畜至此。資吾養老。而達沽沙之故人都盡無一存者。因亦不知余爲潘德。卽當日之摩波。並無人知頽老之摩波。能力刺蘇嚕之獅曰查革者。今此故事。惟丈聞之。指第一章之白人幸丈勿洩吾

言。待余死後方可宣布。然則洛巴革安往耶。彼已歸斧頭族中。築其殘黎。更娶妻生子。惟不如往日。征合拉加西之盛。以村中丁壯爲鄧革所滅。幾無子遺。而潘德則亦優容不相猜沮。以潘德不知洛巴革卽爲查革子也。洛巴革亦視王如狗。蓋自尼達去後。大志全隳。雖如是。然猶自領一軍。累戰於近村。成無數事業。佐潘德之子嗣王安泊拉氏。四征石廬。在土塞拉曾經一大戰。以西抵畏陥與嗣王爭國。洛巴革恨之。出大力與禦。非遇白種獵人馬柯嗎沙者。則洛巴革亦立蹶。其後洛巴革來訪。余以余老耄。洛巴革憐而親我。今聞其人逃至極北。消息始中斷。不復聞。後此不可知。意是中必有一美人在。然則美人者。洛巴革命宮之磨蝎也。此美人之故事。余盡忘之。今前所記。特余女蓮花娘之事。丈試觀吾手。指第一章然則余摩波一生之爲人。似此手中有二王之赤血沾染。吾指掌之上丈觀之。觀之忽爾中歇。其聲以首自俯胸。前此白種人方靜待其更言。而摩波逝矣。